

*LEGAE LA KA MOSO LA  
MONYADI WA LEGODIMO  
LE MONYALWA WA LEFASE*



A re feleng re eme lebakana, ge re inamiša dipelo tša rena bjale pele ga Modimo.

<sup>2</sup> Tate wa rena wa Legodimong, re leboga ka nnete monyetla wa go ba mo lehono, go kgobokana mmogo Leineng la Morena Jesu. Re a rapela O re lebalele dibe tša rena, gomme bjalo ka ge re le mo go retollela šedi ya rena go dilo tša ka Gosafelego le Bophelo bjo bo robetšego ka kua ga phihlo ya lehu. Bjale re a rapela gore O tla re laetša ditšhupetšo tša Gago, tša gore re swanetše go retologa bjang, go se dira ka moso, le bogona bja bjale, go rua lefelo lela leo re . . . le tšhephišitšwego.

<sup>3</sup> Fao go na le ba bantši ba ba babjago le go hloka ka nageng, gomme ga se ba feleletša leeto la bona. Gomme lenaba la rena le legolo, e sego lenaba la rena feela, eupša lenaba la Gago, o tllile go ba swabiša le go—le go emiša bophelo bja bona, le go ba romela le—lebitleng pele ga nako. Gomme re a ba kgopelela, lehono, gore Wena le kgaugelo le mogau wa Gago, Morena, o tla oketša matšatši a bona go nako ye e abetšwego.

<sup>4</sup> Godimo ga sefala go robetše, goba phuluphithi, mo go robetše disakatuku le diphasela. Gomme ka ntle ga dihologo le go dikologa lefelo, ke bona godimo go dikoloyana, la maako, balwetši le ba go tlaišega, ba eme ka batheeletšing le go hloka maatla a go lekanela go ema godimo.

<sup>5</sup> O Modimo wa ka Gosafelego, Mošegofatšwa yo Motee, a nke O kwe thapelo ya rena mosong wo, go kgabola Madi a Morena Jesu; e sego go lebelela bokgopo bja rena, eupša go tseba gore O eme ka lefelong la rena, gomme ke Yena yo Motee yo a re emetšego bakeng sa thapelo ye. A nke yo mongwe le yo mongwe yo motee a fodišwe bakeng sa letago la Gago, Morena.

<sup>6</sup> Šegofatša disakatuke tše. Ge di bewa godimo ga balwetši, a nke ba fole.

<sup>7</sup> Gomme bjale, Tate, go fihla ge re letela tirelo ye kgolo ya phodišo, re a dumela e tla latela, bula go rena tsela ya Bophelo, Morena, re tseba ka Lentšu la Gago se re swanetšego go se dira. Ka gore re se kgopela go la Jesu Leina. Amene.

<sup>8</sup> Bjalo ka mehleng, wo o tšewa go ba wo motee wa menyetla ya ka ya godimodimodimo, ke go ba ka ntlong ya Modimo le

go bolela le batho ba Gagwe. Gomme bjale ke a tseba gore go pitlagane kudu, gomme ke na le thuto ye telele kudu. Ka fao ke nna . . . Ke—ke tshempa gore—gore le tla ba tlhenkge, ka mo go kgonegago le tla kgona, go fihla re fetša Molaetša.

<sup>9</sup> Bjale, go a fiša, eupša re leboga setsidifatša moya. Eupša, sehlopha sa bogolo bjo, fao ga go setsidifatša moya se ka kgonago go e hlokomela, le a bona, ka baka la gore mmele wa gago mong ke seripa sa go tšweletša, e ka ba masomesenyaneseswai sa ditikiri, gomme o ntšhetša phišo ntle kgafetšakgafetša, gomme le dutše kgauswi mmogo. Eupša ke—ke a tshempa gore Modimo o tla le dira gore le dule tlhenkge ge A kgona.

<sup>10</sup> Gomme ge re le ka gare, dikgobokano tša go lefiša bjalo ka ye, ke—ke be nka se re le tle mo, le ka mokgwa ofe, ge ke be ke sa nagana gore e be e eya go le thuša, ge ke be ke se ka nagana gore e be e dira gabotse, gore o tla boelwa ka yona, ka go tla. Gomme ka gona, ka go tseba gape gore ga re na le botelele kudu go dira se, gore re—re tla go—go tšona diiri tša go tswalela, gomme ke—ke nyaka go dira nakwana ye nngwe le ye nngwe go ba ya mohola, gore ke kgone, bakeng sa Mmušo wa Gagwe. Gomme bjale ke a tshempa gore Morena Modimo o tla re šegofatša ge re kgobokana.

<sup>11</sup> Gomme ke nyaka go le leboga, gore, maabane ke be ke eya go mafelo a go fapana, ka ntle go bona ba bangwe ba go babja le go tlaišega, ka dimotheleng, gomme ka fihla go kopana le ba bangwe ba balaodi beke ye, ba bangwe ba mafelo a go jela. Bjalo ka, ke be ke le ka kua Ranch House beke ye, godimo mo, gomme molaodi o be a šišinya seatla sa ka ge re thoma go ya ntle. Gomme a re, a mpitša, “Ngwanešu Branham.” Ke ile ka makala gore o ntsebile bjang. Gomme a re . . .

Ka re, “A ke wena molaodi?”

<sup>12</sup> A re, “Ke nna mong.” Ka fao ka gona a re, “Ya, batho ba gago ba tla ka gare mo go ja, go tšwa tlase kua.” A re, “Ba . . .”

Gomme ka re, “Go lokile, ke a thanka ba go dira semenyamenya.”

<sup>13</sup> A re, “Mohlomphegi, seo ke se setee sa tše kaonekaonekaone sehlopha sa batho nkilego ka se bona.” A re, “Ke ba bakaone ka nnete.”

<sup>14</sup> Ke ile motheleng maabane, go bona mohumagadi yo moswa yo ke bego ke nyaka go bolela le yena, tatagwe le mmagwe ba be ba le gona, gomme ke ile ka swanela go ya go molaodi go hwetša moo mo—mot- . . . kamora ye ba bego ba le ka go yona.

<sup>15</sup> A re, “Gomme ke wena Ngwanešu Branham?” Ke godimo ka Oaks.

Gomme ka re, “Eye, mohlomphegi.”

16 A re, “Ke nyaka go šišinya seatla sa gago.” A re . . . A ntsebiša go mosadi wa gagwe; banyalani ba bakaone. Ba re, “Motho yo mongwe le yo mongwe ka motheleng o tsenela ditirelo tša gago. Re o beetše bona.” Gomme a re, “Ka moka bareki ba bangwe ba rena re ba gomišitse.”

Gomme ka re, “Go lokile, ke le lebogela seo.”

17 A re, “Ngwanešu Branham, se setee se se kaonekaonekaone sehlopha sa batho nkilego ka se bona, ke batho ba ba tlogo godimo mo, ba ba tsenelago dikopano tša gago.”

18 Ke ile ka gare bošego bja go feta go mogwera wa ka, Mna. Becker tlase mo, gomme ka mehla ke be ke rata disangwetše tša gagwe. Ke yo . . . O, ke mo tsebile ge ke be ke sa le mošemane; ke mo tsebile bophelo bja ka ka moka. Fao go be go le banyalani ba dutše fao go tšwa tlase ka—ka go lefelo la kgale, tlase ka Riverside Hotel tlase kua. Ka fao ba . . . Mna. Becker o rile, “Billy?”

19 Ka re, “Ke eng, Homer?” Re tsebana gabotse yo motee go yo mongwe.

A re, “Ke fepa batho ba gago ka moka godimo kua.”

20 Makgolo a mabedi, goba selo se sengwe, Lamorena le lengwe le le lengwe, ba ja ka Blue Boar. Gomme gohle mo ke yago, ke kwa ditshwayo tša ka fao le lego ba bakaone.

21 Moisa yo o rile, “Tlase ka—ka Riverview tlase kua,” o rile, “ka moka lefelo lela le tšeetšwe godimo ke batho ba ba tsenelago kopano.” A re, “Fao ba makgolo ba ka se hwetše go tla ka gare.”

22 Ka fao, go ba seo, go nna ke lena letswai la lefase. Ke—ke thabile kudu go tseba gore ke na le monyetla wa go rerela batho bao e lego gore le badiradibe le batho . . . Ga ke re batho ba ke badiradibe, eupša ke ra batho ba, kgwebo le go ya pele, ba ba kgonago gore le batho ba bakaone, gomme ba leboga lena ka kgwebong ya lena, go dikologa mafelo a lena. Le a tseba, seo ke go ba letswai. Ke leboga seo, boitshwaro bja lena, tsela yeo le hlokomelago dilo.

23 Ka mehla ke be ke fela ke re, “Ge yo motee a etla ka gare gomme a se, a se na le tšhelete go hlokomela tefo ya gagwe, e no mpitša godimo.” Le a bona? Ke rile, “Re tla dira selo se sengwe ka yona.” Gomme ke rile, “Ka mehla ba fepe, ge eba ba na le tšhelete goba aowa.” Le a bona, eng kapa eng e ka kgona go dirwa.

24 Ke ikwela gore le bana ba ka. Ke lena—ke lena dinaledi tšeo ke . . . Ge nka tsoga ka ba le e tee ge ke fihla kua, o tla ba lebjehohlokwa leo, karolo ya go kganyetša ntle, ka go—ka go korone ya bodiredi bja ka. Ge bo rwešwa korone, o tla ba lebjehohlokwa leo.

25 Gomme ke be ke le botša, dinakong tše di fetilego, ka Mahuto a Šupa, Mabaka a Kereke, le dilo tšeo—tšeo di bego di direga.

26 Gomme bjale, mosong wo, ke na le thuto ye bohlokwa kudu. Go nna, ke ye e tletšego tšhegofatšo kudu. Ke a holofela e le ratha ka tsela ye e swanago. Gomme ge nka no kgona go e fa ka tšhušumetšo ye ke e hweditšego ka yona, e tla ba mo go makatšago, eupša go tla tšwa go Modimo go dira seo.

27 Ke be ke le botša ka gore *kae* le *seo* se diregago, gomme re bona ka moka dilo tše di direga.

28 Bjale ke a bolela, mosong wo, ka: *Legae La Ka Moso La Monyadi Wa Legodimo Le Monyalwa Wa Lefase*, moo ba yago go phela. Gomme, ka gore, ke a tshepha gore ka mogau wa Modimo ka moka ga rena re karolo ya ekhonomie ye kgolo ya Modimo.

29 Gomme bjale ke—ke a tshepha gore le tla nkgotlelela, ebang le Dibeibele tša lena, diphentshele tša lena, goba eng kapa eng o se dirago go bala le nna, ka baka la gore ke ya go šupa go Mangwalo a mantši. Ke leka go fetša ka nako go lekanela go ba le thapelo ya balwetši; gomme ke tshephišitše seo. Ke tla ka gare, go rapela la mafelelo nakwana ye nnyane, ka dikamoreng le tikologo, bakeng sa ba batee bao ba nogo go hloka thušo le go hloka kholofelo.

30 Gomme, Morena ge a rata, ka go kgonagala ke tla ba le tirelo ye nngwe ka la lesometshela, feela mohlomongwe thapelo ya bolwetši.

31 Ke thoma boikhutšo bja ka bjale. Go tloga Janaware ya go feta, ke be ke sepela, gomme ke tla morago mo. Ke ya feela go ba, go swanela go tšea lapa la ka go ya Tucson mosong, gomme ka gona ke tla bowa morago go tšea nako tlase mo ka Kentucky, le ba bangwe ba bagwera ba ka, le go tsoma, sehlorana, lebaka la dibeke di se kae, goba mohlomongwe a šupa goba seswai, matšatši a lesome, eng kapa eng a lego, ge e se ge Morena a ka nketapele go ya felotsoko gape. Ke no se tsebe bjale, go no re fao o yago go ba gona; re no se tsebe seo, ka gore se ka diatleng tša Modimo, Modimo a nnoši.

32 Bjale ka thuto ye kgolo ye, re—re. . . Ke a swanela, ge nka tšea nako ya ka ka ye, ka baka la gore o swanetše go tliša dilo tše ntši ka gare, e tla tšea dibeke. Eupša ke ngwadile fase Mangwalo a mangwe, dinoutse tše dingwe, go no itia dintlhakgolo tša yona, fao e tla le dirago gore le ithute.

33 Ka gona ka pejana, mohlomongwe, Morena ge a rata, ka Okotoboro, ga ke tsebe gore neng, eupša neng kapa neng mo A ka neelago, ke rata go ba le a—a se makae matšatši, feela a kopano ya kgafetšakgafetša, ka ya 12 tema ya Kutollo, go tlemela ka ga gare le ye mo. Oo, ke a dumela e tla ba ye kgolo. E tla no ba. E tla ba ye kgolo go bona ka fao A dirilego.

34 Ka gona, rena re etla mmogo bjale, ke rile bošego bja go feta, ke rile, “Le a tseba, ge ke. . .” Mosong, bjalo ka mosong

wo mongwe le wo mongwe, ke a nagana, “Ge ke etla tlase mo, ke ya go elelwa yo mongwe le yo mongwe yo motee wa bagwera ba ka ba ba lego fao.” Bjale ke ya go e dira bjang?

<sup>35</sup> Go ba le nna mo, bjalo ka mogwera wa ka yo mobotse, Ngaka Lee Vayle yo a dutšego morago mo, mosadi wa gagwe wa go ratega le morwedi. Le Ngwanešu Roy Borders, le, ke a nagana, Ngwanešu Ruddell, Ngwanešu Beeler, le Ngwanešu Palmer, le Ngwanešu Jackson. Gomme, oo, nna, ba—ba . . . Bona ba go ratega baena go tšwa dikarolong ka moka tša go fapana! Ngwanešu Anthony Milano, le, oo, mo gohle o lebelelago, o bona ngwanešu yo mongwe! Go tšwa tlase ka Arkansas, ga ke kgone go nagana maina a bona; Ngwanešu John, Ngwanešu Earl Martin, le Ngwanešu Blair. Gomme, oo, fao go no ba . . . le . . . Go no hloka mafelelo, le a bona. Ke thabile kudu go ba le sehlopha sa go swana le seo se kgobokane go ntikologa ge ke ruta ka Lentšu la Modimo, banna ba ke naganago gore ke banna ba bogale, banna ba nnete ba Modimo.

<sup>36</sup> Ke leboga kudu go taberenekele ye nnyane ye. Ke leboga ga kudu ka mejako ya yona ye mehlano e buletšego setšhaba. Mojako wo mongwe le wo mongwe . . . Re na le matikone a mane mo, banna ba go tlatšwa ka Moya; bahlokomeladitšhelete ba bane, banna ba go tlatšwa ka Moya. Ke gore ba babedi mojakong wo mongwe le wo mongwe. Gomme e na le mejako ye mebedi ka pele, ya badiši ba babedi, badiši.

<sup>37</sup> Re a thaba go ba le lena; re leboga Modimo kudu ka se. A nke A le šegofatše go ya go ile.

<sup>38</sup> Bjale re nyaka go ema lebakana feela, ge re bala go tšwa go Petro wa Bobedi tema ya 3, gomme gape go tšwa go Puku ya Kutollo 21.

<sup>39</sup> Ge re ema, O Morena, tlatša dipelo tša rena ka lethabo ka baka la go balwa ga Lentšu la Gago, ka go tseba gore Jesu o boletše, gore, “Magodimo le lefase di tla feta go tloga, eupša Lentšu la Ka le ka se tsoge la feila.” Ka go tseba gape gore O rile, “Ka moka Lengwalo le swanetše go phethagatšwa.” Gomme ge re bala dilo tše, a nke re be le kwešišo go tšwa go Wena, iring ye re phelago ka go yona. Re e kgopela ka la Jesu Leina, Mongwadi wa Puku. Amene.

<sup>40</sup> Petro wa Bobedi 3.

*Epistola ye ya bobedi, baratwa, bjale ke le ngwalela yona; ka go tšona ke tsoša dikgopolo tshekegi tša lena ka ya go eletša tsela:*

*Gore le be le kgopolo ya go tla ya mantšu a a boletšwego pele ke baporofeta ba bakgethwa, le a ditaelo tša rena baapostola ba Morena Mophološi:*

*Le tsebe se pele, gore fao go tla bakweri ka matšatšing a mafelelo, ba go sepela go ya ka dikganyogo tša bona beng,*

*Gomme ba re, E kae tshephišo ya go tla ga gagwe? (Ge se se sa kopane le mosadi yo wa go se tsebe modimo ka go . . .) . . . ge e sale botate ba robetše, dilo ka moka di tšwela pele go swana le ka mo di bego di le ka gona go tloga mathomong a tlholo.*

*Ka gore ka se ba rata go se tsebe, gore ka lentšu la Modimo go bile magodimo a kgale, le lefase la go ema go tšwa meetseng le ka meetseng:*

*Fao lefase le le bego le le gona nako yeo, la apešwa ke meetse, la senyega:*

*Eupša magodimo le lefase, ao bjale a lego gona, a thekgilwe ke lentšu le le swanago, a boloketšwe mollo wa kgahlanong le letšatši la kahlole le go loba ga batho ba go hloka modimo.*

*Eupša, barategi, le se ke la hloka tsebo ka selo se setee se, gore letšatši le letee le Morena le lekana le mengwaga ye sekete, gomme mengwaga ye sekete e bjalo ka letšatši le letee.*

*Bjale, Morena ga a diege mabapi le tshephišo ya gagwe, bjalo ka ge batho ba bangwe ba re ke go diega; eupša ke go se fele pelo go rena, go se rate gore yo mongwe a lahlege, eupša gore ka moka ba ka tla tshokologong.*

*Eupša letšatši la Morena le tla tla bjalo ka lehodu bošego; ka mo . . . fao magodimo le lefase, ka le legolo lešata . . . a tla feta go tloga ka lešata le legolo, gomme dielemente di tla tologa ka phišo ya go tsenela, le lefase gape le mediro ye e lego ka go lona e tla swa.*

*Ka go bona ka gona gore dilo tše ka moka di tla fedišwa, ke mohuta mang wa motho re swanetšego go ba yena ka go ka moka poledišano ye kgethwa le bomodimo,*

*Ge re lebeletše go hlaganela ga letšatši la Modimo, leo magodimo a tlogo go fedišwa ka mollo, gomme dielemente di tla tološwa ka phišo ya go tsenelela?*

*Le ge go le bjalo rena, go ya ka tshephišo ya gagwe, re lebeletše magodimo a maswa le lefase le leswa, ka moo go agilego toko.*

*Ka fao, barategi, ka go bona gore re lebeletše dilo tše, phegelelang gore le se ke la hwetšwa . . . le tle le hwetšwe ke yena ka khutšo, ntle le lengalatsepa, le ntle le sepatso.*

*Gomme le tsebe gore go se fele pelo ga Morena ke phološo; go swana le ge morategi wa rena . . . Paulo . . . go ya ka bohlale bjo bo filwego ka go yena a le ngwaletše;*

*Gomme gape. . .ka moka diepistola tša gagwe, go bolela ka go tšona dilo; . . .tšeo dinako tše dingwe di bothata go kwešiša, tšeo ba ba sego ba rutega le ba ba sego ba tia ba a retolla, retolla, bjalo—bjalo ka ge ba dira mangwalo a mangwe, go ya tshenyegong ya bona beng.*

*Ka fao lena, barategi, ka go bona gore le tseba dilo tše pele, itoteng gore le lena, le se ke la išwa timelong ke. . . phošo ya ba babe, la wa go tšwa go ga lena. . . go tia.*

*Eupša golang ka mogaung, . . .ka tsebong ya Morena le Mophološi Jesu Kriste. Go yena go be letago mmogo bjale le ka gosafelego. Amene.*

<sup>41</sup> Bjale ka go—go Kutollo ya Kriste, ka go ya 21 tema, ke bala Mantšu a.

*Gomme ka bona legodimo le lefase le leswa: ka gore legodimo la pele le lefase la pele di fetile; gomme fao lewatle le be le se sa le gona le fetile.*

*Gomme nna Johane ka bona toropkgolo ye kgethwa, Jerusalema ye mpsha, e etla fase go tšwa go Modimo go tšwa legodimong, e lokišitšwe bjalo ka monyalwa a hlophišeditšwe monna wa gagwe.*

*Gomme ka kwa lentšu le legolo go tšwa legodimong le re, Bonang, tabarenekele ya Modimo e na le batho, gomme o tla dula le bona, gomme ba tla ba batho ba gagwe, gomme Modimo ka boyena o tla ba le bona, gomme ya ba Modimo wa bona.*

*Gomme Modimo o tla phumula megokgo ka moka go tloga mahlong a bona; gomme fao go ka se sa ba lehu, le ge e le manyami, le go lla, ebile fao go ka se sa ba le bohloko: ka gore dilo tša pele di fetile.*

*Gomme yo a dutšego teroneng a re, Bonang, Ke dira dilo ka moka tše mpsha! . . . a re go nna, Ngwala: ka gore mantšu a ke a go rereša le go tshephega.*

*Gomme a re go nna, Go fedile. Ke nna Alefa le Omega, mathomo le mafelelo. Gomme Ke tla mo fa yo a nyorilwego methopo ya meetse a bophelo mahala.*

*Yo a fenyago o tla rua bjalo ka bohwa dilo ka moka; gomme Ke tla ba Modimo wa gagwe, gomme o tla ba morwa wa ka.*

A re rapeleng gape.

<sup>42</sup> Morena Jesu, ka tshepišo ye bjalo le ka polelo ye maatla bjalo ka ge Jesu ka Boyena le moapostola ba re file mabapi le iri ye re e batamelago, re fe, O Morena, sa tsela ya Gago, gore re tle re tsebe go e batamela ka tsela ya go nepagala. Ka baka la gore, e etla, re a tseba. Mangwalo a swanetše go phethagatšwa, gomme ka fao go tla ba bjalo. Gomme bjale, Morena, re kgopela mogau



wa Gago gape godimo ga rena ka moka, ge re ithuta Lentšu la Gago. Eba le rena gomme Le tatolle go rena, Morena, ka gore re se kgopela go la Jesu Leina. Amene.

Le ka dula.

<sup>43</sup> Bjale, ke a makala ge fao go ka kgona go ba tsela mohlomongwe, mohlomongwe ba ka kgona go tima mabone go tšwa go otithoriamo kgolo, gomme ba no a tlogela sefaleng mo, moo ka nnete go tla bago bokaonekaone, le go tšea wo mongwe wa mohlagase. Re ile ra nyaka go tšhuma theransefoma, bošego bjo bongwe. Gomme ge mohlokamedi a ka re direla seo, re ka leboga go timeng mabone a tlase, mabone a otithoriamo ye kgolo, phitshi. Gomme ka gona ke nagana gore le tla ba le kamora ye kgolo go bona, go ngwala.

<sup>44</sup> Bjale, thuto gape, go e bega, yeo re e batamelago thu—thuto ya: *Legae La Ka Moso La Monyadi Wa Legodimo Le Monyalwa Wa Lefase*.

<sup>45</sup> Bjale ka ge go bile. . . Ke no ya go swanelwa ke go dira se. Go no ba go fiša godimo mo, le a bona. Eye, mohlomphegi. Ge re. . . Ke a tseba gore mosadi wa ka ga a nyake ke dira seo; eupša, seo, go apola paki ya ka. Go no fiša godimo mo. Le a bona, le na le moya ntle fao, gomme e nno ripša ka lešakeng le lennyane mo, le a bona. Bjale, ka—ka moso, goba. . .

<sup>46</sup> Mo go fetilego, ke ra gore, re ithutile *Mahuto A Šupa, Dikereke Tše Šupa*. Ngwanešu Vayle le bao ba šoma godimo ga tšeo bjale, ka botshephegi, go di dira ka sebopego sa puku.

<sup>47</sup> Gomme ka go bona ka moka dilo tše tša diphiri tše re di bonego di etla go phethega, ka gona ke a nagana, ka morago ga go kwešiša seo, ka iring ye re phelago ka go yona, le leemo; fao ga go le yo motee yo a ka nyakago go dula fase ka tlhaologanyo ka nnete gomme a lekola se go bego go bolelwa ka sona, le se se tshephišitšwego go direga, le se se diregilego, eupša yo a ka kgonago go bolela gore dilo tšeo di phethagaditšwe. Le a bona? Tlwa se Modimo a boletšego gore O tla se dira, O se dirile feela tlwa go fihla go tlhaka. Le a bona?

<sup>48</sup> Bjale, ke nagana gore ka go se, gore, ga ke tsebe gore ke nako mang Morena Jesu a ka tšwelelago, ke naganne e tla ba mo go botse, go bonala go thabiša Moya wo Mokgethwa gore re bolele ka se, ka gona; gomme mohlomongwe re tle morago go sona gape, dinako tše pedi goba tše tharo, ka baka la gore nka se be le nako ya go lekanela go tliša se ka moka ntle.

<sup>49</sup> Bjalo ka ge fao o thutšego thu—thuto ye gannyane e thitšitšego yo motee, o ka se kgone go e rwala ka moka tsela ntle go e dira e be pepeneng, ka gona wa tla morago gape go swara thuto ye e latelago.

<sup>50</sup> Gomme ka gona ka morago, ka go. . . ge Morena a rata, re tla ka go mahuto a 12, goba e sego. . . Ntshwareleng. Tema ya



12 ya Kutollo, ye e robetšego magareng ga go Tla ga Morena le go feleng ga Diphlafala, le go ya pele. Re tla leka go tliša seo morago, go laetša gore Sathane ke mang, le se a se dirilego, mo a tšwago, morero wa gagwe ke eng, le ka fao botse bja gago bjo bogolo bjo bja go fiwa yena bja go hlola go wa ga gagwe. Phoro ya gagwe e bo dirile gore bo we; botse.

<sup>51</sup> Ka gona, ka fao go sa kgonegego ga motho mang le yo a nyakago go e lebelela gabotse, “peu” yela ya serpente. Nka dira tlhohlo go yeo, go yo mongwe le yo mongwe, le a bona, yo a nyakago go e lebelela, ka—ka feela ya go felela ya go tlwaelega kwešišo. Ngwana a ka kgona go e bona. Le a bona? Bjale, gomme re tla tla go seo morago.

<sup>52</sup> Bjale, re a kwešiša mo gore Mangwalo a mabedi a... Lebaka le ke badilego Petro wa Bobedi ya 3 tema, gomme ka e bapetša le Kutollo 21, mmogo mo di bolela thuto ye e swanago, eupša Johane ga senke—ga senke a e ngwala bjalo ka ge Petro a dirile. Le a bona? Re a kwešiša gore Legae le legolo le la Monyalwa le swanetše go ba mo godimo ga lefase.

<sup>53</sup> Gomme bjale ge o bala, go no swana le ya 21 tema, ya 21 tema ya Kutollo, moapostola mo o rile, goba moporofeta o boletše, gore, “Ke bone Legodimo le Leswa le Lefase le Leswa.” Go kwala o ka re fao go tla go fediša.

<sup>54</sup> Bjale, tsela ye ka mehla ke hwetšago Molaetša wa ka ke ka thapelo. Ke tla be ke dutše ka thapelong gomme selo se sengwe se utolla go nna. Gomme ke letela go sona metsotso e se mekae le go bona ge e le therešo, ka gona ke se kwa kgauswiuswi. Gomme ka gona nako ye nngwe ke tšwela pele ke letile go fihla se phuleletša ka ponong. Gomme ge se thoma go tla, gomme ke kgotsofetše gore se tšwa go Modimo, ka gona ke ya Lengwalong. Le a bona, Seo ke, e swanetše go ba tiišetšo ya selo se sengwe le se sengwe sa semoya se se dirago, ka baka la gore Beibele ke kutollo ya go felela ya Jesu Kriste; le a bona, Ke Mmele wa Gagwe.

<sup>55</sup> Gomme bjale, ka go seo, mohlomongwe ke hwetša lefelo ka Lengwalo le le sa kwagalego feela gabotse, gomme ke tla makala. Ke ya morago gape thapelong. Se tla gape. Gona ke—gona ke thoma go—go lekola Lengwalo la ka.

<sup>56</sup> Bjale, Beibele ya rena e ngwadilwe ka Seisemane, gomme mantšu a Seisemane a a fetoga, nako ka moka. Mohlala, go swana le Mokgethwa Johane 14, e rile, “Ka Ntlong ya Tate wa Ka go na le dintlokgoparara tše ntši,” ntlongkgoparara ka gare ga ntlo. Go lokile, gona, le, se o se dirago ka seo gona, ke go e kitimišetša morago go ya—go ya setlogo gomme o bone se James a bego a se ra, goba o ye morago go Seheberu, goba go Segerika, go tšwa go tlhathollo ya mathomo. Gomme ka fao e re, “Ka Mmušong wa Tate wa Ka go mafelo a mantši.” Go lokile, gona, o tla morago go nako ye bahlatholli ba hlatholletšego

King James, *mmušo* o be o bitšwa, ka Seisemane, “ntlo,” gomme kgoši e be e le tate godimo ga baemedi ba gagwe. Fao go lebaka le ba hlatholotšego, “Ka Ntlong Ya Tate wa Ka go na le dintlokgoparara tše ntši.” Le a bona? Gomme ka gona o hwetša mantšu ao gomme o swanetše o a tsome.

<sup>57</sup> Ka gona, le a bona, go tšwa go tšhušumetšo yeo... Phuluphithing ye mosong wo, ke re, ga go nako e tee e sego ya ke e eba selo ge e se go otlologa, Lengwalo. Ke ka mokgwa wo *Peu ya Serpente* le ka moka dilo tše dingwe tše di tlogo. Le a bona? Ka...

<sup>58</sup> Gomme ke, nnete, ge mothaka a ka no bala gomme a no re, “Ka Ntlong ya Tate wa Ka go na le dintlokgoparara tše ntši,” ge o se wa ema go ithuta, go rapela, o tlabana ka moka yo a gakanegilego. Le a bona? Eupša e no tšwela pele o rapela. Modimo ka mehla o a lokiša, ge e etšwa go Modimo.

<sup>59</sup> Bjale, Johane o hlatholla phetogo le go tla-...ka fao e tlogo ka gona...Ga a e hlatholle, ke ra gore, eupša Petro o a dira. Johane o rile, “Ke bone Magodimo a Maswa le Lefase le Leswa; magodimo a pele le lefase la pele le fetile go tloga. Fao go be go se sa na le lewatle. Nna Johane ke bone Toropokgolo ye kgethwa e etla fase go tšwa go Modimo Legodimong, e lokišitšwe bjalo ka Monyalwa a hlaphišeditšwe Monna wa Gagwe.” Eupša, re phetla morago go Petro wa Bobedi bjale go hwetša, Petro o hlatholla ka fao tiragalotšwelopele ye e tlogo ka gona. Bjale, ge le ka lebelela go se Johane a se boletšego, se kwala bjalo ka, “Ka gore magodimo a pele le lefase la pele a be a fetile go tloga,” a fedišitšwe. Le a bona, gona, seo se kwagala go se tlwaelege kudu. Gomme seo ke se sa go ratha nna, gomme ka thoma go nyaka lentšu, “fetile go tloga.” Gomme, bjale, eupša go molaleng gore mmogo ba, baapostola le moporofeta, ba be ba bolela selo se se swanago.

<sup>60</sup> Gomme bjale, gape, ka Pukung ya Jesaya, bjale, gore le nyaka go bea Mangwalo a fase, ka go Jesaya 65:17. Jesaya, o bolela ka Miliniamo, mengwaga yela ye sekete ya go khutša ga—ga batho ba Modimo. Jesaya o boletše ka yona, gomme o rile, “Nna...Fao go be go le...Ka moka dilo tša pele di fetile go tloga,” le ka fao ba tla agago dintlo, ba di dula. Ge nkabe re na le nako...Mohlomongwe re no tšea nako gomme—gomme re bale ye motsotso feela, Jesaya 65, gomme a re nong go bala metsotso e se mekae mo. Gomme se, thwi, ya rena. Bjale, go thoma, Jesaya 65:17.

*Gomme, bona, ke hlola magodimo a maswa le lefase le leswa:...*

<sup>61</sup> Bjale, Jesaya, moporofeta, e bile yo motee wa baporofeta yo a ngwadilego Beibele yohle tlwa ka go seporofeto sa gagwe. O thoma ntle ka tlholo; bogare bja Puku ya gagwe, e ka ba tema ya 40, go tla go dikologa Johane Mokolobetsi, Testamente

ye Mpsaha; gomme e tatologa godimo mo, ka go Puku ya gagwe, ka go Kutollo, ka Miliniamo. Fao go na le dipuku tše masometshele-tshela ka Beibeleng, gomme fao go ditema tše masometshele-tshela ka go Jesaya. O ngwadile kgašo ya go felela.

<sup>62</sup> Bjale, re hwetša, mo bjale o hwetša tema ya 65, tema e tee gape, gomme o bolela ka Miliniamo. O eleng hloko, ka mo o lego wo mobotse.

*. . . bonang, ke hlola legodimo le leswa le . . . lefase le leswa: gomme selo sa pele se ka se gopolwe, goba go tla monaganong. (Ke go “se fetile go tloga.”)*

*Eupša e bang—e bang ba ba thabago le go hlalala . . . le ka go tšeo ke di hlotšego: ka gore, bonang, Ke hlolela Jerusalema tlhalalo, gomme batho ba gagwe ke thabo.*

*Gomme Ke hlalala ka Jerusalema, lethabo ka go batho ba ka: gomme lentšú la go golola le ka se hlwele le kwala ka go yena gape, ka ge . . . goba lentšú la go lla.*

*Fao go ka se hlwe go eba . . . lesea la matsatši, gomme . . . le mokgalabje yo a sego a phethagatša matsatši a gagwe: ka gore ngwana o tla hwa a le mengwaga ye lekgolo ka bokgale; gomme modiradibe yo a lego lekgolo la mengwaga ka bokgale o tla rogwa. Ka gona go tla ba . . .*

*Gomme ba tla aga dintlo, gomme ba di dula; gomme ba tla bjala dirapa tša morara, gomme ba ja dikenywa tša yona.*

*Gomme ba ka se ke ba aga, gomme yo mongwe a dula; (ke gore, polasa ya gago, morwa wa gago e ba mojabohwa wa yona, goba yo mongwe wa bajabohwa ba gago) . . . ba ka se ke ba bjala, gomme yo mongwe a ja fao: (ba dira go bjala ga bona gomme ba dula fao; ba na le Bophelo bjo Bosafelego) . . . ka fao matsatši a mohlare ke matsatši a batho ba ka, gomme botelele bja ka . . . bahlaohwa ba ka ba tla ipshina botelele ka mediro ya diatla tša bona.*

*Ba ka se itapiše ka lefeela, goba go tliša pele bothata; ka gore ke peu ya bašegofatšwa ba MORENA, gomme le bana ba bona ba na le bona.*

<sup>63</sup> Bjale elang hloko, mo ke fao ke yago go fihla, ka morago ga lebakana.

*Gomme go tla go phethega, gore pele ba bitša, ke tla araba; gomme ge ba sa bolela, Ke tla kwa.*

*Gomme phiri le kwana di tla ja mmogo, gomme tau e tla ja bjang bjalo ka powana: . . . lerole e tla ba sejo sa serpente. Gomme ba ka se gobatše goba go senya go ka moka thabeng ye kgethwa ya ka, go rialo MORENA.*

64 A tshephišo, go baporofeta ba le bahlalefi ba bagolo, mathitšhere a Beibele, tsela morago ka matšatšing a kgale, go bona Letšatši le la letago le etla!

65 Ka ditema tše, yo motee a ka nagana, goba a etwa pele, ke ra gore, go dumela gore polanete yohle, ya lefase le, e tla senywa, “Ke dira Legodimo le Leswa le Lefase le Leswa,” le a bona, gore magodimo a tla be a ile le lefase le tla be le ile, le fedišitšwe ka go felela. Eupša go ithuta sekgauswi, le thušo ya Moya wo Mokgethwa, re kgona go bona Therešo ya se; gomme seo ke se re yago ka go sona.

66 Ke feela lefaufau go le dikologa, le sebe se se lego godimo ga lefase, tšeo di tlogo go senywa. Le a bona? Bjale, re lemoga gore *magodimo* a ra “lefaufau godimo.” Le a bona?

67 Na o dira eng? Gona le, ditshehlo tše, le bolwetši, le, le lehu, le dipolotiki, le monna wa go tlala sebe, le mosadi wa go tlala sebe, le memoya ye mebe, ka moka di tla be di tlogile di ile gomme di fedišitšwe. Le a bona? E swanetše go dirwa ka tsela yeo, ka baka la gore re ya go phela thwi mo. Re tla kgonthiša seo ka Beibele. Thwi mo ke fao re phelago. Bjale elang hloko, ditshehlo, ditwatši, ka moka malwetši le dilo, di tla tšewa go tloga ka go felela. Ka moka se, go ba ga sona mo go lego lefaseng bjale, ditshepedišo tša madirwa ke motho, dipolotiki, sebe, ka moka memoya ye mebe ye lefase le tšhilafaditšwego ke yona, gomme le ka moka magodimo ka godimo ga rena ka mo, a tšhilafaditšwe ke moya wo mobe. Bjale re ya go ya go subelela le botelele, ka se, le a bona.

68 Ka moka se se phela ka magodimong, goba mafaufau, le lefase le le lego gona bjale. Lefase le le swere dilo tšeo, eupša le be le se la direlwa morero woo. Sebe se le dirile go ba ka mokgwa woo. Le a bona? Le dirilwe ke Modimo, Mohlodi. Eupša ka moka . . .

69 Gomme ka moka mebele ya rena, ye re phelago ka go yona bjale, e ile ya bewa lefaseng ge Modimo a le hlola, ka baka la gore o tšwa leroleng la lefase. Ka moka e robaditšwe ntle mo. Ge Modimo ka Boyena a le hlola, o be o le ka monaganong wa Gagwe. Gomme ka go Yena, Bokagosafelego mo Gogolo, go be go le mogopolo, e lego kgopolo ya Gagwe.

70 Gomme bjale sebe se dirile ka moka se go direga. Gomme Modimo, go kgabola lebaka le, o kgoboketša materiale wa Gagwe.

71 Sathane o sa le mo. Ke ka lebaka leo dilo tše ka moka di diregago. O sa le mo, gomme ka moka maatla a gagwe a mabe a sa le mo. Elang hloko, ke ka tsela yeo lefase bjale le tšhilafetšego kudu. Ke ka tsela yeo dilo tša dihlong le bogoboga di diregago; tšhologo ya madi, ntwa, dipolotiki, sebe, bootswa, ka moka mehuta ya tšhila eya pele, ke ka baka la gore Sathane ke mmuši wa lefase le lefaufau le.

Le re, “Lefau- . . .?” Eye, mohlomphegi!

<sup>72</sup> Mmogo magodimo le lefase bjale di tšhilafaditšwe ka bodiabolo ba ba re begago pele ga Modimo. Jesu o Fao go re phophothela. Le a bona? Ge babegi ba tšwela pele ba re šupa ka menwana, “ba dirile se, ba dirile se, ba dirile se,” eupša Madi a sa khupetša. O tšile go lopolla Bakgethiwa bale ba A ba bonetšegopele. Ke ka baka leo go tšhilafetšego lehonu.

<sup>73</sup> Mo, moapostola, ka go Petro wa Bobedi mo, ya 2 tema, gomme ya 5 le . . . le ya 5 le ya 6 temana. Eye, ke na le yona. O šupa go magato a mararo a lefase. Le a bona, o—o hwetša magato a mararo a lona. Elang hloko ka fao a a tlišago.

<sup>74</sup> “Lefase la kgale le eme go tšwa ka meetseng,” bjale, leo e be e le lefase la pele ga meetsefula.

<sup>75</sup> Bjale, le lefase le le lego gona, lefase la bjale le re phelago ka go lona bjale, o le bitša “lefase.”

<sup>76</sup> “Lefase la kgale le le emego go tšwa meetseng,” Genesis1:1. Bjale gomme “lefase” le le lego gona bjale. Gomme ka gona, gape, o šupa go le lengwe le letee, “lefase le le tlogo go tla,” Lefase le Leswa. Mafase a mararo; magato a mararo a lefase.

<sup>77</sup> Gomme elang hloko ka fao Modimo a beago molaleng go rena polane ya Gagwe ya topollo. Oo, se se ile sa no tswikinya soulo ya ka ge ke be ke se bona, ka fao A e beago molaleng go rena mo bjale polane ya Gagwe ya topollo. Bjale bapetša se re se bonago ka mahlo a rena beng. Se Modimo a se dirilego go lopolla lefase la Gagwe, O dirile polane ye e swanago go lopolla batho ba Gagwe, ka gore Modimo yo a sa fetogego ga a fetole ye nngwe ya dipolane tša Gagwe goba eng kapa eng. Selo se se bjalo sa letago!

<sup>78</sup> Ka fao A re hlahletšego go tla go Yenamong, go ya go tabarenekele ka go rena, ka magato a mararo a mogau; go no swana le ka fao A hlahlilego lefase ka magato a mararo, go tla lefaseng. Bjale ka ge Modimo a tla tla lefaseng ka morago ga ge le ile go kgabola magato a mararo a go fapana a tlhwekišo, ke tlwa ka mokgwa wo A tlogo go rena go kgabola magato a mogau. Ke rutile seo go tloga mathomong; ga se ka fetoga, e sa le. Ke Lentšu la Modimo.

<sup>79</sup> Le swanetše go bea ditharo tša lena mmogo, bošupa ba lena, bolesomepedi ba lena. Dipalo tša Beibele di swanetše go kitima ka go phethagala goba o tla dira senepe sa gago ka moka se hlakahlakane. Ge o sa e kwešiše, e no tšwela pele o rapela. Wena hlokomela, e tla ripa thwi ka gare, tlwa. Modimo o phethagatšwa ka boraro. Le a bona?

<sup>80</sup> Elang hloko, “lefase la kgale,” la pele ga meetsefula; “lefase” le le lego gona bjale; le le Letee le tlogo.

<sup>81</sup> Bjale, legato la pele le A re tlišago go lona . . . Le a bona, polane ya Gagwe ya topollo e tlwa go swana ka se sengwe

le se sengwe. O šomiša mokgwa wo o swanago. Ga a fetoge. O boletše, ka go Maleaki 3, “Ke nna Modimo, gomme ga Ke fetoge.” Tsela ye A e dirago, ka fao, ge A phološitše motho wa mathomo A kilego a mo phološa, ka Madi a a tšholotšwego a wa go hloka molato yo Motee, O tla swanelwa ke go phološa yo motee yo a latelago; gomme yo mongwe le yo mongwe yo motee A mo phološago e tla swanelwa ke go ba tsela ye e swanago.

<sup>82</sup> Ge A fodišitše motho nako ye e itšego go kgabola leeto la bophelo; a e be ka matšatšing a Jesu, baapostola, baporofeta, neng kapa neng e bilego; ge seemo se se swanago se gahlanetšwa, O swanetše go e dira gape. Yeo ke therešo. Ga a fetoge. Motho o a fetoga, nako e a fetoga, lebaka le a fetoga, mohla o a fetoga, eupša Modimo o dula a swana. O phethagetše. A kholofelo ye e swanetšego go e fa batho ba ba babjago!

<sup>83</sup> Ge A kile a fodiša motho, O swanetše go e dira gape ge maemo a a swanago a gahlanetšwa. O kile, kile a phološa monna, O swanetše go e dira godimo ga metheo ye A e dirilego nako ya pele. Ge A kile a tlatša monna ka Moya wo Mokgethwa, O swanetše go e dira godimo ga metheo ye A e dirilego nako ya pele. Ge A kile a tsošetša monna godimo go tšwa lebitleng, O swanetše go e dira nako ya bobedi, le ye nngwe le ye nngwe gape nako, godimo ga kokwane ye e swanago.

<sup>84</sup> Yena ga a fetoge. Oo, a kholofelo ye e mphago yona! Ke eng? E sego ka go mogopolo wo o itšego wa madirwa ke motho, selo se sengwe seo dihlopha tšeo tša monna di tlilego mmogo; eupša Lentšu la Gagwe le le sa fetogego.

Le re, “A seo ke Therešo?”

<sup>85</sup> O rile, “A lentšu la monna yo mongwe le yo mongwe e be maaka, gomme la Ka e be therešo.” “Ka gore magodimo le lefase di tla feta go tloga, eupša Lentšu la Ka le ka se tsoge la feila.” “Ka moka Lengwalo le filwe ka tšhušumetšo, ka fao le lokile gomme le hola ka thuto.” Gomme elelwang, gore, “Lengwalo ka moka le tla phethagatšwa,” karolwana ye nngwe le ye nngwe ya lona.

<sup>86</sup> Elang hloko ka fao Modimo a e dirago molaleng go rena. Gomme ge yeo e be e se ye—ye kgolo tiišetšo, ye botse...ye kgolo, tšhegofatšo ya lerato go tšwa go Modimo! Ge ke bona se, gomme ke bona seo go tloga bošemaneng, nako ya pele Kriste a kilego a šogana le nna, ka mehla ke rutile magato a mararo ao a mogau. Elang hloko ge e se therešo bjale.

<sup>87</sup> Bjale, legato la pele ke “tshokologo go ya go Modimo.” Gomme ka gona go latela ka morago leo, ke kolobetšo ya meetse, “kolobetšo ya meetse.” “Sokologang, gomme le kolobetšwe Leineng la Jesu Kriste.” Le a bona, kolobetšo ya meetse e a latela, go laetša gore tshokologo e be e le ya

mmapaale. Goba, go “lebalela” dibe tša rena tša go feta, yeo ga e na le selo go dira le sebe sa ka moso. E lebalela feela. “Sokologang, gomme le kolobetšwe Leineng la Jesu Kriste.” Go direla eng? “Go lebalela.” Go tšea go tloša sebe sa kgale ga go na le selo go dira le bokamoso. Feela, sebe sa gago se remilwe go tloga, se o se dirilego.

<sup>88</sup> O ka se kgone go sokologa go se Adama a se dirilego. Ga se wa ke wa se dira; Adama o dirile. O hwetša tebalelo ya se o se dirilego. Tlhago ya kgale e sa le fao.

<sup>89</sup> A ke tšee letlapa le motsotso feela. [Ngwanešu Branham o thala diswantšho godimo ga letlapantsho—Mor.] Bjale, *mo* ke pelo ya motho. Bjale, ga ke... Ke tsela ye telele go tloga go beng mothadi. *Mo* ke pelo ya motho; gomme *mo* ke pelo ya motho. Bjale, ye tee ye godimo *mo* e na le noga ka go yona, seo ke sebe, mo o na le bophelo bja gagwe. Ye tee ye godimo *mo* e na le leeba ka gare ga yona, e lego Moya wo Mokgethwa, mo o na le Bophelo. Go lokile, ye tee ye *mo*, o na le bohlewele, lehloyo, kganyogo; ke se e hlolago, ke moisa yo *mo*. Go lokile, yo motee yo godimo *mo* o na le lerato, le thabo, le go se fele pelo; gomme Seo ke se se e dirago, tlase *mo*.

<sup>90</sup> Bjale, ge o kgopelwa, goba o lebalelwa dibe tša gago, o nno dira se feela, o tšere *seo* go tloga. Eupša selo se se go dirilego go se dira se sa le fao. Woo ke modu wa kgale wa bobee; o sa le fao. Elang hloko, gona o a sokologa gomme wa kolobetšwa Leineng la Jesu Kriste, gore O go lebaletše dibe tša gago. Elang hloko.

<sup>91</sup> Ka gona, sa bobedi, go tla tlhwekišo, ye e beago mogopolo wa rena ka lenaneo bakeng sa bokgethwa, go nagana gabotse. E tšere go tloga... tlhwekišo ke lentšu gobedi la Segerika, leo le rago “go hlwekiša, gomme wa beelwa thoko bakeng sa tirelo.”

<sup>92</sup> Ka gona, selo sa go latela, go tla kolobetšo ya Mollo le Moya wo Mokgethwa, gore Modimo a dule ka go rena. Gomme Mollo wa Modimo o hlwekiša dipelo tša rena go tšwa go sebe, gomme o bea Moya wo Mokgethwa ka gare. Ka gona re tliša pele Bophelo bjo bo swanago bjo *Bjo* bo dirilego, ka gore Bjo bo ka go rena.

<sup>93</sup> Elang hloko, ka tswalong ya tlhago, ge mosadi a tswala lesea. Bophelo bja tlhago bo swantšha bophelo bja semoya. Ge mosadi a tswala lesea, ka tlhago, selo sa pele se a direga ke go thubega ga meetse, ka morago madi, gomme ka morago moya (bophelo). Swara moisa yo monnyane gomme o mo phasole [Ngwanešu Branham o phaphatha diatla tša gagwe mmogo gatee—Mor.], gomme šole o a tloga, o a goeela. Meetse, madi, moya.

<sup>94</sup> Gomme bjale ge lesea le tswalelwa ka Mmušong wa Modimo, o tla ka tsela ye e swanago: meetse, Madi, Moya.



95 Bjale elang hloko, tlhwekišo, legato la boraro . . . legato la bobedi la yona, go hlwekiša monagano; go bea pelo, monagano wa pelo, ka peakanyo ya bokgethwa.

96 Monna a ka sokologa dibeng gomme o sa nagana ka . . . Go lokile, mohlomongwe ke—ke monna wa go hloka maitshwaro, mosadi yo mongwe le yo mongwe wa go lebelelega go hloka maitshwaro a mo hwetšago, o sa le fao. Mohlomongwe ke letagwa; nako le nako ge a nkgelela seno, se sa le fao. Le a bona?

97 Eupša ka gona ge a hlwekišwa, seo se hlwekiša takatšo yeo go tšwa go yena. Le a bona? E tšea nyakego ya yona go tloga. A ka kgona go sa lekega, eupša O tšea nyakego ya yona go tloga. Go le bjalo, ga se a be a loka le ge go le bjalo.

98 Ka gona, o kolobetšwa ka Moya wo Mokgethwa le Mollo. O a hlwekišwa, o a tšhungwa, o a hlwekišwa; gomme ka gona o bewa tirelong ya Modimo.

Tlhwekišo e nnoši e ba beela thoko bakeng *sa* tirelo.

99 Gomme elang hloko feela tlwa ka fao se se tlogo, melaetša e a tla. Martin Luther, tokafatši; John Wesley, tlhwekišo; pentecostal, kolobetšo ya Moya wo Mokgethwa. Melaetša, fao ke mo go ka se kgonego go ba mabaka a mangwe gape a wona, le a bona. Re nakong ya mafelelo. Magato a mararo. Kolobetšo e hlwekiša pelo ka Moya wo Mokgethwa.

100 E ratha bjale, O tšea lefelo moo re swanetšego go dula ka ntshe, ke tirotšwelopele ye e swanago.

101 Bjale, O biditye Kereke go kgabola tokafatšo, a E bitša go kgabola tlhwekišo, ka gona a E tlatša ka Moya wo Mokgethwa le Mollo. Gomme O E tšere go kgabola tirotšwelopele, gore Yena ka Boyena, Moya wo Mokgethwa ka Boyena, Morwa wa Modimo, a kgone go dula ka pelong ya motho. Bjale, E swanetše go ya go kgabola pele A ka kgona go tla ka go Yona.

102 Elang hloko, O dirile lefase, moo Monyalwa a yago go dula ka gare, tsela ye e swanago, polane ya Gagwe ye e swanago ya—ya phološo.

103 Elang hloko lefase la pele ga meetsefula. O, ka morago ga ge le sokologile, ka Monyalwa wa letšatši leo, Noage, O le file kolobetšo ya meetse, a le khupetša godimo ka meetse. Ka morago, tokafatšo, go laetša gore O tseleng ya Gagwe go bitša lefase le le welego, go tloga Edene, go ya morago go pušetšo ya lona gape.

104 Ka morago Kriste o tlile gomme a tšholla Madi a Gagwe godimo ga lona, a le hlwekiša le go le tleleima. [Ngwanešu Branham o kokota godimo ga phuluphithi dinako tša mmalwa—Mor.] Le a bona, leo ke lefase le re phelago go lona bjale.

105 Le a bona ka fao Sathane, mo ka Lengwalong, a lekilego go Mo dira gore a robe polane ya Modimo go le amogela, go Mo fa lona ge a Mo tšeeše godimo ga thaba, gomme a leka go Mo fa lona ntle le theko ya Madi?

106 A le etše hloko ka fao Abraham, ge ba leka go mo fa naga, o e rekile ka disekele tše kaalo tša silibera, pele ga batho, bjalo ka sešupo, bjalo ka bohlatse? “A go tsebje letsatšing le gore ke rekile lefelo le la poloko.” Le a bona, o le rekile! Gomme Sathane o lekile go—go Mo fa mmušo wo e lego wa gagwe bjale. O lekile go Mo fa wona bjalo ka mpho, eupša Yena ga se a ke a o amogela. Ka baka la gore o, le a bona, gona Sathane o be a ka kgona go fela a sa na le tleleime godimo ga wona. Eupša, o swanetše go rekwa. Amene. O be a le Lentšu ka botlalo bja lona fao. Ga se ba ke ba kgona go Mo forela ka go yona.

Ka gona, bjale le swanetše go hwetša kolobetšo ya Mollo.

107 Le a bona, bjale ke... Go diregile eng? Kriste o tlike gomme a biletša Kereke tshokologong, kolobetšo Leineng la Jesu Kriste, tebalelong ya dibe; a hlwekiša Kereke; gomme ka Mollo wa Modimo a tla fase gomme a tšhuma tšhila ka moka, gomme a tla gomme a dula ka pelong ya motho.

108 Bjale, lefase, gore le lopollewe motho yo a lopolotšwego, O šomiša mokgwa wa Gagwe wo o swanago. O le kolobeditše ka meetseng, ka morago ga tshenyo ya pele ya meetsefula. A tšholla Madi a Gagwe godimo ga lona, go le hlwekiša le go le tleleima. Ke la Gagwe.

Sathane o lekile go re, “Ke tla Go fa lona.”

109 A re, “Aowa, mohlomphegi, ke tla le reka.” A e be bohlatse. O ile a phagamišetšwa godimo, bjalo ka leswao, la gore O le rekile. O le pateletše.

110 Eupša bjale le swanetše go ya go kgabola kolobetšo ya Mollo, Mollo wo mokgethwa go tšwa go Modimo, wo o hlwekišago lefase le magodimo go le dikologa. Ka gona, le pateletšwe gore balopollwa ba tle ba kgone go phela go lona, ba phele ka go lona ka khutšo. Elang hloko, kolobetšo ya Mollo ke go le hlwekiša go tšwa go sebe, go tšwa go bolwetši, go tšwa go ditwatši tša bolwetši, go tšwa go badiradibe, go tšwa go diabololo le ka moka sehlopha sa gagwe. O swanetše go lahllelwa ntle, ka Letsheng la Mollo. Mollo wo Mokgethwa go tšwa go Modimo, o tla fase go tšwa go Modimo, go tšwa Legodimong, gomme wa le tšhuma, elang hloko, go le dira go lokela Modimo go dula ka go lona. Ka gore, Modimo, ka Lefaseng le Leswa le le tlogo, o tlike go dula lefaseng. Ka baka la gore, le re, “Modimo, O dula ka pelong ya motho.” Eupša, Yena le Monyalwa ba ba Batee, gomme ba ya Legaeng la bona ka Lefaseng le Leswa. Gomme polane ye e swanago ya topollo e šomišwa go lopolla, mmogo, lefase le batho ba ba phelago ka go lona.

<sup>111</sup> Le a bona, pelo e swanetše go hlwekišwa ka mokgwa woo. Pele Modimo a ka kgona go tla fase ka motho wa Moya wo Mokgethwa, e lego Kriste a etla fase gomme a dula ka pelong ya motho, pele e swanetše go sokologa. E swanetše go kolobetšwa ka meetse, Leineng la Gagwe, go laetša gore ke ya mang.

Ka gona e swanetše go hlwekišwa ka Madi a Jesu.

<sup>112</sup> Gomme ka gona Mollo wo mokgethwa le Moya wo Mokgethwa, go tšwa go Modimo, o tla fase gomme o tšhuma ntle ka moka takatšo ya sebe, ka moka tlhago ya lefase. “Gomme, ka fao, yo a dirago sebe ka boomo ka morago ga go amogela tsebo ya Therešo...” Ka gona, gape Beibele e rile, “ga go kgonege...” “Ka gore, mo—motho yo a tswetšwego ke Modimo ga a kgone go dira sebe; ga a dire sebe.” Ga go tsela go yena ya go dira sebe. A ka kgona bjang go ba modiradibe, le molopollwa, ka nako ye e swanago? Nka kgona bjang go ba ka lebenkeleng la tša kgale, le ka ntle ga lebenkele la tša kgale, ka nako ye e swanago? Le a bona? Oo, O re lopolotše ka Madi a Gagwe; ka Moya wa Gagwe O re hlwekišitše; gomme ka gona o a tla go dula ka go rena, Kereke. E sego kereke ya leina, bjale; Kereke!

<sup>113</sup> Elang hloko sekgauswi bjale ge re tšea se, mafelo a re yago go—go dula ka go wona. Bjale, bjale, tsho—tshokologo ya pele ga meetsefula, ka gona, e tlišitše kolobetšo ya meetse. Ka gona Kriste a tla gomme a tšholla Madi a Gagwe godimo ga lona, go le hlwekiša le go le tleleima. Gomme ka gona a tla, sa go latela, tshenyo ya lefase bjalo ka ge e le bjale.

<sup>114</sup> Ka moka sebe se se lego ka magodimong godimo, “ke kgoši ya maatla a moya,” o tloša (dintwa go tloga) ditšhegofatšo go tšwa go Modimo. Ka kua go tla madimo le magadima gomme a ratha lefase, le se sengwe le se sengwe, go tšwa magodimong, pula tše maatla tša go ripaganya, le matlakadibe, matla-... madimo a mamogašwa le se sengwe le se sengwe, “di tla go tšwa godimo,” e lego Sathane, “kgoši ya maatla a moya.”

<sup>115</sup> Elang hloko, bonang ka fao Sathane a lekilego go le tšea, bjalo ka ge ke boletše metsotso ye mmalwa ya go feta, ka go le fa Jesu ntle le go le reka. Ka gona, Sathane o sa na le tleleime, ka gore le nepilwe, le a bona. Eupša Jesu o le reka ka Madi a Gagwe ao a tšholotšwego gomme o le tliša morago go mong wa maleba. Le a bona? Woo ke mokgwa wo A re rekilego, ka Madi a Gagwe, ka mokgwa wo A rekilego Kereke.

<sup>116</sup> Gomme bjale kolobetšo ya lona ya Mollo e le hlwekiša go tšwa go ditwatši ka moka, ka moka malwetši, ka moka go babja, le ka moka dilo tša semoya; di lego ka rena, le tšona, e dira ka tsela ye e swanago; go le dira le lokele Modimo go dula ka go lona, ka lebakeng le legolo le le tlogo, Lefase le Leswa. Le a bona, O le lopolla ka tsela ye e swanago A dirago batho ba

Gagwe. O le dira ka moka feela ka go swana, polane ya Gagwe ya topollo. Ka gore, Yena ke Modimo wa go se fetoge, ka mehla o sa swana ka dipolane tša Gagwe.

<sup>117</sup> Ka fao ke le boditšego, pele, gomme ka e dira gore e tsebje go lena, le ka mabaka ka moka, gore Modimo ga a kgone go fetoga; o e dira gore e tsebje, tsela ye nngwe le ye nngwe, ka go swana.

<sup>118</sup> O e dirile gore o tsebje, molaetša wa Gagwe wa mathomo, ka lefaseng la pele ga meetsefula, ka Noage moporofeta.

<sup>119</sup> Ke be ke bolela le ngwanešu morategi yo a dutšego a le gona le nna bjale. Maabane, o rile, “Selo se setee o se boletšego, Ngwanešu Branham, seo ka mehla se ntšhišintšego.”

Ka re, “Ke eng, ngwanešu?”

<sup>120</sup> Gomme a re, “Sese se o se boletšego,” gomme ke therešo, “Ba ba sego ba bantši, ka fao sehlopha se sennyane se yago go phološwa ka matsatšing a go Tla.’ Gomme re boletše ka fao Jesu a rilego, ‘Kgoro ke ye e pitlaganego gomme tsela ke ye tshese, gomme ke ba ba sego nene fao ba ba tlogo go e hwetša.’ Bjale elang hloko, Beibele e rile, ‘Bjalo ka ge go bile ka matsatšing a Noage fao disoulo tše seswai di phološitšwego ke meetse, ka fao go tla ba bjalo ka go Tleng.’”

Ka re, “Ngwanešu, o no ba . . .”

A re, “Elelwang, fao go na le disoulo tše seswai feela.”

Ka re, “O no ba le seripa sa senepe.”

<sup>121</sup> Go le bjalo, Noage e be e le seswantšho sa mašalela a a rwaletšwego ka kua, e sego sehlopha se se fetotšwego. Henoge, monna yo motee, o ile ka Tthatlogong pele meetsefula a etla, a laetša gore Kereke ga eye ka tlaišegong goba eng kapa eng go e dikologa. Henoge o ile a fetolwa, monna yo motee. Oo, kereke e ka no ba nomoro; eupša Monyalwa e ya go ba sehlopha se sennyane se se tlogo go dira Monyalwa. Bjale, kereke e ka no ba nomoro ye kgolo; eupša, Monyalwa, le a bona, bapetša seswai le tee. Bonnyane go seswai, e tla ba Monyalwa, go feta kereke.

<sup>122</sup> “Gomme ge moloki a tla phologa ka bothata, modiradibe le mohlokamodimo ba tla tšwelela kae,” bao ba tseba bokaonekaone, go se dira, gomme ba ya pele ba se dira go le bjalo? Bao ba latelago melawana ya kereke ya leina sebakeng sa Lentšu, ba tla tšwelela kae, le ge go le bjalo ba bitšwa Bakriste, ba tšea Leina la Kriste?

<sup>123</sup> Bjale, ka go phethagala, Noage e be e le seswantšho sa bao ba rwaletšwego ka kua. Elelwa, ge Noage a tšwela ka ntle, Ham o be a na le yena. Sebe se be se sa le ka fao. Sebe se ile thwi ka kua, go kgabola areka. Go se dumele, go kamaka, go ile ka kua se le ka arekeng, se rwaletšwe ka godimo ga kahlolo. Eupša Henoge o ile godimodimo go feta areka, o ile godimo ka

Bogoneng bja Modimo. Eupša Noage o ile go kgabola gomme a tšwela ka ntle, gomme fao go be go sa na le sebe; seswantšho sa Miliniamo, sa boemo bja lefase.

<sup>124</sup> Miliniamo ga se mafelelo a bjona. Fao go sa na le nako ka morago ga Miliniamo. Miliniamo ke sekgoba sa nako; eupša, e sego Lefase le Leswa. Aowa, ka nnete. Elang hloko, ka go seo, re tla tla go sona ka morago ga lebakana.

<sup>125</sup> Le a bona, lefase, le lopolotšwe, le ya morago go Mong wa lona wa setlogo gape. Le tšere . . . O le tšere go tšwa go Sathane. O gogile, a tšea lefase go tšwa go Sathane, go no swana le ka mo a tšerego lefase go tšwa go Sathane, go swana le ka mo A tšerego mosadi yo monnyane sedibeng go tloga go tšwa go Sathane. Fale go be go eme moprista, a gopola gore o be a na le Modimo, gomme o be a se na le selo. Le a bona?

<sup>126</sup> Ke nyaka go le thalela seo lebakana feela. Bjale, re nyaka go hwetša se go ba molaleng ka nnete, ka fao bjale hlokomelang sekgauswi bjale thutong ye. [Ngwanešu Branham o thala ditšhupetšo godimo ga letlapantsho, bakeng sa ditemana di se kae—Mor.]

<sup>127</sup> Bjale, yo *mo*, mo go Modimo. Modimo, yo a lego ka Gosafelego, ntle le . . . Fao ga go yo motee eupša Yena. Eupša, ka go Modimo, O be a na le dikgopolo. Bjale, yo *mo* o emela Lentšu, Lentšu la Modimo, le la go dirwa nama gomme la dula magareng ga rena ka go motho Jesu.

<sup>128</sup> Bjale yo *mo*, mothaka mo, re ya go mo dira ka mokgwa *wo*. Bjale, *yo* o bitšwa mosadi sedibeng. *Yo* ke moprista, Mofarasei. Gomme mo o bona *le*, letlapantsho le le bulegilego, le ra mogau le phološo.

<sup>129</sup> Bjale, “Mathomong go be go le Lentšu. Gomme Lentšu la dirwa nama gomme la dula magareng ga rena.” Magato a mararo. E be e le kgopolo pele, e le ka go Modimo, gore A ikgopole ka Boyena bjalo ka motho; gomme yeo ya Mo fetišetša tlase go ba Jesu; gomme bjale, ge o ile wa ba Kua, o be o na le Yena nako yeo. Ka gore, fao go na le sebopego se tee feela sa Bophelo bjo Bosafelego, bjoo ke Modimo; gomme o be o swanetše go ba karolo ya Modimo mathomong, e sego se o nnogo go se kgetha tlase mo. O go kgethile. “Ka moka ba Tate a Nneilego bona ba tla tla go nna.”

<sup>130</sup> Bjale lebelela moprista yo mo. Re hwetša karolo ya gagwe ya fase, *mo*, bophelo bja gagwe bja morago, morago ka morago ga gagwe, bokamorago bja gagwe bja kgethelopele mo, ke bja go tlala sebe.

Mo ke hele, fase *mo*.

<sup>131</sup> Bjale, karolo ye nnyane ye ka *mo*, ye e swanago le letlapantsho, e emela go hlweka ga gagwe. O be a le moprista. O be a le monna wa go hlomphega. Seo se emela *se*. O be a le,

gape, a swanetše go ba monna wa go loka, goba o be a ka se kgone go ba moprista. Eupša le bona ka fao a bo hweditšego, e bile ka go ithuta ga bohlaale.

<sup>132</sup> Bjale, mosadi yo monnyane yo, bophelo bja gagwe bja pele, godimo *mo*, o be a le seotswa, o be ka moka a senyegile. Eupša tsela tlase ka go yena, *mo*, go be go le kwešišo ye nnyane. “Ke a tseba ge Mesia a etla . . .” Le a bona? Le a bona, se be se le fao.

<sup>133</sup> Elang hloko, ge Jesu a tlile gomme a bonagatša Lentšu, ka baka la gore Lentšu le lekotše megopolo ye e bego e le ka pelong; bjalo ka ge Baheberu 4 e bolela gore Le tla dira, 4:12, gore O be a tla dira. “Lentšu e be e le molekodi wa megopolo ya pelo,” gomme O tlile bjalo ka Morwa wa motho, Moporofeta. Go diregile eng? Moprista yo, ka feela go ithuta ga bohlaale, o rile, “Ke diabolo,” ka baka la gore seo ke se kereke ya gagwe ya leina e se biditšego. Na se dirile eng? O be a se na le kemedi, ka fa se mo ntshofaditše ntle.

<sup>134</sup> Eupša mosadi yo monnyane yo o be a se na le selo se a ka se tšweletšago; o be a le bohlaswa le ditšhila ka fao a bego a kgona go ba. Eupša, elang hloko, tsela tlase ka go yena, o be a na le kemedi, le a bona. Gomme, ka gona, o be a lebeletše se le go dirwa nama.

Gomme ge A rile, “Sepela o tšee monna wa gago gomme le tle mo.”

A re, “Mohlomphegi, ga ke nae.”

<sup>135</sup> A re, “O boletše therešo, ka baka la gore o bile le ba bahlano, gomme yo motee o nago nae bjale ga se wa gago. O bile le ba bahlano. Seo se dira ba tshela o bilego nabo.”

<sup>136</sup> A re, “Mohlomphegi!” (E sego, “Wena o,” e sego, “Beletsebubu.”) “Ke a bona gore O Moporofeta. Bjale, re a tseba Mesia, yo a bitšwago Kriste, o tla tla. Gomme ge A dira, O tla dira se.”

A re, “Ke nna Yena.”

<sup>137</sup> Ga go sa na le go kamaka. O be o se wa swanela go le hlatholla. O le bone. O le dumetše. Šole a tloga! Ka baka la eng? Na Le dirile eng go yena? Le mo lopolotše.

<sup>138</sup> Bjale hlokomelang, O tlile go ba Molopolodi. A seo ke therešo? [Phuthego e re, “Amene.”—Mor.] Na go *lopolla* go ra go reng? “Go bušetša morago.” Ka baka la eng A se a hwetša moprista? Ga se a ke a ba godimo kua. Le a bona? Le a bona, o be a se na le kemedi.

<sup>139</sup> O tlile go lopolla seo se welego. Go weng, se se hlakahlakantšwe, ka mosetsana yola; eupša Modimo o be a na le yena ka monaganong wa Gagwe pele ga go thewa ga lefase, gomme O be a tlile go mo hlwekiša. Le a bona? Ka gona O . . . O be a na le Bophelo bjo Bosafelego. Le a bona?

<sup>140</sup> Kae, moprista, na le dirile eng go yena? Le mo rometše thwi morago go lefelo la gagwe la mafelelo. O be a se na le selo, go thoma, ge e se go ithuta ga bohlae.

<sup>141</sup> Bjale theetša, mogwera, ge selo se nnoši o nago le sona e no ba go ithuta ga bohlae, o hwetša selo se sengwe sa go fapana go tšwa go seo. Gomme o ka se tsoge wa kgona go Se hwetša ntle le ge o na le kemedi. Ke ka lebaka leo ke dumelang gore le tšwa bohlabela le bodikela, lebowa le borwa; Lentšu, le le phelago, le dirilwe go bonala.

<sup>142</sup> Elang hloko bjale ka fao A dirago tsela ya Gagwe go tsebja ka baporofeta ba Gagwe, mathomong. Ga se a ke a e fetola.

<sup>143</sup> [Lefelo la go se be le selo godimo ga theipi—Mor.]... phološo. O lokafaditše monna; a mo hlwekiša; a romela Moya wo Mokgethwa le Mollo, gomme a tšhuma sebe go tšwela ka ntle ga gagwe, gomme a dula ka go yena, ka Boyena.

<sup>144</sup> O dira lefase, leo A yago go le šomiša ka polaneng ya topollo, ka tsela ye e swanago. Le ile la sokologa gomme la kolobetšwa ka meetseng, ka...ke Noage. Jesu o tlile gomme a le hlwekiša, ka go rothišetša Madi a Gagwe godimo ga lona, gomme a le tleleima. Gomme ka Lefaseng le Leswa le le tlogo, le swanetše go ba le kolobetšo ya Mollo, go le hlwekiša go diabolo yo mongwe le yo mongwe, twatši ye nngwe le ye nngwe, bolwetši bjo bongwe le bjo bongwe, se sengwe le se sengwe se se lego fao, le go le dira ka boswa. “Ke bone Legodimo le Leswa le Lefase le Leswa.”

<sup>145</sup> O ba motho yo moswa. Amene! E sego yo motee feela wa kgale a tšhesitšwe, ka go tšoena kereke goba go leka go phetla letlakala le leswa, eupša o seripa sa go felela se seswa-swa. Modimo o tšea monna wa kgale gomme a mo tšhumela ntle ka go felela, ka Moya wo Mokgethwa le Mollo, gomme o tla ka Boyena, o romela fase kemedi ya gago. “Ga go monna yo a ka kgonago go tla go Nna ntle le ge Tate wa Ka a mo gogile. Gomme ka moka ba Tate a Nnetšego bona ba tla tla go Nna.” Le a e bona? [Phuthego e re, “Amene.”—Mor.] Polane ye e swanago; tsela ye e swanago.

<sup>146</sup> Sathane o be...o tla tšewa go tloga lefaseng, feela tlwa go no swana le ka fao Sathane a tšerwego go tloga go wena. Sathane a ka se kgone go tshwenya; goba, a ka kgona go leka, eupša a ka se kgone go swara Mokriste yo a tswetšwego-gape. Ka gore, Modimo, go tloga go theweng ga lefase, o mmonetšepele, gomme a romela Jesu go mo lopolla, gomme Madi a mmolella. A ka kgona bjang go dira sebe ge se sa kgone go bonwa, le, ke Modimo? Yena ga a bile...Selo se nnoši A se kwago ke lentšu la gago. O bona kemedi ya gago. Amene! Yeo ke therešo. Le a bona?

<sup>147</sup> Ka mkgwa wo o swanago, ka gore lefase ke le letee la dikgopolo tša Gagwe go no swana le wena ge o le ye tee ya



dikgopolo tša Gagwe. Lefase e ba le letee la dikgopolo tša Gagwe, ka baka la gore le be le le go nagana ga Modimo, mathomong. Go ba le lefase, go ba godimo ga Terone, go ba Kgoši, go ba Molopolodi, go ba Mofodiši, seo ke dikgopolo tša Gagwe.

148 Go no swana le kgopolo ya gago. Nka se kgone gore yona—yona “kota” ntle le ge ke nagana ka kota. Nka se kgone gore “monna” ntle le ge ke nagana ka monna. Gomme ge ke nagana ka monna, gona ke re “monna,” go nagana ke kgopolo ya ka gomme go hlagiša ke lentšu. Le a bona?

149 Go swana le Jesaya, o be a ka bolela bjang, gore, “Kgarebe e be e eya go ima”? Na mogopolo e be e le eng?

150 Bjale, ba bantši ba lena ba makala ka fao tšona, gore tekolo, e tlogo. Ke ya go le botša. Le a bona, ke lentšu le ke le bolelago. Gomme ga se monagano wa ka, ka baka la gore ga ke tsebe. Ga ke tsebe ka go nagana ga lona. Nka kgona bjang go go botša gore o mang le mo o tšwago, ge ke sa go tsebe? Nka kgona go go botša bjang se o se dirilego mengwaga ye lesome ya go feta, ge ke se ka ke ka go bona ka bophelong bja ka? Nka kgona go go botša mo o tla dirago le se o tla se dirago mengwaga ye lesome go tloga bjale? Ke tseba bjang bokamoso? Eupša ke mogopolo wa yo Mongwe gape.

151 “A nke monagano wo o bego o le ka go Kriste o be ka go lena. A nke monagano wo o bego o le ka go Kriste o be ka go lena.” Le a bona, ka gona ga se go nagana ga gago. Ke go nagana ga Gagwe, ka wena. Ka gona ga o hlagiše mantšu a gago mong; o hlagiša Mantšu a Gagwe.

152 Se ke dinako tše kae baena ba gakantšhwa, ka go hlathollwa ga maleme, le dilo. Le a bona, ba bolela dilo tše di sego tša nepagala, ga ba lemoge gore yoo ke Sathane. Le re, “Ka tšhemong ya Modimo?” E nong go leta go fihla re fetša, hwetšang ge e se, goba e se. Ngwang le korong di mela ka tšhemong ye e swanago. Mmogo di phela ka letšatši le le swanago le pula ye e swanago. Le a bona?

153 “Eupša ge go na le yo motee magareng ga lena yo e lego moporofeta, Nna Morena ke tla bolela le yena. Gomme ge se a se bolelago se direga, gona ke Nna, le a bona, ka baka la gore ga a hlagiše sa gagwe mong. O hlagiša megopolo ya Ka, dikgopolo tša Ka tša dilo tše di tlogo, gomme Ke tla šomiša molomo wa gagwe go di hlagiša ka wona. Gomme ka morago ga ge a di boletše, di swanetše go tla go phethega. Magodimo le lefase di tla feta go tloga, eupša Lentšu la Ka le ka se tsoge la feila.”

154 Jesaya o rile, “Kgarebe e tla ima.” Seo se a e rarolla. O ya go ima. Se Modimo a se boletšego, O a se dira.

155 Oo, o di dira go tsebja, ka baporofeta ba Gagwe, ka moka diponagatšo tša Gagwe, ka baka la gore ke dikgopolo tša Gagwe tša megopolo ya Gagwe di hlagišwa.

<sup>156</sup> Bjale, še mo, ka go mosadi yo monnyane *yo*. O be a le yo motee wa dikgopolo tša Gagwe. Le a bona?

<sup>157</sup> Gomme fale go be go le moprista, a emetše Seetša. O be a ithutile sona go tšwa Beibeleng. O be a ithutile gore Modimo e be e le Modimo. O be a ithutile gore bokgethwa bo be bo lokile. O be a rutilwe gore fao go be go le molao wa Modimo. O be a ithutile wona ka baka la tsebo ya bohlale. Gomme o be a tswetšwe ka lelokong la go loka; o be a le Molefi. Eupša o be a o tseba feela ka kgopolo ya bohlale. Gomme ge Seetša sa iri. . . Le a bona, o ithutile sona ka se se diregilego, e sego ka seo se bego se direga; seo se bego se diregile! Gomme ge a hwetša se se bego se direga, kereke ya gagwe ya leina ya se ke ya bolela selo ka Sona, ka fao o be a se na le kemedi ya Sona.

<sup>158</sup> Eupša mo go be go le Molopolodi lefaseng ka nako yeo, go lopolla dikgopolo tšeo tša Modimo, gomme a e amogela. Ga se a ke a e botšiša. O rile, “Ge Mesia a etla, O tla dira se,” gomme seo sa e rarolla. Gomme a se bona se dirwa, ka fao. . . A re, “Ke nna Mesia,” ka fao seo sa e rarolla. Ga go sa le potšišo. O ile a no ya, a botša yo mongwe le yo mongwe gape, “Ētla, o bone Yo ke mo hweditšego.”

<sup>159</sup> Ditiragalotšwelopele tše di dira gore re hlwekiše, tempele ya lefelo la Gagwe la bodulo: tokafatšo, tlhwekišo, kolobetšo ya Moya wo Mokgethwa le Mollo. Seo se dira tlhwekišo ya (ya rena) tempele ye.

<sup>160</sup> Ka fao, bjalo ka modirelo wa sebopego sa lefase la kgale se sa fedišwa, ke meetse ge le be le gogolwa go tloga; sebopego sa polanete, sebopego sa kgale, tšhi. . . ka moka tšhila, dilo ka moka tše Modimo a di beilego lefaseng, ga se tša ke tša fedišwa ge lefase la pele le fedišwa. Gomme Beibele e ile ga se ya ke ya “fedišwa,” eupša ga se a ke a fediša sebopego. A ile a fediša sebe le badiradibe ba ba bego ba le godimo ga lona. Sebopego se ile sa šala.

<sup>161</sup> Eupša, le a bona, bjalo ka tokafatšo, bjalo ka ge lena Mabaptist le Mamethodist le nyaka go nagana ka yona, tokafatšo feela, go dumela le go kolobetšwa, seo ga se sa lekanela. Le tla tlarumela thwi morago ka dilong tša lefase, gomme la poma moriri wa lena le go apara dišothi, le se sengwe le se sengwe gape. Le a bona, fao ga go selo se diregilego bjale. O nno lebelela morago gomme wa bona wena o dirile pošo.

<sup>162</sup> Na tokafatšo e dirile eng go lefase? Ga se ya ke ya dira selo go lona; la no thoma go tloga gape, ka bontši bja sebe go swana le ka fao se bego se le. Yeo ke tsela ye motho a dirago, gomme bjoo ke bokgolekgole bjo a yago.

<sup>163</sup> Yeo ke tsela ye moebangedi yo mogolo, Billy Graham, a swanetšego go bona. O rile, “Ke a ya gomme ka ba le basokologi ba dikete tše masometharo, ka bowa morago mo ngwageng gomme ka se ke ka hwetša masometharo.” Bjoo ke

ka moka bokgolekgole bjo ba bo ilego. Le a bona? Gomme, ka nnete, ba a sokologa. Ke a dumela ba a sokologa; bontšintšintši bja bona, goba ba bangwe ba bona, bonnyane. Eupša seo ga se se se e tšeago. Se a e kgonthiša mo.

<sup>164</sup> Bjale, ka fao modirelo wa sebopego sa lefase la kgale ga se wa fedišwa ka meetse. Lefase le ile la no gogolwa go tloga. Le ile la hwetša kolobetšo ya lona. Le ile la kolobetšwa.

<sup>165</sup> Ka fao modirelo wa sebopego o tlatla o šala, le ge le tšhumilwe ke Mollo. Ga o fediše lefase, le a bona, o no fediša sebe se se lego godimo ga lona.

<sup>166</sup> Elang hloko mo, ba bangwe ba lena baithuti ba Beibele, gomme gagolo Ngaka Vayle yo a ntebeletšego. Elang hloko ka go Petro, ka go ya 2 tema ya Petro mo, ya 3 tema, ke ra gore, o šomiša lentšu “lefase,” bjalo ka lentšu la Segerika *kosmose*, leo le rago, “tshepedišo ya lefase.” “Lefase le tla feta go tloga, go tološa dielemente ka phišo ya go tselela.” Le a bona? Ga go re gore lefase, polanete, le ya go feta go tloga. Eupša lefase, *kosmose*, dipolotiki, badiradibe, ditshepedišo, sebe, bolwetši, ditwatši, se sengwe le se sengwe se se fošagetšego, se tla feta go tloga. Se sengwe le se sengwe seo gatee . . .

<sup>167</sup> Modimo gatee o ile a šišinya magodimo, eupša nako ye O rile O tla šišinya lefase, magodimo le lefase. . . “O šišintše lefase,” ke ra gore, “gomme ka gona nako ye O tla šišinya magodimo.” Le a bona? “Ka gore re amogela Mmušo wo o ka se kgonego go šišinywa.” Ke Mmušo wa ka Gosafelego. Hlokomelang ka fao a yago go wona.

<sup>168</sup> Elang hloko mo, Petro o rile, “Gomme le tla tologa ka phišo ya go tselela, gomme mediro ye e lego ka go lona e tla tšhungwa,” e sego polanete. “Mešomo ye e lego ka go lona,” mešomo ya motho, ka moka boradipolotiki ba tšona le disikimi tša bona, le ka moka dikereke tša bona tša maina le disikimi tša madirwa ke motho, ka moka di tla ya le lona ge le eswa.

<sup>169</sup> “Gomme—gomme magodimo a tla feta go tloga ka lešata le legolo.” A le etše hloko mo? “Magodimo a tla feta go tloga ka lešata le legolo.” Theetša! Lefase lohle le tla ba mollong, gomme o tla gotetša digase tše di lego ka lefaseng gomme wa le thuntšha. Seo ke tlwa. Polelo . . . Beibele e boletše mo, Petro o rile, “Gomme magodimo a tla feta go tloga, le lefase, ka lešata le legolo.” Mothuthupo wo mo bjalo o tla le tšukudubanya, oo, nna, wa le dira gore le bolaye bolwetši bjo bongwe le bjo bong, tsehlo ye nngwe le ye nngwe, mootlwa wo mongwe le wo mongwe. Selo se sengwe le se sengwe fao se se swanetšego go dirwa, Mollo o tla se tšhuma. Gomme, elelwang, ga se ka moka mollo wa mehleng, gape ke Mollo wo mokgethwa, le a bona, wo o tla tšea Sathane go tloga le ka moka ba gagwe, ka moka bodiabolo. “Mmogo legodimo le lefase,” amene, “di tla feta go tloga,” wa bolaya ka moka

ditwatši, ka moka dikhunkhwane, ka moka bophelo bja tlhago godimo ga lona le tikologong ya lona, le H<sub>2</sub>O (meetse) a tla thunya. Nagana ka yona. Bolela ka lešata!

<sup>170</sup> Le nagana gore lešata le lennyane lela ntle fa ka Tucson e be e le selo se sengwe, ge A be a bula Mahuto a tshela, le la go šišinya naga go dikologa, gomme la hlola polelo. Letang go fihla lefase le le amogela kolobetšo ya lona!

<sup>171</sup> Le a tseba, ge monna a amogela kolobetšo ya Mollo, fao go na le lešata le lentši go dikologa fao. Ba nagana gore ke dihlong, go kwa batho ba goeela gomme ba gowa ka mokgwa woo. E nong go leta go fihla lefase le le hwetša kolobetšo ya lona!

<sup>172</sup> Ya, le tla hlatholla . . . a thuntšha, H<sub>2</sub>O, meetse, ka gore Beibele e boletše mo ka go Kutollo 21, “gomme fao lewatle le be le se sale gona,” o le thuntšitše. Se se tla fetola sefahlego sohle sa lefase lohle. O tla thunya gomme la phatloga go ba diripana. Ka moka bokantle, legogo, gomme le e ka ba makgolo a dikgato ka fase ga lona, e tla no ba go pšhatlaganya ka go felela. Mafaufau, digase tše di lego ka lefaseng bjale, mo ba hwetšago dimisaele tše tšeo di sa kgonego go tsena go phuleletša, sebakabaka se segolo godimo kua, tsela godimo ka go mohuta wo o itšego wa sebakabaka seo go lego ka moka mehuta ya digase, ba re; gomme se tla thunya. Bogale bjo bokgethwa bja Modimo bo tla tla godimo ga lona, le a bona, gomme bo tla le hlwekiša, bja fetola sefahlego sohle.

<sup>173</sup> Bjale, ba bantši ba lena ba le nyakago go bea lentšu le fase, lentšu la Segerika, “go feta go tloga.” Le tšwa go lentšu . . . Ke swanetše go le hwetša. Ka gopola, “Lefase le le ya go tloga bjang, go le bjalo re ya go phela go lona?” Eupša ge le ka ela hloko, ba bangwe ba lena batho ba ba nyakago go le bea fase, ke tla le peletela lona. Ga ke kgone go le bitša, p-a-r-e-r-e-c-h-o-m-i-a. Ga ke tsebe go le bitša.

<sup>174</sup> Bjale, ke tsela yeo, bjalo ka ge ke boletše, ge ke hwetša . . . Tšhušumetšo e nkgwathela selo se sengwe, ka gona ke ya morago go hwetša lentšu. Bjale, mo, ga ke kgone go peleta lentšu, goba ga ke kgone—ga ke kgone go le bitša. Eupša, ka go leo, Morena o sa mphile tsela. Ke a ya gomme ka hwetša se lentšu leo le se rago, ka gona ke le hweditše. Le a bona? Ka gona ke a le hwetša, gape. Le a bona?

<sup>175</sup> Magodimo le lefase di tla *feta go tloga*, bjale, lentšu le le ra gore, “go feta go tloga go sebopego se setee go ya go se sengwe.” Ga le re gore go “fediša,” bjalo ka lentšu la Seisemane le ka ra, go *feta go tloga*, ke go fediša. Eupša lentšu la Seheberu, goba lentšu la Segerika mo, ga le re go *feta go tloga*; le ra, “go tšwa go feta go tšwa selo se tee go ya go se sengwe.” Lebelelang, eupša, “go feta go tšwa go leemo le letee,” le re, “go ya go le lengwe.”

<sup>176</sup> Bjale elang hloko, Paulo o le šomišitše, ge le nyaka go le bala bjale. Le beeng fase, le tla kgona go le bala ka morago. Ka go Tito

3:5, Paulo o šomiša lentšu lona le le swanago, go bopša leswa ga motho, gore motho o fetile go tšwa go ba modiradibe go ba mokgethwa, e sego go fedišwa ka go felela. Ge motho a fetolwa, ga a fedišwe, eupša e ba motho yo a fetogilego. O fetotšwe go tšwa go se a bego a le sona go ya go se a lego sona, e sego go fedišwa.

177 Jesu o šomišitše lentšu le le swanago ka go Mateo 19:28; bjale, e sego 28:19. Bjale, 19:28, O rile go bona, “Le tla dula le Nna ka Mmušong wa Tate wa Ka, le bopilwe leswa,” le a bona, “go fetotšwe,” ge le fetotšwe. O šomišitše lentšu le le swanago.

178 Gomme O šomišitše lentšu le le swanago ge A rile, go pokolwana, o rile, “Tlemollang pokolwana gomme le e tlogele e tloge.”

179 O boletše selo se se swanago tsogong ya Latsaro, “Mo tlemolleng! Mo fetoleng! O be a tlemilwe; mo tlogeleng a tloge!”

180 Le ra go reng? Lefase le tla tlemollwa go tšwa go kgomarelweng ke Sathane. Le tla tlemollwa. Le tla tlemollwa go tšwa dipolotiking, le tla tlemollwa go tšwa go ditshepedišo tša bodumedi bja dikereke tša maina; go šomišetšwe Mmušo wa Modimo, go hlongwa mo lefaseng. Eupša ge feela le le ka diatleng tša Sathane, dipolotiki... Sathane mmuši wa lefase, ke mong wa lona; ke la gagwe, eupša bjale Kriste o le lopolotše.

181 Nako ye tee, ke be ke le phahlo ya gagwe, eupša e sego bjale. Nako ye tee, mosadi yo monnyane yola e be e le phahlo ya gagwe, eupša e sego bjale. Le a bona, O tlile go tlemolla go kgomarela ga lona. O tlemolotše go kgoramela ga sebe, sa Sathane, godimo ga bophelo bja ka, godimo ga bophelo bja gago, gomme bjale ga se rena ba gagwe.

182 A ka mehla le be le nkwa ke re, ka thapelong, “tšea diatla tša gago go tloga go phahlo ya Modimo”? Le a bona? Amene! E ba le tumelo go tleleima ya gago mong. Yeo ke ditokelo tša gago. “Tšea diatla tša gago go tloga go mosadi! Tšea diatla tša gago go tloga go monna!” Le a bona, tumelo e tla e dira. Oo, nna! E sego go le fediša, eupša, go no, “Tšea diatla tša gago go tloga go lona,” go le tlemolla, le tlogele le tloge, le feta go tloga. Le a fetoga.

183 Lefase le tla fetoga. Dipolitiki di tla fetoga. Mabodumedi a tla fetoga. Dikereke tša maina di tla feta go tloga. Dipolotiki di tla feta go tloga. Mmušo wa Modimo o tla hlongwa.

184 Re bala ka go Johane, re bala Johane ka go Kutollo 6:14, le a bona, “le širogile bjalo ka sekorolo.” Beibele e boletše... gore le... Johane o rile, “Ke bone legodimo le lefase di široga bjalo ka letlakala.” Johane, Kutollo 6:14.

185 Jesu o rile, “Magodimo le lefase di tla feta go tloga,” goba, ka mantšu a mangwe, “magodimo le lefase di tla fetolwa.” Le a bona, o šomišitše lentšu le le swanago thwi fao gape.

<sup>186</sup> Aowa, e sego go fedišwa. Ka gore, ka morago, ka go Kutollo 21:2 go ya go 24, o bone Jerusalema ye Mpsa e etla fase go tšwa go Modimo Legodimong, gomme e dutše godimo ga lefase le. Ga go re gore le ya go fedišwa. Ditshepedišo di tla fetolwa.

<sup>187</sup> Daniele o bone selo se se swanago. Letlapa le ile la ratha lefase, le be le matlotšwe ntle le diatla; gomme seswantšho sohle sa ditshepedišo sa pšhatlega fase gomme sa ba bjalo ka mooko wa selemo seboeng, gomme phefo ya o rwala go tloga. Gomme Letlapa, ka Bolona, la golela go ba Thaba ye kgolo ya go khupetša lefase. Hlokomela Thaba yela bjale, lebakana le lennyane. Thaba yeo ya khupetša lefase.

<sup>188</sup> Gape, re a hwetša mo, godimo ka go, gape, Kutollo fao, e rile, “Dikgoši tša Lefase le Leswa di tla tliša tlhompho le letago la tšona ka go wona.” Ka lefaseng, go dutše. . . Jerusalema ye Mpsa e dutše godimo ga lefase le. Le a bona, le nno fetoga.

<sup>189</sup> O monna yo a swanago, ka seemo, seo o bego o le sona ge Modimo a go bitša, mosadi yo a swanago. Eupša, o a bona, se e se dirilego, e bile go bopša leswa. Bophelo bja kgale bo fetile go tloga. Tumo ya kgale e fetile go tloga. Ge, o be o rata go nwa, le go rogana, le go ngangana, le go phegišana, le go kitima go dikologa, le go hloka maitshwaro, selo seo se nno hwa. Le a bona? Eupša bjale o kwana le. . . Ka gona o be o le sedirišwa sa Sathane; bjale o lopolotšwe.

<sup>190</sup> Gomme seo ke se lefase le tla bago sona, tsela ye e swanago, la lopollwa, Magodimo a Maswa le Lefase le Leswa.

<sup>191</sup> Go no swana le wena, “O sebopiwa se seswa.” Gomme lentšu la Segerika fao, yo mongwe o a tseba, le rile, “O tlholo ye mpsha.” Amene! Tlholo ye mpsha ka tempeleng ye e swanago ya kgale. Haleluya. Hlokomelang se se diregago mo bjale. Sa letago! Ka moka gabotse.

<sup>192</sup> Bjale re a hwetša gore lefase le le tla swara dikgoši tša lefase.

<sup>193</sup> Gomme, gape, ka go Mateo 5:5, Jesu o rile, “Ba boleta ba tla tšea lefase ya ba kabelo.” Ga le ye go ba, go no ba lefase le lengwe. E ya go no ba lefase le le swanago. Ke leka go hwetša po—polane ya topollo go lena, pele, ge ke sa hwetše selo gape, le a bona. Kolobetšo ya Mollo, godimo ga lona, feela ke go le hlwekiša le go le dira lefelo la go swanela baboleta ba Gagwe go phela ka go lona. Le a bona? Oo!

<sup>194</sup> Go swana le ka fao A re dirilego, tlholo ya Gagwe, go phela ka go yona. Pele A be a ka kgona go tla ka gare ga yona, O ile a swanelwa ke go re fa kolobetšo ya Mollo; ka gona Moya wo Mokgethwa wa tla ka gare le go phela, kolobetšo ya Mollo. Ka gona, ge o hwetša kolobetšo yeo ya Mollo, gona Moya wo Mokgethwa o ka kgona go tla ka gare. Eng? Bjalo ka ge O dira, O tšuma godimo se sengwe le se sengwe se lego kgahlanong le

Lentšu, go tšwela ka ntle ga gago. Le a bona? O ka se dumele selo gape eupša Lentšu, ka baka la gore Ke Lentšu. Le a bona? Le a bona? Le a bona?

<sup>195</sup> Bjale, ke seo re bego re se bolela letšatši le lengwe, bohlatse bja Moya wo Mokgethwa. Le a bona? Bohlatse bja Moya wo Mokgethwa ke ge o kgona go amogela Lentšu; e sego tshepedišo ye e itšego, eupša go ba le kwešišo ya molaleng. O tseba bjang gore Lentšu le molaleng, go Le kwešiša? Le hlokomele le itlhatsela ka Bolona.

<sup>196</sup> “Go lokile,” o re, “Ke bona *se se e dira, le sela.*” Oo, eye, ngwang o phela ka tsela ye e swanago. Le a bona?

<sup>197</sup> Eupša e swanetše go ba Lentšu lohle. Go ba Monyalwa, o swanetše go ba karolo ya Gagwe. Yena ke Lentšu. Le a bona? Gomme lona ke karolo efe ya Gagwe? Lentšu le le tshephišitšwego letšatši le ge A bitša Monyalwa wa Gagwe. E ba karolo ya Leo. Le a e hwetša? Bjale, le se ke—le se ke la loba seo bjale. Elang hloko.

Gomme O le dira go ba lefelo la go swanela go phela go kgabola Bokagosafelego.

<sup>198</sup> Elang hloko, wo ga o bitšwe...Pušo ye ya Miliniamo, mengwaga ye sekete, ga se Lefase le Leswa. Le a bona, pušo ya Miliniamo ke pušo ye e fapanego. Woo ke wo re yago ka go wona, Miliniamo, eupša ga se Lefase le Leswa, Legodimo le Leswa. Aowa, aowa. Leo e no ba lefelo la go khutša, le a bona, nako ya go khutša, e sego le gatee Magodimo a Maswa le Lefase le Leswa; ka gore, le a bona, ka Miliniamo re na le dilo tše di ka se yeng ka Fao. Ke seswantšho sa letšatši la bošupa la kgale, go tšwa ka Edene; letšatši la bošupa, ka morago ga ge A dirile lefase. Letšatši la bošupa, O khutšitše ka Edene, le Miliniamo.

<sup>199</sup> Le a bona, lefase bjale gabotse le na le mengwaga ye dikete tše tshela, ka bokgale. Le a bona? Dikete tše dingwe le tše dingwe tše pedi tša mengwaga le bile le—le tshenyego. Le a bona?

<sup>200</sup> Dikete tše pedi tša mathomo, meetsefula a tlile, gomme A le kolobetša ka (eng?) meetse.

<sup>201</sup> Dikete tše pedi tše di latelago, Jesu o tlile a le hlwekiša le go le tleleima, a rothetša Madi a Gagwe godimo ga lona, a le bitša la Gagwe. Ka moka gabotse.

<sup>202</sup> “Ke tla tla gape,” uh-huh, bjale bjalo ka Kgoši le Mohumagadi wa Gagwe, gomme dikete tše pedi tša mengwaga tša bobedi (O dira eng?) O a tla gomme o fa nako ya Gagwe ya go khutša.

<sup>203</sup> Gomme ka gona o a le tšhuma, gomme o le tleleima go ba la Gagwe Mong; o bea ba Gagwe Mong morago godimo ga lona.

<sup>204</sup> Gomme elang hloko, ga se lefase la go phethagala, Miliniamo wo, ke seswantšho sa letšatši la bošupa. Ka morago go tla Terone ye Tšhweu ya Kahlolo. Le a bona, re sa na le kahlolo. Re sa le ka



nakong, ka Miliniamong. Ke letšatši, sekete se tee sa mengwaga. Ke elemente ya nako. E sego, le se ke la hlakahlakana ka Lefase le Leswa, bjale, ka baka la gore ga se lona.

<sup>205</sup> Le ka no bolela se go nna. Bjale ke no ikwela gore yo mongwe a ka no bolela se go nna, gore, “Bjale, Ngwanešu Branham, o ya go dira eng bjale? O feletšwe ka go bošupa ba gago ba go felela. O ya go dira kae bjale? Bjale, o wa mabaka.” Yo, ke lego yena. Ke a dumela Modimo ke yena, le yena. Hlokomelang, elang hloko. “O feletšwe ke mehuta ya mabaka. Ka gore, ge o eya go bea selo se sengwe ka godimo ga letšatši lela la bošupa, o ya go se hwetša bjang? O ya kae bjale?”

<sup>206</sup> Ka moka gabotse, ke tla biletša šedi ya lena go selo se sengwe, le a bona. Uh-huh. Le a bona? Ka fao, ga se ka felelwa—ga se ka felelwa ke mabaka, le bjale. Ke na le Lengwalo le lengwe mo. Gomme, elelwang, ka moka ga Lona le swanetše go phethagatšwa, karolwana ye nngwe le ye nngwe ya Lona. Le a bona?

<sup>207</sup> Bjale le re, “Ngwanešu Branham, o leka go bea selo se sengwe tsela bogodimo ka kua godimo ga letšatši lela la bošupa, sabatha yela ya letšatši la bošupa.”

<sup>208</sup> Bjalo ka ge Modimo a dirile lefase gomme a šoma matšatši a tshela, gomme a khutša ka la bošupa, e be e no ba feela seswantšho sa nako, nako. Eupša ke sa tšwa go bolela mo, re ba ka Gosafelego.

<sup>209</sup> “Ka fao se kae seswantšho sa gago bjale? O rile ke wena mmapetši. Ka fao, o, o feletšwe ke diswantšho bjale.” Aowa, ga se ka dira. A re nong go hwetša ge re dirile.

<sup>210</sup> A re yeng go Lefitiko, morago ka go ya 23 tema ya Lefitiko. Bjale ke nyaka gore le ele hloko ka go Lefitiko, fao re bego re le gona Lamorena la go feta, goba la go feta. . . Ye ke ye e mphago kgopolo, thwi mo. Ya 23 tema ya Lefitiko, gomme ya 26 temana.

<sup>211</sup> Bjale elelwang, fao go na le matšatši a šupa a monyanya. Monyanya wa diphala-fala, monyanya wa—wa ditabarenekele, monyanya wa go ekara-šerefe, me. . . Ka moka se, fao go na le matšatši a šupa a monyanya wo mogolo, yeo e be e no ba seswantšho sa Mabaka a Dikereke tše Šupa. Gomme le elelwa gore ke disabatha tše kae di bego di le magareng e tee le ye nngwe? Le a bona, disabatha tše šupa magareng ga pentecost le diphala-fala, e bego e le Mabaka a Dikereke tše Šupa. Gomme fao go be go le matšatši a šupa a monyanya, ao a emelago Mabaka a Dikereke tše Šupa. Boloka dinomoro tša gago di kitima.

<sup>212</sup> Le re, “Go lokile, bjale, Ngwanešu Branham, o dirile go felelwa. O bile le šupa ya gago.”

<sup>213</sup> Ka moka gabotse, a re tšeeng monyanya wa mafelelo, e lego monyanya wa ditabarenekele. Bjale elang hloko mo ka go ya 36 temana.

*Ka matšatši a šupa le tla neela meneelo ye e dirilwego ka mollo go MORENA: ka letšatši la seswai—ka letšatši la seswai e tla ba pitšo kgethwa (fao go na le nako ye nngwe ye kgethwa e a tla) . . . pitšo kgethwa ya lena; gomme le tla neela meneelo ye e dirilwego ka mollo go MORENA: gomme ke la kgobokano kgethwa; gomme le se ke la dira modiro wa setšhaba ka lona.*

<sup>214</sup> Bjale re na le “letšatši la seswai.” Bjale, fao go na le matšatši a šupa feela, eupša mo re bolela ka “letšatši la seswai,” pitšokgethwa, pitšo. Elang hloko, “Le se ke la šoma ka go lona.” Letšatši la seswai, ke (eng?) morago go letšatši la pele. Ka baka la eng, le bolela ka Bokagosafelego, ge a tokologa go dikologa ntle le go emiša lefelo. Amene. A le a e bona? [Phuthego e re, “Amene.”—Mor.]

<sup>215</sup> Elang hloko, e bile gape godimo ga letšatši le la seswai. Letšatši la mafelelo, letšatši la monyanya wa tabarenekele, elang hloko ka morago ga leo, ka morago ga letšatši la mafelelo la monyanya, ka morago ga Lebaka la Kereke, ka morago ga matšatši a go felela a šupa godimo ga lefase, ka morago ga Miliniamo, mo Pitšo Kgethwa ye e tlogo.

<sup>216</sup> Elelwang, wo ke monyanya wa ditabarenekele, *ditabarenekele*, “mafelo a go kgobokanela.” Amene! Kae, “Ka Miliniamo,” Beibele e rile, “ba tla aga dintlo; ba tla di dula.”

<sup>217</sup> Eupša ka Lefaseng le Leswa, O šetše a ile go lokiša lefelo. Le agilwe. Ga re na le selo go dira le go le aga. Amene. Gosafelego! Oo, ke no rata Lentšu leo! Nna! Pitšo Kgethwa, letšatši la seswai. E lego, ke matšatši a šupa feela. Ka gona ka morago ga letšatši la seswai, leo le tlogo morago go letšatši la pele gape, le tla morago thwi go letšatši la pele, letšatši la seswai ke ye Kgethwa Pi- . . . Pitšo.

<sup>218</sup> Elang hloko, matšatši a šupa, a dira feela le tlholo ya kgale, nako ya lefase. Matšatši a šupa, woo ke Miliniamo, letšatši la go khutša. Bjalo ka ge Modimo a šomile matšatši a tshela, a khutša ka la bošupa; Kereke e šoma matšatši a tshela, gomme e khutša ka la bošupa, eupša o sa le ka elemente ya nako. Ga ke bolele ka Bokagosafelego.

<sup>219</sup> Eupša, le a bona, fao ga go selo se se bjalo bjalo ka matšatši a seswai; o ya morago go letšatši la pele gape, le a bona, letšatši la pele.

<sup>220</sup> Sabatha e bolela ka molao wa kgale, woo o bego o eya go feta go tloga. Go boloka sabatha, e lego “go feta go tloga,” goba, ke rile, “go fetoga go ya go wo mongwe.” Ga se wa feta go tloga; o nno fetoga go tšwa go molao wa kgale, wa go boloka letšatši le le itšego la beke.

<sup>221</sup> Jesaya, ya 19 tema, e rile, ke a dumela 28:19, e rile, “Mothalo o swanetše go ba godimo ga mothalo; mo gannyane, gomme mola gannyane.” “Swarelela go tiiša go se e lego sa

go loka.” “Ka gore ka dipounama tša go beberetša le maleme a mangwe Ke tla bolela le batho ba. Gomme mo go na le khutšo.” Le a bona?

<sup>222</sup> O tsena ka Bophelong, e sego go boloka letšatši goba morithi. Paulo o boletše, ka kua go Baheberu ya 4 tema. “Le boloka matšatši le merithi, le dilo tše bjalo ka tšeo; Ke tšhošwa ke boitemogelo bja lena.” Le a bona, ga re fete go ya ka go matšatši a a itšego le ditaelo. “Le fetile go tšwa lehung go ya Bophelong bjo Bosafelego,” e sego matšatši le dinako. Le fetetše go ya Bokagosafelego. Ye ke ye kgethwa pi- . . . pitšo, pitšo, ke ra gore.

<sup>223</sup> *Matšatši a šupa*, hlokomelang, “go feta go tloga,” goba, ke rile, “e tla fetogela go ye nngwe.” Matšatši a seswai a šomana le tlhola ya mpsha, le a bona, e sego tlhola ya kgale. Matšatši a seswai ke tlhola ye mpsha.

<sup>224</sup> Ka gore, e bile ka letšatši la seswai mo Morena wa rena a tsogile go tšwa lehung. Fao go na le pitšo ye nngwe ya gago, bokgethwa; e sego go hlokomela disabatha, le gatee, goba monyanya wa ditabarenekele, monyanya wa se, le monyanya wa pentecost. Jesu o tsogile lehung, bakeng sa tokafatšo ya rena, ka letšatši la seswai. Ka morago ga disabatha tše šupa, goba matšatši a šupa, Mabaka a Šupa a Kereke, Jesu o tsogile go tšwa lehung. Letšatšing la seswai, e lego pitšo kgethwa, le a bona, e lego letšatši la pele la beke.

<sup>225</sup> Le a bona, le bile, dirile go feta go kgabola nako, gomme le rothela ka Bokagosafelego gape; e sego go boloka matšatši, le go boloka disabatha; le ngwedi ye meswa, le dilo tša go swana le tšeo. “Eupša le fetile,” le fetotše lebopo la gago; e sego go fedišwa. Letago! “Eupša go feta go tšwa lehung go ya Bophelong bjo Bosafelego.” Oo, se Beibele e re rutago! Le a bona, go feta go le letee go ya go le lengwe.

<sup>226</sup> Ka moka gabotse, “fetile,” sabatha ya kgale e fetile. Jesu o tsogile ka letšatši la seswai. Leo e be e le letšatši la go kgethega, le le kgethwa. Gomme e be e se letšatši; ka baka la gore letšatši, nako, e dirile go feta. E fetetše ka Bokagosafelego. Le a bona, e retologetše thwi morago go letšatši la pele gape. Le a bona?

<sup>227</sup> Bokagosafelego bo swana le—le reng. O ka se hwetše khona go yona. O ka se kgone go hwetša lefelo la go ema ka go ntikodiko ya go phethagala. O ya pele le pele. Ga ke tshwenyega gore o ya bokgole bjo bokae, o sa no ya. O ka kgona go ya go dikologa ka mokgwa *wo*; go ya go kgabola lebato, go ya go kgabola lefase, go ya bokagodimo ga lefase, o sa ya- . . . [Lefelo la go se be le selo godimo ga theipi—Mor.]

<sup>228</sup> Dilo ka moka tše di hlotšwego fase *mo*, di fapošitšwe, e sego go hlotšwa, ke Sathane, di tla wela ntle ge tleloko ye kgolo ya gauta e lla le Phalafala e gala.

229 Gomme morago ka kua mathomong, fao kota ya maitseparelo ya go dirwa ka Edene, ge motho a tlike lefaseng gomme a wa, kwana ye nnyane e tšholotše madi a yona, yeo e be e bolela ka Kwana ye kgolo ye e bego e etla go tšholla Madi a Yona. Khalibari e emišitše sefapano, seo sa go tlemela Testamente ye Tala; go bona ba ba go lokafatšwa, ba ile ba E lebelela. Gomme ka lebakeng le leswa le, ka go Tleng ga Morena, ka go Lefase le Leswa, thapo ya phološo (Madi, Maatla ao a lopolotšwego ao ke bolelago ka wona, gomme ka tshepedišo ye e swanago a lopolotše mmogo motho le lefase) a tla ema thwi godimo go ya Bokagosafelego gape. Gomme Letsha la Mollo le tla metša se sengwe le se sengwe seo e sego bomodimo le go se kgethelwepele go ya go Lona. A le a e bona?

230 Elang hloko, letšatši la seswai, Jesu o tsogile bakeng sa tokafatšo ya rena. Kgoši ya ka Gosafelego, ka Mmušo wa ka Gosafelego wo re kolobeditšwego ka go wona, go ya Bophelong bjo Bosafelego. E sego matšatši a šupa; ga e na le selo go dira le matšatši a itšego. E bolela ka ye nngwe, ya ka Gosafelego, ye e tlogo; e bolela ka nako ya ka Gosafelego, Lefase le ke bolelago ka lona.

231 Gomme, elang hloko, ka morago ga matšatši a masometlhano, goba disabatha tše šupa go tloga fao, gape fao go tla pitšo kgethwa ye nngwe. Go diregile eng? Moya wo Mokgethwa o wele ka Letšatši la Pentecost, ka letšatši la bošupa . . . Goba, letšatši la seswai, ke ra gore, letšatši la seswai, o wele ka letšatši la seswai. E be e le disabatha tše šupa ka morago, tlwa, ka morago ga tsogo ya Gagwe, le a bona; ka fao e tla ba dinako tše šupa atiša ka seo gape, e e tliša morago go dikologa go ya go letšatši la pele la beke gape, tlwa. Le a bona?

232 A šeo pitšo kgethwa ya gago, ga e na le selo go dira le dilo tša go swarega. E ka godimo ga tšeo. Ke go ya ka Mmušong wa Modimo, le Bophelo bjo Bosafelego, le bakgethelwapele ba ba sego ba ke ba thoma. Ga se ya ke ya thoma letšatši le le itšego. Ga se wa phološwa ka letšatši le le itšego. O be ka mehla o phološitšwe. Amene. Jesu o nno tla go lopolla seo; eupša o be o phološitšwe, go tloga mathomong, ka baka la gore o na le Bophelo bjo Bosafelego, sa mathomo.

233 Hlapi ya letsha e ka se tsoge e bile kerepola goba kolopisane. E ka no ba ka meetseng a a swanago le yena, eupša o be a le, go tloga mathomong, hlapi ya letsha. Sefo e ile ya no mo swara, le a bona, eupša o be a le seo go tloga mathomong. Fao go na le . . .

234 Bjale, ga re ka ntle ga mabaka. A re ka ntle? Re thwi ka Lengwalong. Matšatši a masometlhano ka morago, e a tla.

235 Le a bona, seswai se ka se kgone go balwa le beke. Le a bona, se ka se kgone go balwa, matšatši a seswai ka bekeng. O ka se kgone go e dira, le a bona, ka baka la gore fao go na le

feela matšatši a šupa ka bekeng. E bale ka tsela efe kapa efe o nyakago. Lamorena ke letšatši la pele la beke. Le a bona, o bala šupa, ka gona o swanetše go ya morago ka gare gomme o thome godimo gape. Bala šupa, etla morago gomme o ye godimo gape. Le a bona?

<sup>236</sup> Gomme re phetše go kgabola ka moka diswantšho tše ka mo, eupša, ge o itia seswai, o ya pele ka go Bokagosafelego. Ga o tle ka melao, ditirelo, le ditaelo. O tla ka kgethelopele. Amene! Fao go na le ya mmapaale, pitšo kgethwa! Le a bona? Gomme re fetša lebaka la kereke ya bošupa, lebaka la kereke, lebaka la Pentecost. A le a e bona? Re tsena pitšo kgethwa yela. Re tsena ka go bjala bja nnete, bja mmapaale, Bokagosafelego, fao Kereke e biditšwego; e sego seteše se se itšego, kereke ya leina ye e itšego, eupša ka go Bokagosafelego le Kgoši ya bona ya ka Gosafelego. Le a bona? Ga re na le yona le gatee, ga go selo se se bjalo ka matšatši, le dilo, le dinako. Le fetetše go ya ka go Bokagosafelego, mo le tšwago gona. Le be le le Kua, sa mathomo. Le a bona?

<sup>237</sup> Ge le na le Bophelo bjo Bosafelego, fao go sebopego setee, seo ke Modimo, gomme ke wena kgopolo ye e hlagišitšwego. Le a bona? Ge o . . . Ge o se yona, ga o ye go ba kua, go le bjalo. “Ga go motho yo a ka tlogo go Nna ntle le ge Tate wa Ka a mo gogile.” Le a bona? Tšeo, “di fetilego go tloga,” ka moka dilo tše tša kgale; eupša Dilo tše ga di, ka fao le bolela ka Bokagosafelego. Moya wo Mokgethwa ke wa ka Gosafelego. Ka gona, o ka Bokagosafelego, fao o bego o le gona nako ka moka, eupša o sa tšwa go lemoga se se diregilego.

<sup>238</sup> O a bona, o diretšwe morero wa ka Gosafelego, ka baka la gore o be o le—o le ponagatšo ya kgopolo ye e bego e le ka go Modimo, yeo ya go gopola ka wena gomme ya go tšweletša; gomme O dirile lefase go go tšea go tšwa go lona, le go go dira motho. Gomme sebe sa tla go bapela gomme sa fapoša tsela ya Gagwe. O tlile, le ge go le bjalo, eupša o be o timetše le lefase. Ka fao A tla gomme a go lopolla, kgopolo ye e hlagišitšwego, gomme gape o lopolla lefase le ka tsela ye e swanago. Ka gona, morero wa Gagwe o tokologela pele. Le a bona? Oo! Haleluya! Oo, seo se ntira gabotse kudu, nagana feela ka seo se robetšego pele!

<sup>239</sup> Bjale, Baefeso 1:10, e bitšwa . . . Bjale, ge le e bea fase, Baefeso 1:10, e bitšwa, e sego lebaka, e sego letšatši la bošupa. E bitšwa, “Botlalo bja nako.” Gomme ge “botlalo bja nako” bo tlile, bjo ke ge nako e phethagaditšwe. Ge fao go se sa na le nako, gona le ya ka go Bokagosafelego, ka morago ga ge lebaka la kereke ya bošupa le fedile, gomme ke; lebaka la Luther le fedile, lebaka la Methodist le fedile, lebaka la Pentecost le fedile. Gomme bjale le ya ka go (eng?) Bokagosafelego; ga e sa le a šupa, ga e sa le tharo, ga e sa le lengwe. Ba ka Bokagosafelego, fao ga go sa na le nako ye bjalo ka dinomoro, le dinako, le dilo. Amene! Oo, nna! Le a e bona bjale?

<sup>240</sup> Goba, ka morago ga ge nako e phethagaditšwe, ka moka sebe se ile, se tšerwe go tloga, ka Miliniamong, Teroneng ye kgolo ye Tšhweu ya Kahlolo. (Seswantšho, ka Moya wo Mokgethwa.) Ka morago ga ge lefase le le mollong le go kolobetšwa, kolobetšo ya lona ya Mollo wo mokgethwa go tšwa Legodimong; ka moka sebe se ile, ka moka twatši e ile, ka moka bodiabolo bo ile, ka moka meleko e ile, ka moka bobo bo ile. (Seswantšho bjale.) Ka gona Modimo o dira eng? A ka kgona go dula godimo ga lefase, le a bona, ka baka la gore ka moka sebe se ile.

<sup>241</sup> Seo ke selo se se swanago A se dirago ge A go fa kolobetšo ya Moya wo Mokgethwa ka Mollo. A ka kgona go tla a dula le wena, gomme re ka kgona go dula ka mafelong a tša Legodimong ka go Kriste Jesu, ka baka la gore re šetše re le ka go Yena. E sego re “tla ba.” Bjale re dutše ka go Kriste Jesu. Re tsena bjang ka go yona? Ka kolobetšo e tee ya Moya wo Mokgethwa. “Ka Moya wo motee ka moka re kolobeletšwa ka go Kriste,” wo, re lego bjale. Re ka se “be” ka go Kriste; re gona! Ke Kgoši ye kgolo ya semoya godimo ga Moya wo o lego ka go rena, ka baka la gore re be re le ka go Yena ka mathomong.

<sup>242</sup> Le a bona, Modimo, mathomong, ge A gopola ka wena gomme a gopola ka ba bangwe ka mokgwa woo, o ile a gopola ka Yenamong bjalo ka yo a swaregago. Tšeo e be e le dikgopolo tša Gagwe. Le a bona? Fao, O bonagatšša dikgopolo tša Gagwe ka Lentšu. O rile, “A fao go be.” “A fao go be,” gomme fao gwa ba. “A fao go be,” gomme fao gwa ba.

<sup>243</sup> Ka gona, ka morago ga lebaka, A tšwela pele a re “a fao go be,” go fihla ge batho ba re, letšatši le letee, “Se dumelele Modimo go bolela!”

<sup>244</sup> A re, “Bjale Ke tla bolela go bona ka moporofeta.” Le a bona? “Go tloga go le go ya pele, Ke tla bolela go bona ka moporofeta.”

<sup>245</sup> Gomme moporofeta o rile, “Fao go tla tla; fao go tla ba,” gomme go bile, gomme go bile. Gomme go bile, gomme go bile, le a bona, feela ka mokgwa woo. Le a e hwetša bjale?

<sup>246</sup> “Botlalo bja nako” bo tlile ka morago ga ge nako e phethagaditšwe. Sebe se ile, ka morago ga kolobetšo ya lefase, ka morago ga ge kolobetšo ya lefase e le dira lefelo la maleba; ga go bolwetši, ga go ditwatši; ga go meotlwa, ga go ditshehlo; ga go lehu, ga go bohloko, ga go mahloko a pelo; ga go botšofadi, ga go selo sa go emela lehu; ga go selo sa go fošagala; ka moka gabotse; ga go selo sa tlhago. Ka Gosafelego!

<sup>247</sup> Ka gona, kgopolo ya Gagwe e a hlagišwa ka baka la gore e be e le fao, pele, sa mathomo. Seo ke se A go se gopola. [Ngwanešu Branham o swantšha godimo ga letlapantsho—Mor.]

248 Gomme ka gona go diregile eng? O beile Adama le Efa mo lefaseng, gomme o rile, “Atang bjale gomme le tlale lefase.” Mebele ya bona e be ka moka e robaditšwe ntle mo, gore o je gomme o dire mmele wa gago. Yeo ke tsela ye A bilego nayo ya go o dira.

249 Eupša sebe sa tla mmogo gomme sa tsena ka bogare polane ya Gagwe. A tatologela thwi pele, go no swana, le nako e a dira.

250 Eupša na Jesu o dirile eng? Modimo o tlile fase gomme a itlhagiša ka Boyena ka sebopego sa Monna, motho; a neela bophelo bja Gagwe, go na le gore a dule mo. Yo, O be a le Kgoši, eupša A neela Seyena go lopolla bohle. Le a e hwetša?

251 Gomme ge ka moka go fedile, gona e gogelwa thwi morago, gomme morero wa Modimo o phethagaditšwe. Fao go Kgoši ya ka Gosafelego gape le balatedi ba Gagwe ba ka Gosafelego, a hlagišitšwe ka nameng ya motho, tlwa ka tsela ye A bilego le yona; sebe se tšerwe sa tlošwa; diabolo o ile; ka moka e dirilwe bjale.

252 Ke eng se se tlogo go e dira? Lefase le ga le kgone go ba lefelo la Legodimo go dula go lona bjale. Le lebelelang, sebe. Le tla swanelwa ke go hlwekišwa.

253 Ga go monna, ga go motho, ga go mosadi, mošemane, mosetsana, ga ke kgathale gore ke mang, yo a swanetšego go ya ka phuluphithing, goba le go tleleima go ba Mokriste, ntle le go tlatšwa ka Moya wo Mokgethwa. Ga o na le tokelo go selalelo sa Morena, goba selalelo se se itšego, go hlapiša-maoto, goba eng kapa eng, go fihla ge o hlwekišitšwe ke Mollo wo Mokgethwa wa Modimo.

254 Ga go monna yo a nago le tokelo ya go rera ntle le ge o, bjalo ka Moshe, o kopane le Yena ntle kua mafelong a makgethwa, Pilara yela ya Mollo e lekeletšego fao, mo a tsebago mo a lego gona. Le a bona?

255 Elang hloko ka fao, ka fao re yago. Ka morago ga kolobetšo ya Mollo ya lefase, ka moka ditwatši di ile, e le dira lefelo la maleba gona la Legodimo go dula mo lefaseng.

256 Seswantšho, bjale, sa go dula ka mafelong a tša Legodimong ka go Kriste Jesu; o fetile go tšwa go se, sa ditšhila go swana le ka mo mosadi yo monnyane a bego a le ka gona, go ya ka go kgopolo ye e hlagišitšwego ya Modimo. “Bjale re Barwa ba Modimo,” e sego re *tla ba*. Re dikgopolo tša go nagana ga Modimo. Le a bona?

257 Bjale le re, “Go lokile, lebelelang moprista yo. A o be a se morwa wa Modimo?” Go hlatsela gore o be a se yena. Ga se a kgona go lemoga eng? A o rile, “Ke dumela Beibele”? Nnete. Eupša ga se a kgona go lemoga Lentšu le le hlagišitšwego la iri. O be a na le feela thuto ya bohlale go tšwa go sehlopha se se itšego se se bilego morago pele ga gagwe.



258 Gomme ke selo se se swanago lehono! Le a bona? Ke a tseba seo ke se se maatla, eupša ke Therešo.

259 Fao go be go le Lentšu, bjalo ka ge le boletšwe tlwa letšatši leo; gomme, o, go le bjalo o be a le moithuti, go le bjalo o be a le motho wa go tsebega, eupša ga se a kgona go Le lemoga. Ka baka la eng? Ga go kgathale gore o be a le moithuti bjang, eng ya go swana le seo, go le bjalo o be a se na le kemedi ya kgethelopele. Le a bona?

260 Feela bakgethelwapele e tla ba ba batee feela ba ba e dirago; feela ba ka kgonago go ba. Gomme le ka kgona feela go e dira . . . Ka baka la gore, lebelelang, e kgonthiša kgethelopele. Ka baka la gore, ge o na le Bophelo bjo Bosafelego, o be o swanetše go ba karolo ya Modimo dinako ka moka, ka baka la gore Ke yo Motee a lego ka Gosafelego. Le a e bona? Oo, nna! Naganang ka yona.

261 Bjale hlokomelang se se diregago go kgabola Miliniamo wo mogolo. Sebe ka moka se ile, Miliniamo bjale o dula ka gare, ke nako bjale Moya wo Mokgethwa o tšea lefelo la Wona.

262 Go no swana le ka fao A dirago ka go rena, “go feta lehung go ya Bophelong,” go dula ka go mafelo a Legodimo ka go Kriste, ka go Bogona bja Gagwe bja letago. Le lehu la mmele le tla feta go tloga nako yeo; go no swana le ge lehu la semoya le fetile go tloga bjale.

263 Fao ga go selo se se bjalo ka lehu la semoya bjale, go—go wa—wa go kolobetšwa mokgethwa wa Modimo. “Le ge a be a hwile, go le bjalo o tla phela. Mang le mang yo a phelago gomme a Ntumela a ka se ke a hwa.” Lengwalo ka moka, Le swanetše go phethagatšwa. Le a bona? Le ka se kgone go hwa. Le na le Bophelo bjo Bosafelego. Selo se nnoši, Molopolodi o go dirile gore o bo lemoge. Gomme ka mehla le be le le Seo, gomme ke ka baka leo le bonago letšatši le re phelago ka go lona. Ke ba bakae ba ba le bonago? Emiša letsogo la gago. Le a bona? Ke a le leboga. Le a bona? Letšatši le re phelago ka go lona, le le lemogile.

264 Bjale, Mamethodist ba rile, “Ge o goelesa, o na le Wona.” Ba bantši ba bona ba goeditše gomme ga se ba ba le Wona.

265 Mapentecost ba rile, “Ge o bolela ka maleme, o na le Wona.” Ba bantši ba bolela ka maleme, gomme ga se ba ba le Wona.

266 Lebelelang ka mokgwa, ka moka mohuta wa dibopego tše Bafarasei bao ba bilego natšo, eupša ge Lentšu le dirwa go bonala, ga se ba ke ba Le lemoga. Le a bona? Le a bona?

267 Gomme ge le le Monyalwa, Monyalwa ke karolo ya Monna. Gomme ge . . . Lefelo le nnoši o ka tsogago wa Le lemoga, ke go lemoga gore o karolo efe ya Monna (Lentšu leo) o lego yona, goba o ka se kgone go lemoga go ba Monyalwa. Ke ba bakae ba bonago seo? [Phuthego e re, “Amene.”—Mor.] Le a bona? Le a bona? O swanetše go lemoga leemo la gago.

268 O ka se kgone go lemoga la yo mongwe gape. Go be go ka reng ge—go be go ka reng ge Moshe a ka be a tlile le molaetša wa Noage? Gomme Noage e be e le karolo ya wona, eupša o be o ka se šome. Go be go ka reng ge—ge—ge—ge Jesu a ka be a tlile le Molaetša wa Moshe? O be o ka se šome. Le a bona, e be e le lebaka le le fapanego, e be e le seporofeto se se fapanego, karolo ye e fapanego ya Lentšu e be e swanetše go phethagatšwa fao. Ba be ba le ka letšatšing le lengwe la beke. E sego, mošomo wa ka Labobedi o ka se kgone go dirwa ka Laboraro. Gomme wa Laboraro o swanetše go dirwa ka Laboraro. Le a bona? Mokibelo e swanetše go ba mošomo wa Mokibelo. Le a bona?

Gomme, ba, ba ile ba lemogwa, “Oo, Moshe, re na le Moshe.”

269 A re, “Ge nkabe le tsebile Moshe, nkabe le Ntsebile, ka gore ke yo motee yo a boletšego ka Nna, ‘Morena Modimo wa lena o tla tsoša moporofeta wa go swana le nna.’” Le hwetša kgopolo? Oo, nna! Le a bona?

270 Ka gona Jesu o rile, ka go Johane 14, “Ge Yena, Moya wo Mokgethwa, a tlile, O tla tliša dilo tše kelellong ya lena, le a bona, a le laetša letšatši le le phelago ka go lona. Gomme ka gona, selo se sengwe le tla Mo tsebago ka sona, O tla le laetša dilo tše di tlogo,” le a bona, le a bona, thwi morago go go porofeta gape, “ge A tlile.” Le a bona?

271 Ka Lefaseng le Leswa le Magodimo a Maswa, go ka se fifatšwe gape, ge Lefase le Leswa le le etla. Diabolo o tla tlangwa... Sathane, o sa tlemogile bjale; ke mmegi. Eupša ka Lefaseng le Leswa, o tla tlangwa gomme a lahlwela ka Letsheng la Mollo, ka Mollong wo mokgethwa wo.

272 Ka gona, ka Lefaseng le Leswa le, a re le lebeleleng metsotso e se mekae bjale. Ka Lefaseng le Leswa le, magodimo a ka se sa ba a maso gape; aowa, ke gore go tšwa go thogako, le a bona. A ka se sa ba a maso gape ka maru a a befetšwego. Diphefo di ka se sa tla go mo kgabaganya gape ka mokgwa woo. Aowa. A ka se sa roba mehlare, le go thula dintlo, le go pshikološa dilo. Legadima le bogale di ka se sa kgeba go tšwa go Sathane go kgabaganya kua, le go bolaya monna yo a sepelago go theoga tsela, goba go tšhuma moago godimo. Le a bona? Aowa, e sego gape. Fao go ka se sa ba madimo a mmamogašwa go swiela fase, goba madimo le dithonato, gomme tša thuba dintlo, le go bolaya bana ba bannyane, le dilo. Huh-uh, di ka se sa ba gona. Tša leka go fediša, e ka se be fao. Sathane o raketšwe ntle.

273 Ke duma ge nkabe re bile le nako bjale. Ke no feta Mangwalo, bjale, gore re se ke ra latelwa kudu. Ke swanetše go rapelela balwetši.

274 Magodimo le lefase di kopane; Modimo le motho ba boelane. Edene ye e bušeditšwego e thomile; le a bona, thogako ka moka e ile.

275 Go no swana, le ge ka moka thogako ya sebe e ile ge Moya wo Mokgethwa o go amogela. Le a bona, ga o O amogele; O amogela wena, le a bona, ka baka la gore Ke kgopolo ya Modimo. Le a bona, ge E le Moya wo Mokgethwa, o ra, Moya wa Modimo; gomme ke kgopolo, mogopolo wa Modimo, o go amogetše ka baka la gore o be o beetšwe morero woo. Le a bona? Go le bjalo, o tswaletšwe ka sebeng; eupša Modimo o bile le kgopolo yeo, gomme mo o itlhagišitše ka bowena mo lefaseng, gomme O tlile fase gomme a go hwetša. Le a bona, o morago *mo*; *mo* ke moo e lego ga gago. Le a bona? Le a bona, sebe se lahlegetšwe ke maatla a sona. Yeo ke therešo. Tumo ya sebe e dirile go tloga pelong ya gago, ge Moya wo Mokgethwa o etla ka gare. Ke wena motho yo a bušeditšwego.

276 Gomme ka gona ge lefase le bušetšwe, ka selo se se swanago, fao go ka se sa ba le thogako gape, go ka se sa ba le madimo, go ka se sa ba diphefo, go ka se sa ba madimo a mmamogašwa—madimo a mmamogašwa, ke ra gore. Le boelantšwe; motho le Modimo ba kopane. Lefase le Leswa le tla bewa bobotseng bja Edene ya lona gape. Lefase le Leswa le tla alegela pele, ya gagwe, ka morago ga ya gagwe kolobetšo ya Mollo.

277 E no nagana, o tla swara mollo le go swela godimo. Dielemente di tla swa ka—ka phišo ya go tsenelela. Ka moka mešomo ya lefase e tla swa. Ka moka meetse a tla thuthupa; le tla swara mollo gomme la thunya ka moka. Selo se sengwe le se sengwe se tla thunyetša godimo. Bolekheni e tla thunya gomme, dikete tša dimaele ka moyeng, ya fofiša togotogo ya go swa ya go fiša. Twatši ye nngwe le ye nngwe. . . Moya wo Mokgethwa wa Modimo o tla hlwekiša go tloša nthasana ye nngwe le ye nngwe ya sebe ka moka le se sengwe le se sengwe. Ka moka diabolo o tla tlangwa gomme a lahlelwa ka Letsheng la Mollo, Mollo wo o jago, Mollo wa bogale bja Modimo.

278 Ga go na le sebata se se tlogo go ba fao go le fediša gape. Ge le sepela go theoga tsela, ka ditšhemong tša mapolomo, fao go ka se be le serpente ye e itšego fao go le tswinya le go le loma, le bohloko bja gagwe bja mpholo. Oo, nna! A go ka se makatše? Theetšang. Go ka se be le setee sa Lefase le Leswa le ka tsogego la nameletšwa godimo go le bopo la modu le lennyane le lekheri, go ba lebitla; go ka se be le lengwe fao.

279 Motho le Modimo ba tlile mmogo; Monyalwa le Monyadi. Magodimo le lefase di gokarane mmogo; Modimo o tlile fase go dula magareng ga motho. Tabarenekele ya Gagwe e na le bona.

280 Fao go ka se sa ba sebe, ga go sa le bohloko. Fao go ka se tsoge go bile mogokgo wo o rothago go tšwa lerameng la mme, bakeng sa lesele la gagwe. Amene. O ka se ke, ka Mobung wo Moswa wola. Aowa. O lopolotšwe. Ke wa Gagwe, le ba Gagwe ba ba lopolotšwego go tšwa go wona. Le a bona?

281 Gomme, lebelelang, le karolo ya mobu woo. A seo ke therešo? Gomme ge A le lopolotše, O lopolotše lefase ka selo se se swanago, gomme le mmogo gape. Oo, e ka ba molalenglaleng ga kaakang. Le a bona? Le swanetše go lopollwa ka baka la gore le karolo ya lona. Gomme ge Madi a se a rothela godimo ga gago, ga se wa lopollwa le bjale; ga se wa bitšwa. Ka gona O a le hlwekiša; seo ke selo se se swanago A se dirago ka Mollong. Le, Madi a rothile, ke gore le swanetše go le bjalo go hlwekišwa ka Mollo, yeo ke therešo, go ba lefelo la bodulo la Modimo.

282 Modimo o šetše a tšere bodulo bja Gagwe, le ge go sa tlile go direga. Mmušo wa Modimo o lefaseng bjale, ka dipelong tša bakgethwa ba Gagwe. Ke dikgopolo tša Gagwe tšeo A di thomilego mathomong. Bjale dikgopolo tša Gagwe di lopolotšwe. Na O letetše eng? Go lopolla lefase, go bea dikgopolo tša Gagwe godimo ga lona, go phethagatša tlwa polane ya Gagwe ye e kgethetšwego pele. Le a e bona?

283 Elang hloko, ga go mabitla, ga go marotholodi a megokgo, le gatee, aowa ga go sa le go tšhollwa ga madi. A ka se tsoge a thapišwa ke lerotholodi la mogokgo goba madi. Aowa. Go ka se be le dintwa gape. Aowa. Go ka sebe maru a marega. Go ka se be lehlwa le le tonyago godimo ga sefega sa gagwe; a ka se sa robala fale gape godimo ga lona. Letšatši le le fišago le ka se ke, la tsoge la tšhuma bjang bja lona. Haleluya! Le leganata le tla tšweletša dirosa. “Lela la kgale, la go kgomarela leganata le tla khukhuša, letšatši le lengwe, bjalo ka rosa,” Modimo o boletše bjalo; ge a lopolotšwe, ge a tšea kolobetšo ya gagwe ya Mollo. Fao go na le ka moka mehuta ya dikgophana le ya go kgomarela le se sengwe le se sengwe fao bjale, eupša o na le kolobetšo ya Mollo ye e tlogo.

284 Go swana le ka mokgwa wo monna a bego a le ka gona, ge a sa na le lehloyo, le bohlwele le dintwa ka go yena; ge kolobetšo ya Mollo e etla, ya e hlwekiša go tloga. Ga go sa le lehufa, ga go sa le selo, e no ba ka go felela lefelo la Modimo la go dula. Gomme, elerwang, yeo ke kemedi ya Gagwe ye e yago go Mo gahlanetša godimo ka kua. Amene. Oo, eng. . .

285 Seo ga e no ba setori; yeo ke Therešo. Seo ke se Modimo a se boletšego. Seo ke se A se tshepišetšego. Seo ke se Monyalwa a yago go sona. “Le leganata,” O rile, “le tla khukhuša, la ba rosa.”

286 Sathane, sebe, le badiradibe, ba ile, go ya go ile. Ka moka se dirilwe; se e hlakanyeditšwe ka Bokagosafelego. Gomme ka moka tše di bego di fapošetšwe, morongwamogolo yola yo mogolo yo a bego a dutše kua letšatši le letee, Sathane, yo a dirilego ka moka bobo bjo, o tla fedišwa. Le a elerwa, Beibele e rile, “Ge soulo yela e sa dire bjalo ka ge A dirile, a rilego dira, ebile O tla fediša soulo yeo.”

287 Eupša, le a bona, A ka se kgone go iphediša ka Boyena gomme a šala e le Modimo. Ka fao, ge soulo yeo e le ya lefase, e

swanetše go fedišwa. Eupša ge e le ya ka Gosafelego, le Modimo, ga se ya ke ya thoma, ka baka la gore ke karolo ya Modimo gomme e ka se tsoge ya kgona go fedišwa. Amene! A botse! Re—re leboga bjang, gore Kereke e swanetše go bona seo!

<sup>288</sup> Batho, ka moka tše le di dirilego di robetše thwi mo. Se ke se ke lekago go se bolela. Ke tlogela tše dingwe tša sona ka baka la gore ke nyaka go ya morago go sona gape.

<sup>289</sup> Le dilo tše, Sathane, badiradibe, ba ile, ka Gosafelego; ga go sa le go ba gape. Ka moka . . . Le a bona, Sathane ga a kgone go hlola. Ge a le, gona ke yena Modimo. Le a bona? O kgona feela go fapoša seo se hlotšwego. Le a bona? Gomme ka moka phapošo e tla, go fapoša, go tla fela. Gomme lehu ke phapošo ya bophelo; gomme ge phapošo e dirilwe, fao go ka se sa ba lehu gape. Botšofadi ke leswao la lehu; gomme ge botšofadi bo ile, bophelo bo tla ka gare. Ka moka maswao a phapošo le se sengwe le se sengwe gape a ile. Meetlwa le ditshehlo ke maswao a sebe, “lefase le tla rogakwa ka tšona,” gomme go dirwa ntle le tšona. Bolwetši bo a tla, ka seo; go tla dirwa ntle le bjona. Lehu go tla dirwa ntle le lona. Go tšhollwa ga madi go tla dirwa ntle le gona.

<sup>290</sup> Ga go selo se se ka kgwathago lekoloboto lela eupša bokgethwa, Balopolwa. Oo, nna! Ya. Oo, ke no ikwela gabotse. Modimo, le tlhola ya Gagwe; le dibopiwa tša Gagwe tša tlhola ye di lopolotšwe ke Madi a Gagwe Mong. Di hlwekišitšwe ke tirotšwetšopele ya tlhwekišo ya Gagwe Mong; sebolaya—twatši sa Gagwe, tirotšwetšopele ya go bolaya—sebe!

<sup>291</sup> Go swana le ge selo se se itšego se upetšwe, moupou wo mokaonekaonekaone wo re kilego ra ba le wona e be e le mollo. O ka kgona go tšea selo se se itšego wa se hlatswa ka lehulo la sešepi le ka moka dikhemikhale tše ba bolelago ka tšona, le ge go le bjalo ga sa lokologa. Eupša o se tšhuma gatee!

<sup>292</sup> Gomme ge Mollo wo mokgethwa wa Modimo o upela lefase ka Dikhemikhale; O phagamišitše Monyalwa wa Gagwe, wo a ka kgonago go tla ka Legodimong le Yena, ge se se tšwela pele. Gomme a tla morago godimo ga lefase gape, Magodimo a Maswa le Lefase le Leswa. Marega a go tonya a ka se le gobatše. Dilemo tša go fiša di ka se kgone go le gobatša. Maganata a tla khukhuša bjalo ka rosa. Sebe le badiradibe ba ile.

<sup>293</sup> Modimo, le dibopiwa tša Gagwe le tlhola, ba dula mmogo ka khutšo ya go phethagala. Bjalo ka magodimo le lefase e le monna le mosadi, ka fao le Kriste le Kereke, gomme ka moka ba kopana ka go ye kgolo ya letago polane ya topollo gomme e tlišwa thwi ka go difarong tša Modimo gape. Le a e bona?

<sup>294</sup> Gomme, ka Lefaseng le Leswa, fao go na le Toropokgolo ye Mpsha. Oo, nna! Bjale theetšang sekgauswi. Le se ke la lebala se. Gore, Jesu o rile, ka go Johane 14, O be a eya go lokiša. “A dipelo tša lena di se huduege.” Ge A tloga, “Ke

na le lebaka la go tloga. Le dumetše ka go Modimo,” A re, “dumelang le go Nna.” Ba be ba sa kgone go bona gore O be a le Modimo. A re, “Le dumetše ka go Modimo, bjale dumelang ka go Nna. Gomme Ke ya go le lokišetša Lefelo. Ka Ntlong ya Tate wa Ka go na le dintlokgoparara tše ntši; ka Mmušong wa Tate wa Ka go na le dipaleisi tše ntši.” Kriste o fao, ka tlase ga kago ya Jerusalema ye Mpsa ye bjale. Bjale theetšang sekgauswi. Le se ke la šutha. Le se ke, le se ke la foša se. Kriste o Legodimong, leho, o lokiša Jerusalema ye Mpsa.

<sup>295</sup> Go no swana le ge Modimo a hlotše lefase ka matsatši a tshela, a dirile lefase ka matsatši a tshela, goba dikete tše tshela tša mengwaga. Bjalo ka ge a rile, “Le se ke la hloka tsebo,” re bala ka Lengwalong, “sekete se tee sa mengwaga ke letšatši letee.”

<sup>296</sup> Gomme Kriste o ile gomme o lokiša Lefelo, le bile ka fase ga go agiwa mengwaga ye mentši, dikete tše ntši, o lokiša Lefelo. “Gomme ge Ke eya gomme ka lokiša Lefelo, Ke tla tla gape, gomme ka le amogela; gore mo Ke lego, fao le be gona.” Elang hloko Molopolodi le Balopolwa!

<sup>297</sup> Ke duma ge nkabe re bile le nako. Ke na le ye e marakilwe mo, Salome o a tšopola, “mosetsana yo, Monyalwa.” Oo, re swanelwa ke go no e feta; go ba llata kudu, le a bona. Ke tla e hwetša, gape. “Ge a leka go mo hwetša, eupša o beeditšwe go mošemane wa modiši.” Ba bangwe go molaleng ba gopotše gore yeo e be e le koša ye a e opetšego. Oo, aowa. Salome o be a le mojabohwa wa terone ya Dafida, lefaseng, eupša go laetša gore mmušo woo o be o swanetše go feta go tloga. E be e le seswantšho sa Kriste a ratana le Monyalwa. Le a bona?

<sup>298</sup> Elang hloko gore Jesu o rile, Johane 14 bjale, “ke ya go lokiša Lefelo.”

<sup>299</sup> Oo, na le tla lebelelega bjang? A le kile la nagana bjale, Monyalwa, gore le tla lebelelega bjang? Le lokišetšwe le go hlantwa ke Mohlami yo Mokgethwa. Na Toropokgolo yeo e tla lebelelega bjang? Bjale, re ya go bolela ka yona metsotso e se mekae. Mohlami yo Mokgethwa o e lokišetše, o e hlamile. Gomme, lebelelang, O e hlamile ka diatla tše boleta, bakeng sa Monyalwa moratwa wa Gagwe. Na e ya go lebelelega bjang?

<sup>300</sup> A o ka kgona go eleletša monna a nyala mosadi, yo a kgonago, ka fao a agago le go bea selo se sengwe le se sengwe se sennyane tlwa mo mosadi a kgwathago, feela se a tlogo go se rata? Amene.

<sup>301</sup> Bjale, Mohlami yo Mokgethwa o hlamile Toropokgolo ye Mpsa, moo A tlogo go phela le Monyalwa wa Gagwe, feela mo A kgwathago. Ga go makatše ge moapostola a rile, “Leihlo ga se la bona, tsebe ga se ya kwa, goba ga se tša ke tša tsena pelong ya motho.” A re boneng ge re ka kgona go tsena ka go yona nakwana feela, re bone gore e ya go lebelelega bjang.

302 Mohlami yo Mokgethwa o hlametše Moratiwa wa Gagwe ye. Le a bona? Oo, a lefelo le le swanetšego go ba e le lona, ge, Tlhago ye Kgethwa, Mohlami yo Mokgethwa a e hlametše kgopolo ye Kgethwa yeo ka Bokgethwa e kgethetšwegopele ke Modimo yo Mokgethwa Yoo—Yoo e lego Mothomi wa Bophelo bjo Bokgethwa! Na Toropokgolo yeo e tla bogega bjang! Nagana ka yona.

303 Elelwang, ga se Legodimo. Johane o rile, “Ke e bone e etla fase go tšwa Legodimong.” E swanetše go ba lefaseng. Le a bona?

304 E sego lefase le le yago go feta go tloga; ke lefase le le lopolotšwego. Modimo ga se a ke a re O ya go tsoša moloko wo moswa; O ya go lopolla wo motee wo o lego mo. Yena ga a ye go tsoša moloko wo moswa; O lopolla wo motee o šetšego o le mo. Yena ga a ye go dira lefase le leswa; ke le letee le thwi mo. O ya go no le tšhuma go tloša, a le hlwekiše, go swana le ka mo A go dirilego. Dipolane tša Gagwe di swanetše go dula go ya go ile. Bjale, lebelelang, go ya go ba.

305 Elelwang, ga e ye go ba Legodimo. “E tla fase go tšwa Legodimong.” Ke Lefelo la go dula, Lefelo la go dula ka go lona, go tšea bodulo bja Gagwe. Go swana le, e be e le Johane, sehlakahlakeng sa Patemose, mo ka go Kutollo 21, o e bone “e theoga.” Johane o bone Toropokgolo, “e theoga go tšwa Legodimong,” bjalo ka leeba, bjalo ka ge a bone.

306 Mo go tla Modimo, fase godimo ga tabarenekele ya Gagwe ya lefase, Jesu, ka go . . . “a theoga go tšwa Legodimong.” Jesu o be a kolobetšwa, a ya tsela go otlologa . . .

307 Ge A kopane le moporofeta! “Lentšu le tla go moporofeta.” Gomme O be a le Lentšu. Gomme moporofeta o be a eme fao, a gana ka moka dikereke tša bona tša maina, selo se sengwe le se sengwe. Gomme, ge a bone Lentšu, Lentšu la tla thwi go yena.

308 Gomme moporofeta o be a tšhogile kudu, a re, “Ke nyaka go kolobetšwa ke Wena. Ka baka la eng O etla go nna?”

309 A re, “Tlogela gore e be bjalo, ka gore go tla go rena (re tseba molaetša) go phetha toko ka moka. Nna ke Sehlabelo; Se swanetše go hlatswiwa.” A mo tlogela.

310 Ge A eya godimo go tšwa ka meetseng, a re, “Ke bone magodimo a bulega.” Moporofeta o e bone. O bone magodimo a bulega.

311 Gomme mo go tla, go theoga go tšwa Legodimong, sebopego sa Leebea; gomme Lentšu, la re, “Ye ke karolo ya Ka ya lefase ye Ke e lopolotšego, gomme go tšwa go karolo ye ya lefase Ke tla lopolla lohle la lona, ka gore Yena ke Lentšu la Ka le dirwa go bonagala.” “Gomme lefase lohle, Ke le boletše la ba gona ka Lentšu la Ka,” Baheberu 11. “Gomme Sathane o be a le swere nako ye ka moka, eupša ke tlile go le lopolla. Bontši bja lona bo dirile mmele wa Gagwe, gomme Ke tlile go dula ka go wona.”



312 Johane o rile, “Ke bone Toropokgolo ye kgethwa, Jerusalema ye Mpsa e fologa go tšwa Legodimong, bjalo ka Monyalwa a hlophišeditšwe Monna wa gagwe.” Gomme e dutše kae? Go no swana tlwa le ka fao e dirilego godimo fao; godimo ga lefase.

313 Jesu o be a le karolo ya lefase leo Moya wo Mokgethwa o fologetšego godimo ga lona, (a seo ke therešo?) gomme wa dula godimo ga Gagwe ka gosafelego. Wona ga se wa ke o kgona go Mo tlogela. Wona ka mehla o fao. Yena le Modimo ke Batee. Ka mehla o swanetše go dula!

314 Gomme ka fao Johane o bone Toropokgolo ye kgethwa, Jerusalema ye Mpsa, e theoga boka naledi, goba le—leeba, e etla fase go tšwa Legodimong gomme ya dula godimo ga molopollwa, lefase lohle, (go dira eng?) go tleleima kgopolo ye nngwe le ye nngwe yeo a e diretšego lefase. Monna yo mongwe le yo mongwe yo a bego a emetšwe ka Bokagosafelego, le mosadi yo mongwe le yo mongwe, o lopolotšwe gona. O kgobotšwe le go tšhungwa ka Mollo.

315 Jesu, ka melekong ya Gagwe ya go fiša ka lešokeng, matšatši a masomenne. Ka morago ga fao, elang hloko, go be go loketše bodiredi bja Gagwe nako yeo.

316 Nagana ka yona, Moya wo Mokgethwa o theogela godimo ga lefase, Jesu, gomme Madi a makgethwa ale! Bjale hlokomelang, gomme ke a holofela ga ke ye go tiba kudu go lena, le a bona. Madi a makgethwa ao a go hlolwa ke Modimo; Madi, Bophelo, tlholo ya Modimo. “Jesu e be e le mathomo a tlholo ya Modimo.” Oo! Le a e bona? Modimo, a dirilwe ka tlholong. O be a le Moya. Beibele e rile, “Yena ke mathomo a tlholo ya Modimo.” Na O thomile bjang? Ka dipopelong tša mosadi. E lego eng? Mosadi ga se. . .

317 Go swana le ka fao bona batho ba difofu ba sa kgonego go bona “peu” ya serpente thwi mo. Le a bona? Efa o ile a bewa mo lefaseng, gomme, pele Sathane a be a ka mo kgwatha, goba se sengwe gape, Modimo o rile go bona, “Atang gomme le tlale lefase.” Yeo ke therešo, eupša Sathane o tla ka gare mo. Gomme, ge a be a le morwa wa Adama, gona e kae. . .

318 Adama e be e le moloko wa go tšwa go Modimo thwi. Gomme o tšea feela tlhago ya motswadi wa gago.

319 Gomme ge o tswetšwe gape, o tšea Tlhago ya Motswadi wa gago, wa Legodimo. Gomme Motswadi wa gago wa Legodimo ke kgopolo ya Lentšu. . . Goba, Lentšu ke kgopolo ya Motswadi wa gago. Ka gona, o ka kgona bjang go Le gana, bakeng sa kereke ya leina? Oo, nna!

Ke a holofela ga le foše se. Ke a tseba se tšwa go Modimo.

320 Jesu. Mo O a tla, a theoga; gomme fale go be go le Jesu, kgopolo ya Modimo.

321 Bjale, “mosadi,” yena. Hlokomelang. Modimo o rile, “Ka baka la gore ba dirile se,” a re, “Ke tla bea bonaba gare ga Peu ya gago le peu ya serpente.” A yeo ke therešo? Gomme mosadi ga a na le peu ye e itšego. A le kile la nagana ka seo? O na le tšhemo, e sego peu. Le a bona, serpente o be a šetše a beile “peu” ya gagwe fao.

322 Gona, ge mosadi a se na le peu, o swanetše go dula a na le Peu.

323 Le a bona, ka thobalano mo, o tlišitše go tšwa go Sathane, serpente, yeo e bego e se segagabi; e be e na le maoto, ka baka la gore maoto a gagwe a tlogile go yena. O be a le bohlole kudukudukudu, sebata se nnoši se bego—se bego se kgokagana le mosadi.

324 Peu ya sebata e ka se kgone go e dira bjale, gomme ga go selo gape. Ba lekile. E ka se šome. Le a bona, bophelo bja peu go tšwa go pholo bo ka se ye ka go tshadi ya mosadi. Bo ka se e dire.

325 Eupša e be e le selo sa kgauswiuswi. Le a bona, ba ka se kgone go hwetša mohuta woo magareng ga tšhimpantshe le monna. Le a bona, ye nngwe le ye nngwe ye tee, ge e fetogela godimo, go tloga go dinyanya, le go ya godimo go dikgabo, le go ya pele, go fihla go tšhimpantshe, gona go na le go “lahlega.” Yeo e be e le serpente, e sego noga; sebopego se sengwe le se sengwe se lahlegile go tšwa go yena, ka baka la gore o ile a rogwa.

326 Bjale, Modimo ga se a roga Adama; a ka be a dirile selo se se swanago, eupša O rogile lefase, “meetlwa le ditshehlo.”

327 Ga se a roga Efa, eupša o rile Adama e tla ba “mmuši” wa gagwe. Go tloga bjale go ya pele, ga a leke go rera mo go itšeng goba eng kapa eng, Adama ke mmuši wa gagwe. “Gomme ka moka matšatši a bophelo bja gago, gomme ka bohloko, gomme o tla tliša bja gago. . . bophelo lefaseng.” Eupša O rile, “Ke tla bea bonaba magareng ga Peu ya gago. . .”

328 Bjale, o be a se na le peu ye e itšego, ga se a ke a ba, ka fao, o ile a swanelwa ke go amogela Peu go tšwa tseleng ye e itšego. Modimo o mo file Peu, e sego ka thobalano, eupša ka tlhoho.

329 A ga le kgone go bona lena batho ba difofu gore yeo ke “peu” ya serpente? Oo, nna! Sathane o ile kua pele ga Adama; yeo e be e le “peu.”

330 Eupša o amogetše Peu. E be e le eng? Modimo ka Boyena. “O be a le mathomo a tlhoho ya Modimo.”

331 Bjale lebelelang ge Sethe a belegwa, goba Abele, o be a le monna wa moloki, go tšwa go tatagwe. Sethe o ka tsela ye e swanago.

332 Moisa yo mobe yo o be a etšwa kae; mmolai, moaketši? Le a bona, le bona fao e tšwago? E be e swanetše go ba “peu,” ka baka la gore o be a le peu; Kaine e be e le monna.

333 Oo, ba kae bona batho ba difofu? “Modimo wa lefase le o ba fougaditše.” Go lokile, ga go makatše, Jesu o rile ga go monna yo a ka kgonago go e bona. Le a bona?

Le re, “Ka baka la eng ba sa e bone?”

334 Jesu o rile nako ye nngwe, go barutiwa ba Gagwe, “Go filwe lena go tseba Mmušo wa Modimo, eupša e sego bona.”

335 Gomme ke ka lebaka leo le tšwago disekwere maele tše makgolo a lesometlhano, le a bona, “Go filwe lena go tseba Mmušo.” Lebelelang, baisesa ba tšwa le Afrika Borwa le tikologong, iring ye ya llata ge Monyalwa a direlwa go ya ka Mmušong.

Ke no se be le nako ya go lekanela. Elang hloko. Hlokomelang bjale, le a bona.

336 Bjale a le kgona go bona “peu” ya serpente fao, le bona ka fao a e dirilego? E phethagetše, le a bona. Bjale ba bangwe ba bona ba rile. . .

337 Bjale, go swana le mothaka yola ka Tucson letšatši le lengwe, a leka . . . Aha, a ka no theetša theipi ye. Eupša, ge e le, monna, ke nyaka go go botša selo se sengwe.

338 Ge a rile, “Efa o rile,” šifa mo ba yago, “Ke hweditše morwa go tšwa go Morena, goba monna go tšwa go Morena.” Ka baka la eng, nnete. Modimo o na le molao.

339 Lebelelang, o tšea peu gomme wa e bjala ntle mo ka tšhemong fao go lego korong, gomme wa bjala mahlatswa ntle fao. Ga ke tshwenyege, letšatši le le swanago le pula ye e swanago e tliša peu yeo bophelong. Modimo o na le molao, gomme molao wo o ka se kgone go robja.

340 Ga ke tshwenyege ge yo—ge yo. . . mobemobemobe mosadi ka toropong le monna yo mobemobemobe, le go se nyalane le se sengwe le se sengwe, ba ka ba le—le kamano, gomme ba phela mmogo gomme ba tliša ngwana pele; ngwana yoo o swanetše go tla ka molao wa Modimo, ka baka la gore fao ga go tsela ye nngwe. Ge o sa dire, o dira Sathane mohlodi, gomme ka gona ke modimo. Oo, o ka kgona go ba sefofu bjang! Le a bona, molao wa Modimo, nnete.

341 Ge o kile wa ba le lesea, ga ke tshwenyege ge eba e be e le Esau, Jakobo, mang kapa mang le bego le le, goba motho mang kapa mang wa tumo ye mpe, ge eba e be e le Judase, le swanetše go tla ka Modimo. Modimo o na le molao.

342 Beibele e rile, “Letšatši le bonegela ba ba lokilego le ba ba sa lokago; pula e nela ba ba lokilego le ba ba sa loka- . . .” Baheberu ya 6 tema, gomme e bolela gore, “Pu—pula ka mehla e tla godimo ga lefase, go le nošetša, le go le lokišetša se le swanetšego go se apešwa, le a tseba, go dira bophelo; eupša meetlwa le ditshehlo di phela ka meetse a a swanago, letšatši

le le swanago.” Ka gore, ke molao wa Modimo, go buduša peu ye nngwe le ye nngwe, go dira peu ye nngwe le ye nngwe go itšweletša ka boyona.

<sup>343</sup> Ka fao, e swanetše go tšweletša “peu” ya serpente. Gomme ga se ya ke—ya ke ya šitiša Modimo; e phethagaditše polane ya Gagwe ya go felela, e Mo dirile Molopolodi. Sefofu sefe goba sefe se swanetše go bona yeo, ntle le ge e utilwe. “Modimo wa lefase” o e utile go tloga go wena. E no ba molaleng bjalo ka se sengwe le se sengwe o ka kgonago go se bona. Fao ke wena. Seo “peu” ya gago ya serpente. Bjale elang hloko.

Eupša, “Jesu e be e le mathomo a tlholo ya Modimo.”

<sup>344</sup> Bjale na mosadi o dira eng? Ge, peu etla go tšwa go bongtona. Bjale le gana seo? Mosadi ga a na le bophelo ka go yena, le gatee. O na le feela lee le lennyane, e lego tšhemo ntle mo.

<sup>345</sup> Go swana le ge o tšea tšhemo gomme wa e tesa ka moka, gomme—gomme wa bea sefothedi godimo ga yona, gomme wa fothella ditwatši ka moka ka ntle ga yona. Gomme ga go—ga go le bjang goba selo se ka kgonago go mela ka go yona; gomme ka gona wa nontšha gape, wa bjala peu ye botse fao. Ge lenaba le etla gomme le bjala peu ye nngwe, molao wo o swanago wa Modimo o tla buduša dipeu bobedi.

<sup>346</sup> Go lokile, Modimo o be a se a ikemišetša gore seo se be, le a bona. Eupša go diregile eng?

<sup>347</sup> Le a bona, peu ya bonna go tšwa go tona e rwala haemetlolopine, e lego madi. Ka mading go bophelo. Gomme ge le kile. . . Ke ile ka e bogela, ka go tswakeng mohlape le dilo tše bjalo. Ngwanešu Shakarian le nna re e tšere go kgabola, gomme dingaka le go ya pele, re bogetše ka fao e yago go kgabola, boradikhemesa. Le a bona? Ka gona mo go tla peu ya bonna go tšwa go tshadi, e lego sehlopha sa mae. Mo go tla peu ya bonna go tšwa go tona, e lego sehlopha sa dipeu.

<sup>348</sup> Ye ga e na le bonnyane bja peu ka go yona. Ke feela setšwa go sengwe sa monna. Ke ka mokgwa wo a tlilego fa, lefelong la pele, gomme o no ba tšhemo. Fao go lee; le na le mobu wa go nona wa bophelo bjo. Gomme bophelo bjo bo sepelela ka gare gomme bo a abula. Fao go sephiri, ka mokgwa woo . . .

<sup>349</sup> “Mohlomongwe,” o re, “go lokile, ye tee ya pele e a gahlana. Tše dingwe tša tšona ka moka di a hwa.” Go lokile, bjang, ke mang a e beakanyago? “Go lokile, ye tee ya pele.” A e tla ba ye tee ye e lego pele; lee le letee ka pele, le peu ya pele? Aowa, aowa.

<sup>350</sup> E ka no ba lee le letee; kua morago, ka morago, bogare bja peu ya bonna, le tla tla godimo gomme peu e tla le gahlanetša. Go laetša gore bohlae bjo bo itšego bo beakanya ge eba e ya go ba hlogo-khubedu, hlogo-swana; ge eba e ya go ba ye nnyane, ye kgolo; tona goba tshadi. Le a bona? O ka se kgone, o ka se kgone go dira selo gape ka yona; se ka se šome. O ka kgona

go di hlakanya mmogo, le se sengwe le se sengwe, se ka se dire phapano ye nnyane. Modimo o a e beakanya. Gomme ka morago ga lebakana, peu e tee ye nnyane e tla abulela go ya ka tšhemong yeo, lee. E nago le mosejana wo monnyane, go swana le, godimo ga yona, e nyokanyoka go dikologa; wa wa, gomme fao go thoma mongetsana wa lesea.

351 Yena ke eng gona? Ga a na le peu. O na le tšhemo go amogela peu. Ka fao . . .

352 Le a bona, lenaba le ile pele. Ge mobjadi yo mobotse a ile pele, a bjala Peu ye botse; gomme lenaba la tla ka morago ga gawe, la bjala peu ya go senyega. “Eupša pula e wela godimo ga baloki le ba ba sa lokago; letšatši.” Ka moka di swanetše go gola.

353 Jesu o rile, “Di leseng di gole mmogo. Ka letšatši leo di tla kgobelwa, mefoka.” Gomme ba a kgobela bjale, ka mekgatlong ye megolo; e ya go ngata ye kgolo, Lekgotla la Lefase la Dikereke. Gomme mafelelong e bile eng? Ke go tšhungwa. Eupša leroro le swanetše go tšeelwa go ya sešegong. Le a bona? Moo, mmogo di phelago ka selo se se swanago, meetse a a swanago, pula ye e swanago.

354 Mohlare wa legoro la bo namone, ke gore—ke gore mohlare wa monamone, o tla enywa, o tla swanelwa ke go dira; o tla tliša pele godimo ga wona, ge o hlomeseditšwe ka go wona, garenate. O tla tliša pele swiri. O tla tliša pele papalamone. Le a bona? Eupša e ka se be namone, eupša e phela ka bophelo bjo bo swanago bjo mohlare wa monamone o bo tšweletšago.

355 Dikereke tša maina di hlabetšwe ka go Morara. Ka baka la gore, ge di tleleima “Bakriste,” di phela ka bjona. Kayafa o bile; le tseba se a bego a le sona, gomme go le bjalo o ile a be a porofeta. Le a bona? Le a bona, di phela ka bjona.

356 Oo, ke duma ge re be re ka kgona go ba le beke, gore re no kgona go ithuša selo se, gomme re se dire go ba molaleng le—le se kgone go se foša. Bjale ke ya go tlogela tše dingwe tša dilo tše.

357 Bjale hlokomelang. Lebelelang, tšona diatla di hlametše ye Monyalwa wa go Ratega wa Gagwe, go e hlama ka lerato le boleta bakeng sa Monyalwa wa Gagwe.

358 Elelwang gore Moya wo Mokgethwa o fologetše godimo ga Jesu, yo, Jesu e bego e le karolo ya lefase. Ka baka la eng? Peu ya Modimo, Bophelo bja Modimo, bo ile bja hlangwa ka popelong ya mosadi (a seo ke therešo?), e bego e le lefase. Ka moka gabotse. Gomme ka gona Bophelo bja Modimo bja tla ka gare, gore, “O be a le mathomo a tlholo ya Modimo.” Le a bona? Gomme ka gona Madi ale a Modimo, ao a bilego fao ka peu yeo; ge a be a tšhollwa Khalibari, a rothela morago godimo ga lefase. Bakeng sa eng? Go lopolla lefase. Bjale, le lokafaditšwe; le hlwekišitšwe; le biditšwe, le tleleimilwe; gomme bjale le swanetše go amogela kolobetšo ya lona ya Mollo, gomme le hlwekišetšwe Jesu le Monyalwa wa Gagwe.

359 Gomme le dikarolo tše dingwe tše tšeo di gogilwego go tšwa go lefase le. Lefase, lena le karolo ya lefase; mmele wa gago. Soulo ya gago ke karolo ya Modimo, kgopolo ya Modimo, e peeladitšwe mo lefaseng ka mmeleng. Mmele o swanetše go lopolla.

360 Bjale, soulo e lopolotšwe, ka baka la gore e be e le ka sebeng. Ka fao Modimo o tšile fase, ka tirotšwelopele ya tokafatšo, tlhwekišo, kolobetšo ya Moya wo Mokgethwa, gomme a lopolla soulo ya gago.

361 Gomme wena, o le karolo ya lefase, o lopolotšwe ka yona. O mo go tirotšwelopele bjale. E a gola. Mmele wa gago o lokafaditšwe ka fase ga kolobetšo ya Noage. Amene! Le, nama ya gago, ge E wela godimo fase godimo fale. Gomme lefase le swanetše go hlwekišwa ka Mollo, lefelo le o tla dulago, ka kolobetšo ya Moya wo Mokgethwa; Lefelo la bodulo la Kriste le Monyalwa wa Gagwe, Jerusalema ye Mpsha.

362 Hlokomelang Toropokgolo ye; lefase, e tšea bodulo bja yona godimo ga lefase. Bjale le ka kgona go bona molaleng bjalo ka ge ke boletše, ye . . . phetogo ye, lefase le swanetše go fetolwa. Le ka se kgone go ba le Yona ka mokgwa wo. Kereke e ka se kgone go ya . . . Goba, lefase le ka se kgone go ya thwi pele, ka morago ga Miliniamo, ka ntle le go fetolwa. Le a bona? Go ba le Lefelo le le bjalo ka lona, le swanetše go fetolwa.

363 Go no swana le gore, re swanetše go fetolwa ke Mollo wa Gagwe wo mokgethwa, go ya go leemo le go Mo direla lefelo gore a swarwe ka gare ga rena; ke gore, Moya wo Mokgethwa.

364 Elang hloko bjale, fao go tla sekgoba se sentši ka Lefaseng le Leswa. Uh-huh. Le a bona, lefelo le lentši! Le tla mpshafatšwa, yeo ke therešo, ka Mollo, eupša fao go ka se sa ba le lewatle. Elang hloko, Toropokgolo ke disekwere tše makgolo a lesometlhano a dimaele.

365 Bjale theetšang sekgauswi ka nnete ge re thala dikgao tše. Ke nyaka go phumula letlapantsho, lebakana feela. [Ngwanešu Branham o phumula diswantšho tša gagwe tša go feta—Mor.]

366 Še kutollo ya go tiba go tšwa go Modimo. Mo, ke tla no ema mo. E sego ye tee ya tše dingwe tše . . . Ke tla tliša tšohle tša se godimo, Morena ge a rata.

367 Elang hloko bjale lefase ke . . . Go lokile, bulang ka kua ka go Puku ya Kutollo, le tla kgona go bona ka fao a e etšego ka dicubits le diforlong. Makgolo a masomepedi-tharo . . . Ka fao bjale re hwetša ntle gore to—Toropokgolo e elwa, disekwere tše “makgolo a lesometlhano a dimaele.”

368 A le tseba gore yeo e tla fihla bokgole bjo bokae? Ke e etše, beke ye. E tla fihla go tloga Maine go ya Florida, le go tloga lebopong la bohlabela go fihla makgolotshela a dimaele go feta, bodikela bja Mississippi. Ka mantšu a mangwe, seripa sa United States, e no ba Toropokgolo.

Le re, “Fao ga go sebaka.”

<sup>369</sup> Ge lewatle le tlogile fao se tla ba gona, ka baka la gore bokgauswi bja nne tlhanong bja sona ke meetse. Yeo ka tharešo? Mothuthupo o omiša lewatle, o thuntšha lefase. Oo, nna! Elelwang, disekwere maele tše makgolo a lesometlhano, a Toropokgolo! Gomme, eupša, elelwang, lewatle le ile.

<sup>370</sup> “Gomme bophara le bogodimo bo a swana.” Seo se tla e dira dimaele tše makgolo a lesometlhano ka tsela *ye*, dimaele tše makgolo a lesometlhano ka tsela *yela*; dimaele tše makgolo a lesometlhano; botelele ka bophara ka bogodimo. Dimaele tše makgolo a lesometlhano, nagana ka wona, gauta ya go bonatša. Gomme Toropokgolo e na le leboto go e dikologa.

<sup>371</sup> Bjale, bjale, seo ga se re gore, ka go lekana. . . Go thwe, “Gomme maboto le motheo di be di lekana,” seo ga se re gore e be e le khutlotharo goba sekwere. Fao gape go na le kelo ye nngwe gape ya thutafase, gore dikgao di a swana, ke, phiramiti. Disekwerenne, “e robetše disekwerenne,” gomme maboto a be a swana.

<sup>372</sup> E re ke e thale. [Ngwanešu Branham o thala diswantšho godimo ga letlapantšho—Mor.] Le a bona: botelele, bophara, bogodimo. Re ya go tsena ka go selo se sengwe, sa nnete bjalo ka lefase. Le a bona? Elang hloko, dikgao tša enkele *ye* di swana tlwa, ka moka ga tšona, botelele ka—ka bogodimo. Fao go na le kelo ye nngwe, phiramiti, yeo e ya e kgonthiša.

<sup>373</sup> Ye, ge e le ka tsela ye, e tla araba tlwa leswao la Henoge ka Egepeta, phiramiti. A e tla dira? Henoge, pele ga tshenyoye ya meetsefula, ge tokafatšo e etla ka gare, o tlišitše pele leswao, gomme ka mo go phiramiti ye ke dikgato tše šupa go ya kamoreng ya kgoši. Hlokomelang godimo ga legato la bošupa, ge o kile wa ithuta dikgao tša phiramiti, yo a tšwelago ntle go tšea yo a tlogo, go mo tsebiša go kgoši. Hlokomelang gore ke setešeng sa mang yo a emego kua, gomme le tla bona letšatši le le phelago ka go lona, ka gare ga phiramiti.

<sup>374</sup> Bjale, Modimo o dirile Dibeibele tše tharo. Bjale, fao go na le thuto ya phiramiti yeo e lego go hloka tlhaologanyo, eupša fao go phiramiti ya mmapaale. Le a bona? Elang hloko. Bjale, Modimo, Beibele ya mathomo. . . O dirile tše tharo. Fao go swanetše go ba se sengwe le se sengwe ka tharo.

<sup>375</sup> Jesu o tla dinako tše tharo. O tlile, gatee, go lopolla Monyalwa wa Gagwe; nako ye e latelago, go tšea Monyalwa wa Gagwe; nako ye e latelago, le Monyalwa wa Gagwe. Le a bona?

<sup>376</sup> Bjale elang hloko ka mo go lego botse. Le a bona? Gomme ka phiramiting ye go be go le dikgato tše šupa, gomme ka gona le kamora ya kgoši. Gomme re ka go lebaka la kereke ya bošupa, pele Kgoši a tšea Terone ya Gagwe. Gomme, elelwang, phiramiti ga se ya ke ya ba le leswika la seapešo godimo ga yona.



377 Beibele ya mathomo ya Modimo e be e le ka magodimong, Zodiac; e thoma go tloga gomme e kitima lebaka le lengwe le le lengwe. Ya mathomo, mathomo a Zodiac, ke kgarebe; ke ka mokgwa wo A tlilego, la mathomo. Seswantšho sa mafelelo ka go Zodiac ke Leo tau; go Tla la bobedi. Feela pele go etla dihlapu tša sefapano, e lego lebaka la khentsha; le re phelago ka go lona bjale.

378 Fao go bile le phiramiti ka morago ga leo, Henoge, ye e pakilego tlwa. Re ka se be le nako go ya ka go lona, eupša, letšatši le lengwe, ka thušo ya Modimo, ke tla le laetša, feela tlwa go thala sekgao sa iri ye re e phelago. Le a bona?

379 Elang hloko, eupša kelo ye ya thutafase bjale ye re nago le yona, tšeo dikgao di a swana, ga go re gore e swanetše go ba—ba khutlotharo. Elang hloko, ye e tla araba ya Egepeta... goba leswao la Henoge ka Egepeta.

380 Ka nako ya lefase ya tlhwekišo, ka kolobetšo ya lona ya Mollo, fao go tla ba le bolekheno, go swana le ge lefase le le thuthupa, gomme le tla kgoromeletša godimo Thaba ya go swana-le phiramiti. Le a bona? Lefelo le lentši go e dira! Selo se sohle se tla fetolwa. Bokagodimo bjohle bo tla fetolwa. Le a e hwetša? Le tla kgoromeletša godimo Thaba ya go swana-le phiramiti.

381 Se se tla ba tlwa le Lentšu ge le e dira, leo le tlogo go e dira. Bjale elang hloko, ka gore, ka go Jesaya 65:25, fao re sa tšwago go bala, O boletše.

*Di ka se ke tša gobatša goba go senya ka go ka moka thabeng ye kgethwa ya ka, go boletše MORENA.*

382 Oo! “Ka moka Thabeng ye kgethwa ya Ka!” Elelwang, ka mehla ke “Thaba.”

383 Ge maboto a be a le go otlologa godimo-le-fase, Toropokgolo e ka be e bonwa feela go tšwa ka ntle... goba go tšwa ka gare, Terone e ka kgona feela go bonwa go tšwa ka gare; eupša elang hloko e tla bonwa feela go tšwa ka gare.

Eupša bjale re bona tshephišo ya Jesaya 4:5. A re nong go e bala.

384 A le itlhaganetše? [Phuthego e re, “Aowa.”—Mor.] Aowa, le se ke la itlhaganela bjale. Re—re—re go—go selo se se itšego bjale, ye ntši kudu—ye ntši kudu ya—ya nako ye le swanetšego go kwešiša thwi mo. Ka baka la gore, ke nyaka go dira se go ba molaleng. Gomme ka gona ge re boela morago go sona gape, ke tla—ke tla le laetša nako yeo fao re—fao re bolelago ka yona, eng, ka go tema thuto ya rena ye e latelago ka se, nakong ye nngwe.

385 Oo, tumišang Morena Jesu! Hlokomelang mo, ka fao Mantšu a ka se kgonego go feila. Bjale hlokomelang mo ka go Jesaya. Ke na le yona e ngwadilwe fase mo, ge nka kgona go e hwetša gape, motsotso feela. Jesaya 4:5. Bjale theeletšang,

o bolela ka go Tla ga Morena, ka fao basadi ba tla bago le maitshwaro a go hlepha. Oo, o rile, “Basadi ba šupa...” Theetšang. A re nong go e bala. Lebelelang mo.

*Gomme ka letšatšing leo basadi ba šupa ba tla tšea go swara monna yo motee, ba re, Re tla ja borotho bja rena, . . . ra apara diaparo tša rena beng: feela e no re dumelela re bitšwe ka leina la gago, go tšea go tloša kgobogo ya rena.*

<sup>386</sup> Yeo ke nako ya mafelelo, moo re phelago bjale; lenyalo, tlhalo, le bootswa, le eng kapa eng.

*Ka letšatšing leo lekala la MORENA e tla ba le lebotse le la letago, . . . kenywa ya lefase e tla ba ye botse ka go fetiša le go thabiša. . . bona bao. . . ba phonyokgilego ba Israele. (Ka fao le phonyokgilego kahlolo yeo ka moka! Le a bona?)*

*Gomme go tla tla go phethega, gore yo a tlogetšwego ka Tsione, le yo e lego lešalela ka Jerusalema, o tla. . . (A re boneng). . . ka Jerusalema, o tla bitšwa yo mokgethwa, le yo mongwe le yo mongwe yo motee yo a ngwadilwego magareng ga ba ba phelago ka Jerusalema, le a bona:*

*Ka fao Morena o tla be a hlatswitše go tloša tšhila ya morwedi wa Tsione, (e lelwang, yoo ka mehla ke Monyalwa, le a bona). . . gomme o tla be a hlwekišitše madi a Jerusalema (ao ke mašalela a Bajuda, le Monyalwa, le a bona). . . gomme bogareng bja wona le moya wa kahlolo, mollo. . .*

<sup>387</sup> Yeo ka mehla ke kahlolo ya Modimo, ge A dira kahlolo ya Gagwe ya mafelelo. O a le bitša, a le lokafatša, gomme a le tliša topollong; ka gona kahlolo ya Gagwe ya phuleletša pele godimo ga lena, gomme Moya wo Mokgethwa le Mollo o hlwekiša go tloša sebe. Ka gona le ba Gagwe.

<sup>388</sup> Selo se se swanago A se dirago lefase, ge A le hlwekiša ka Mollo, “le ka moya wa go tšhuma.” Bjale lebelelang. Theetšang! A le loketše?

*Gomme MORENA o tla hlola bodulo godimo ga thaba ya Tsione, le godimo ga phuthego ya gagwe, leru la muši mosegare, le seetša sa. . . mollo bošego: gobane godimo ga letago go tla ba tšhireletšo.*

<sup>389</sup> [Ngwanešu Branham o swantšha go letlapantsho—Mor.] “Morena, ka letšatšing leo, godimo ga ntlhora ya yona, o tla hlola Mollo wa Seetša go swa godimo ga letšatši.” Gomme e ya pele e re, “E tla ba seširelo, khutšo, botšhabelo.” Elang hloko, e dira tlwa polelo ya Beibele, tlwa. Maboto a be a otlologetše godimo-le-fase, o be o ka se kgone go o bona. O swanetše

go ithekga. “Ka moka Thaba ye kgethwa ya Ka...” “O tla hlola Seetša godimo ga Thaba ye, gomme e tla ba bakeng sa tšhireletšo.” Oo, re opela koša yeo:

Oo, Toropokgolo yela godimo ga Thaba ya  
Tsihone,  
Bjale ka mofaladi, ke a e rata go le bjalo;  
Bjale le mabakeng ka moka,  
Ge ke fihla Toropongkgolo Dithabeng. Le a  
bona?

<sup>390</sup> Elang hloko, Thaba ya Sinai e be e le fao Modimo a bego a theogela godimo ga ntlhora ya yona, ge A bolela le Israele ka Pilareng ya Mollo. O be a theogela godimo ga ntlhora ya thaba, Thaba ya Sinai.

<sup>391</sup> Godimo ga Thaba ya Phetogelo, ge A bega, “Yo ke Morwa moratwa wa Ka; le Mo kwe,” O theogile ka Pilareng ya Seetša le phadimo ye e kganyago, godimo ga ntlhora ya thaba, pele ga Petro, Jakobo, le Johane. Gomme, ka kua, O be a emetšwe mmogo ke Moshe le Eliya; ba ba fetoletšwego, le bahu ba ba tsoitšwego. Letago!

<sup>392</sup> Toropokgolo ye Mpsha le Lefase le Leswa; tlholo ye mpsha; Toropokgolo godimo ga Thaba, le Terone ka ntlhoreng ya yona. [Ngwanešu Branham o thala diswantšho godimo ga letlapantsho, lebaka la ditemana di se kae tše di latelago—Mor.] Terone godimo *mo*, ka ntlhoreng; le badudi, ka moka godimo-le-fase, godimo ga Thaba ye.

<sup>393</sup> Gomme leboto le le dikologilego ye, le be le na le metheo ye lesomepedi. Gomme wo mongwe le wo mongwe wo motee wa yona o be o na le leswikana la poriana ye e bego e le ka go Arone, e bego e emela ditšhaba tše lesomepedi tša Israele.

<sup>394</sup> Gomme, ka dikgorong, ba be ba na le dikgoro tše nne di dutše tlwa bjalo ka tempele lešokeng, ka mokgwa wo tente e bego e le ka gona ka lešokeng. Elang hloko ye nngwe le ye nngwe ye tee, e be e na le—e be e na le baapostola, ba bararo ka lehlakoreng le lengwe le le lengwe, baapostola ba lesomepedi. Le lengwe le le lengwe... Gomme e be e le lekgolo le letee le masomennenne a dicubits bogodimo. Lekgolo le letee le masomennenne a dicubits ke tlwa makgolopedi le lesometshela a dikgato, go dira le lengwe le le lengwe la maswika a magolo ao gabotse dikgato tše masomepedi ka botelele, poriana ka kgorong yeo, go dira leboto leo le le bego le le go dikologa Toropokgolo.

<sup>395</sup> Bjale e, Toropokgolo, ga e khutše godimo ga leboto, ka baka la gore toropokgolo, dimaele tše makgolo a lesometlhano, e ka se kgone go dira seo. Ke leboto *mo* le o tsenago ka gare ga lona, bjalo ka dikgoro tša Jerusalema ya kgale. O tsena go kgabola leboto, go ya ka go yeo.

<sup>396</sup> Gomme le lengwe le le lengwe le letee la a, le be le na le metheo ye lesomepedi, gomme wo mongwe le wo mongwe wo motee o be o na le lebje la talama le maswika a go fapana, ao a emelago ditšhaba tše lesomepedi tša Israele.

<sup>397</sup> Le baapostola, ye nngwe le ye nngwe, godimo ga ye kgolo yela, ye tee kgoro ya perele ye thata, go dutše leina la moapostola. A Jesu ga se a ke a re, “Le tla dula godimo ga diterone tše lesomepedi, la ahlola ditšhaba tše lesomepedi tša Israele”? Ke mang yo a dutšego kgorong, go ahlola, ge ba etla ka Toropongkgolo? Oo, nna! Fao ke lena. Dikgoši tša lefase tše di tsenago ka Toropongkgolo, di tla pele ga moahlodi wa moapostola, bjalo ka ge Jesu a tshephišitše. Oo, nna!

<sup>398</sup> Godimo ga Terone ye, godimo ga ntlhora ya yona, dimaele tše makgolo a lesometlhano bogodimo, lefase lohle le tla bona Seetša sa lefase, Jesu, a dutše godimo ga Terone godimo ga ntlhora ya lefase, ntlhora ya Kereke, ntlhora ya Thaba ya Tsione; e lego dimaele tše makgolo a lesometlhano, seripa sa bogolo bja United States, gomme e emelela go dikologa bogodimo go fihla le kgona go Mmona lefase tšekelele, bogodimo bja dimaele tše makgolo a lesometlhano.

<sup>399</sup> Gomme ka moka godimo le fase *mo*, e tla ba Balopollwa. Fao go tla ba dintlo tša gauta ya go hlweka. Fao go tla ba mekgoba, le diphaka, le dirapana. Le Noka ya Bophelo e etla, e elela go tšwa Teroneng, gomme e kitima go theoga go kgabola legaga le, oo, bogodimo bja diforwana. Gomme Mohlare wa Bophelo o tla be o khukhuša ka jarateng ye nngwe le ye nngwe; le go enywa dikenywa tša Wona, dinako tše lesomepedi ka ngwaga, kenywa ye fetotšwego kgwedi ka kgwedi.

<sup>400</sup> Gomme dikgoši tša lefase di tla tla ka go wona le go tliša tlhompho ya tšona. “Gomme matlakala ke a go fodiša ditšhaba,” ge dikgoši di phela ka khutšo ntle kua. Ge ba eya ka ntle, ba tla kga mohlare, letlakala go tloga ka mokgwa *woo*. Go swana le leeba ge le etla morago, gore bogale bja Modimo bo rarolotšwe, gomme la tliša letlakala le lekgethwa ka arekeng. Ka fao ge kgoši e tloga, ka go tliša letago la gagwe ka kamoreng ya Monyalwa mo ka Toropongkgolo, o tla swara letlakala go moagišane wa gagwe wa kgoši, gomme, “Re ka khutšong go ya go ile.” Amene! Go fodiša ditšhaba! “Ka moka e rarolotšwe. Nako ye nngwe re be re lwela madi a yo motee, ngwanešu. Gomme re be re rata, re goelela; le go thunya, le go tšhuma bana, se sengwe le se sengwe. Eupša bjale fao go khutšo, phodišo.” E sego phodišo ya bolwetši; ka moka e dirilwe. Phodišo ya setšhaba! Amene!

<sup>401</sup> Toropokgolo ka Terone godimo ga ntlhora. Kutollo 21:23, “Gomme ga ba nyake seetša, ka baka la gore Kwana le Morena Modimo ke Seetša sa wona.” Le a bona? Morena Modimo ke Pilara yela ya Mollo ye e bego e latela bana ba Israele go

kgabola lešoka. Gomme O rotogetše godimo godimo ga Terone, ka Mmušong wola wa go phethagala . . . ge nako . . . “Mmušo wo Jesu a tlilego go o gafela Tate, gore Modimo a be ka moka, le go ka moka.” Jesu o dutše godimo ga Terone ya Gagwe mo, bjalo ka Josefa wa rena. Gomme Kgoši ke Seetša seo se se tlogo go ba godimo ga ntlhora ya Thaba ya Tsione, gomme Seetša sa Gagwe se sekgethwa se tla aparela Toropokgolo yohle. Haleluya!

<sup>402</sup> Bogodimo bja dimaele tše makgolo a lesometlhanano, le disekwere tša dimaele tše makgolo a lesometlhanano, le diparateisi tša Modimo di agilwe go kgabola ka moka Toropokgolo yeo; diterata, mekgoba! Balang Kutollo ya lena 21, le bone ge eba ga se therešo. Le a bona, “Ga ba nyake seetša fao, ka gore Kwana ke Seetša.” Gomme godimo ga Terone go kgona go bonwa, o dutše, dimaele tše makgolo a lesometlhanano.

<sup>403</sup> Ga e kitime go otlogela godimo ka mokgwa *wo*. E sekametše thoko, bjalo ka phiramiti. Ge e ka ba seripa sa bokgole, gona e tla ba e ka ba go kitimela godimo ka mokgwa *wo*, le a bona, go tloga go toropokgolo ye tee go ya go ye nngwe . . . bjale ge le ka ela hloko, go tšwa lehlakoreng le letee la Toropokgolo go ya go le lengwe le tee.

<sup>404</sup> Nka kgona go lahlela selo se sengwe se sennyane mo ge le nyaka ke dira. A le etše hloko sehlopha se sennyane mo? E ka no ba karolo yeo, go akaretša sediko. Georgia, California, go ya Saskatchewan; go tšwa Kansas, go ya lebopo la matlapa la Maine; seo ke se se kgobokeditšwego. Seo ke ka se se emelwago thwi mo, e ka ba disekwere maele tše makgolo a lesometlhanano.

Oo, ba tšwa Bohlabela le Bodikela,

Ba tšwa naga kgole;

Go keteka le Kgoši ya rena; go ja . . . (Go eng?

“Motho a ka se phele ka borotho bo nnoši.”

Ka Borotho, Lentšu!). . . go ja bjalo ka

baeng ba Gagwe;

Ba šegofadišwe bjang baeti ba!

Ka lefaseng, ke swanetše go bolela, ga se ka ke ke bone batho ba go swana le bona.

Oo, ba bogetše sefahlego sa Gagwe sa go taga

Se benya ka Seetša Sekgethwa;

Bašegofatšwa batšeakarolo ba mogau wa

Gagwe,

Wa mabjehohlokwa koroneng ya Gagwe ba

tla phadima.

Oo, Jesu o tla ka pela,

Mathata a rena gona ka pela a tla fela.

Oo, go ka reng ge Morena wa rena nako ye a

ka tla?

405 E ka se ke ya ba botelele. Selo se sengwe le se sengwe se phethagetše. Go ya ka Thutafase, Sodoma, batseta; selo se sengwe le se sengwe se dutše gabotse feela tlwa. Le a bona? Seo se ra go reng? E nong go nagana, go tla go ye tee ye nnyane tabarenekele ye, disekwere maele tše makgolo a lesometlhano, go tloga go sekgao se se swanago.

406 Ke ka baka la eng Modimo a gopotše kudu le go hlokomela kudu ka lefelo le lennyane lela la Palesetina, le a bona, ge e no ba lefelwana le lennyane? Eupša thwi ka fao ke mo tempele e bewago. Fao ke mo Jerusalema ye Mpsha e tlogo go tšwelela godimo, thwi fao. “Mohlware, Thaba ya Mohlware e tla fatoga, karolo go ya go la go ja le la ngele,” nnete, ge a kgoromeletša ntle go tšwa ka fase. Aowa, ba re, e kgoromeletša go arogana ka mokgwa *wo*. E kgoromeletša godimo, “Ka letsatši leo ge A emiša maoto a Gagwe a makgethwa godimo ga Thaba.” Elang hloko, godimo ga Terone ya Gagwe, bogodimo bja dimaele tše makgolo a lesometlhano!

407 Elelwang, Sathane o ile a leka go Mo leka, nako e tee, godimo ga ntlhora ya thaba. Le a bona?

408 Toropokgolo ye Mpsha e na le metheo ye lesomepedi, bjalo ka ge re ile go kgabola, bapatriaka ba lesomepedi; le dicubits tše lekgolo le masomennenne; e lego poriana ya Arone; dikgoro tše lesomepedi tša perele, maina a baapostola ba lesomepedi.

409 Jesu o a ema, Leswikahlogo, godimo ga Terone, ge bakgethwa ba Gagwe ba Mo rwešitše korone, “Kgoši ya dikgoši, Morena wa marena.” Gomme Yena ke Leswikahlogo.

410 Ga ke na le puku ya ka ya potla le nna. Eupša ge o ka ela hloko ka pukung ya gago ya potla, ge o na le pampiri ya tolara e tee, ba na le setswalelo sa United States; ntšhu ka mafelelong a matee, ba swere marumo, moeno wa sešole, ka mo o bego o le; gomme ka mafelelong a mangwe, e na le phiramiti, le leihlo le bona ka moka ntlhoreng ya yona. Le a bona, ba be ba sa tsebe se ba se dirago. Gomme godimo fao go ngwadilwe ka Selatini, gomme le hwetša gore e re, se “ke setswalelo se segolo.” Ba be ba sa tsebe se ba se dirago. Le Kayafa ga se a tseba gore o be a porofeta.

411 [Ngwanešu Branham o swantšha go letlapantsho—Mor.] Fao go Setswalelo se Segolo. Se *mo*, le a bona, Toropokgolo. Ga e no ba khutlotharo ya mphaphathi ka mokgwa *wo*, le a bona, eupša e itshamile godimo gore e kgone go bonwa. Gomme godimo ga Thaba ye kgethwa ya Morena, Morena o tla theogela godimo ga ntlhora ya Thaba ya Gagwe; šo Yena. Ke ka baka leo leswika la seapešo le se la bewa ke Henoge. Le a bona? Ke ka baka leo Leswika la seapešo le swanetšego go tla bjale. Gomme Thaba e tla kgoromeletšwa godimo, gomme e tla ba Thaba ya Morena.

412 Gomme ka *mo* go tla dula Balopollwa. Ye, mekgoba le ditsela tša go lokologa tše kgolo, ge e be e le, diphaka, gomme

Noka ya Bophelo e tla goga, ya kitima thwi go e kgabola. Gomme ntlo ye nngwe le ye nngwe e tla dirwa ka gauta ya go bonatša. Gomme diterata di tla dirwa ka gauta. Gomme mehlare ya Bophelo e tla ba fao, gomme e tla enywa mehuta ye lesomepedi ya dienywa. Gomme dikgoši le banna ba go hlomphega ba lefase ba tla tliša tlhomphe ya bona le letago ka dikgorong. Gomme dikgoro di ka se tswalelwe bošego, ka baka la gore ga go bošego fao.

Ka Toropongkgolo mo Kwana e lego Seetša;  
Ka Toropongkgolo mo go sa tlego bošego;  
Ke na le ntlokgoparara ka kua, e se nago  
motlhako le tlhokomelo,  
Oo, ke ya fao Kwana e lego Seetša.

413 A ga le bone gore ditoropo, ditoropokgolo, dintlo, madulo, a—a bolela ka seo thwi bjale? Ka moka dilo tše tša tlhago ke morithi.

414 Tšea morithi, bokgole, go swana le seatla sa ka. Pele ga ge fao go ka ba—ba sa nnete... goba morithi, fao go swanetše go ba sa nnete. Gomme, le a bona, morithi woo, o bonala o ka re ke na le menwana ye toseine, eupša ka gona ge o eya go o tliša kgauswi mmogo, o—o bušetšwa fase go tee, gomme ka gona morithi o felela ka seatleng.

415 Gomme seo, nako ye ntši, batho ba nagana gore fao go na le Badimo ba bararo goba ba bane. Le lebeletše kgole kudu morago ka go ditsošološo tša pele. Le a bona? Etlang fase bjale gomme, le a hwetša, e beakanye go fihla fao go le yo Motee. Seo ke tlwa.

416 Fao go Monyalwa yo motee; e sego toseine, dikereke tša maina. Eupša Monyalwa yo motee, bao ke Bakgethiwa, go tšwa go ye nngwe le ye nngwe... go tšwa go—go tšwa go lefaseng bao ba kgethetšwegopele go se, ba batee bao ba kgonago go lemoga lefelo la bona ka Mmušong.

417 Godimo ga Terone ye, lebelelang, godimo kudu! Toropokgolo ye Mpsaha; le metheo; dikgoro tše lesomepedi; Jesu, Leswikahlogo; baapostola, ba ahlola; ditšhaba tše lesomepedi.

418 Phiramiti ya Henoge ga e uše morithi le ka nako efe ya letšatši. Ke be ke le ka Egepete, diphiramiting. E beakantšwe kudu ka tša thutafase, gomme ka go dikgao tša sebopego se segolo se sa bogeometric; mo e lego gore, go sa kgathale fao letšatši le lego gona, fao ga go morithi go dikologa phiramiti. Le bona ka fao e lego?

419 Gomme fao go ka se tsoge gwa ba bošego. Yena a le ntlhoreng ya Thaba, o o apeša ka letago la Gagwe. Seetša sa Letago la Gagwe se tla ba fao nako ka moka. Go ka se be bošego fao. Jesu, Leswikahlogo!



420 Bjale elang hloko. Ka fao, Balopollwa ba tla sepela Seetšeng. Re a opela bjale, “Re tla sepela Seetšeng, Seetša sela se se botse.” Fao go na le selo se sengwe ka go rena se biletša ntle. “Ke go feta lehung go ya Bophelong.” Ke ka baka la gore bo letile. Le a bona? Seo ke se e lego kgopolo, se re ikwelago sona.

421 Ka therešo, se ke... A le loketše? Ye ke Toropokgolo ye Abraham a bego a e nyaka. Le a bona? Ka ge a be a le moporofeta, o be a tseba gore Toropokgolo e be e le felotsoko. Beibele e boletše bjalo. Gomme o ile a tlogela toropokgolo ye a bego a phela go yona, gomme a ya ka kua; lebelelang mo a ilego, tlwa mo e tlogo go ba gona. Le a bona? “O be a nyaka Toropokgolo Yeo moagi le modiri wa yona e bego e le Modimo,” le a bona, ka ge a be a le moporofeta.

422 Jesu o ile go lokišetša, ka diatla tše Kgethwa, Toropokgolo ye Kgethwa; Mohlami yo Mokgethwa, batho ba Bakgethwa ba ba rekilwego, batho ba ba kgethetšwego pele. O ile go lokiša.

423 Abraham o be a e nyaka. “Gomme a bolela gore o be a le moeti le mosetsebje, ka gore o be a nyaka Toropokgolo Yeo moagi le modiri wa yona e bego e le Modimo.” Moporofeta yoo, o be a tseba gore e be e le felotsoko! Johane o e bone e etla fase, eupša Abraham o ile a gopola gore e swanetše go ba thwi lefaseng nako yeo. Ka baka la eng? O kopane le Melekitsedeke, Kgoši ya wona, gomme a Mo fa karolo ya lesome. “Yo a bego a se na le tate, goba go se mme. O be a se na le mathomo a bophelo goba go se mafelelo a bophelo.” Abraham o kopane le Yena, gomme ba tšea selallo thwi godimo ga lefelo la kgonthe fao Toropokgolo e tlogo go tsošetšwa godimo, Thaba ye kgethwa ya Morena, fao Balopollwa ba tla phelago. Oo, nna!

424 Nako yela e no se eme. Aowa, re mo nakong; ka morago ga lebakana re tla ya ka Bokagosafelego.

425 Oo, Thaba ye kgethwa! Fao go tla ba le diterata tša gauta ye e bonatšago, mekgoba; le dintlo, le diphaka. Ge le nyaka go bala se, Kutollo 21:18. Mohlare wa Bophelo o tla ba fao; mehuta ye lesomepedi ya dienywa tša go fapana, kgwedi ye nngwe le ye nngwe, di tla enywa godimo ga wona. Batho ba ba jago dienywa tše, ba tla fetola dijo tša bona ye nngwe le ye nngwe, e tee kgwedi ye nngwe le ye nngwe.

426 Gomme o—o tšwa... ke wa bafenyi feela. A le tseba seo? Ga se wa dikereke tša maina.

Le re, “O ra seo, Ngwanešu Branham?”

427 A re buleng go Kutollo 2, motsotso feela, gomme re e hwetše. Kutollo 2:7. A re hwetšeng bjale ge eba ka nnete ke Therešo goba aowa. Kutollo 2:7 e balega ka mkgwa wo.

Gomme yo a nago le tsebe, a a kwe se Moya... .

428 Bjale, elelwang, Yena ga a bolele le Bajuda bjale. Ye ke Kereke, Bantle.

*Yo a nago le tsebe, a a kwe se Moya o se botšago dikereke; Go yo a fenyago, ke tla mo fa go ja go tšwa mohlareng wa bophelo, wo o lego bogareng bja parateisi ya Modimo.*

429 “Bafenyi feela, ba ba fentšego sebata, ba fentšego leswao la sona,” leo ke Bokatoliki, Boporotesetanta, bokereke ya leina, “yo a fenyago sebata, leswao la sona, letere ya leina la sona.” “O tla ba le tokelo ya go ya Mohlareng wa Bophelo, go tsena ka dikgoro fao go sego selo se se tšhilafetšego se ka tsogago sa ya ka gare.” Le a bona? Naganang ka yona. Bjale, motsotso feela bjale, ge re eya pejana gannyane feela. Mohlare wa Bophelo e tla ba wa bafenyi feela.

430 Matlakala e tla ba a go fodiša ditšhaba. Ke gore, dikgoši tše di phelago ka kua, di tliša tlhompho ya tšona ka gare, ge di tliša tlhompho ya tšona le go e bea pele ga Terone ya Modimo. Go no swana le ka ntle, tše lesome . . . ditšhaba tše lesometee di tlišitše ka gare, se sengwe le se sengwe sa tšona, sa lesome go Lefi, le a bona. Ge di tliša tlhompho ya tšona ka gare . . . go tšwa nageng ya go šegofatšega, ka go yeo, di tla fiha go tšwa Mohlareng wa Bophelo, di roba go tloga letlakala le lekgethwa . . . goba letlakala la Mohlare wa Bophelo, gomme di tla sepela ntle mmogo. Fao ga go sa na le ntwā. Se sengwe le se sengwe se khutšong. Matlakala ke segopotšo, go fodiša setšhaba.

431 Mohlare wo o swanago, e sego go swana le Adama, o . . . Fao go be go le Mohlare wa Bophelo ka tšhemong ya Edene, wo a ka bego a be a eja go tšwa go wona ge nkabe a se a wa. Mohlare wa Bophelo o be o mo eletša, nako ka moka, gore bja gagwe bjo boswa . . . boswa bja gagwe go tšwela pele bo be bo eya pele. Le a bona?

432 Se se swanago e tla ba ditšhaba. Matlakala e tla ba a go fodiša ditšhaba; elang hloko, e sego bolwetši bjale. Le tla ba le ditokelo tše di swanago tše Adama a dirilego, bjalo ka le- . . . leeba ka letlakala le lekgethwa, ka moka ke . . . kgoši ye nngwe le ye nngwe e tšea letlakala.

433 Elang hloko, Noka ya Bophelo, mohlomongwe meetšana ye mentši ye mennyane e a e dira. Bjale, ka lefaseng le . . .

434 Ke ya go tswalela feela metsotsong e se mekae. Ka lefaseng le . . . Goba, ke ya go no ema. *Bjoo* ke bontši bja dinoutse ke nago natšo, bjale e ka ba matlakala a masometharo. Ya. Lebelelang.

435 Ka go bjo—ka go bjo bophelo, ga se ka ke ka bona selo sa go timola bjalo ka go ba ka dithabeng gomme wa hwetša, bjalo ka ge ke rerile ka yona bošego bjo bongwe, moela wola o pumpunyetšago godimo, mothopo wa wona wa go fa bophelo. O tla be o lapile le go nyorwa, wela fase go moela wo mobotse; tsela fase moo ditwatši di ka se kgonego go ya, tsela fase

makgolo a dikgato ka lefaseng, go pumpunyegele pele a go hlweka, a mmapaale, a go fa bophelo meetse. Re leboga ao. Seo ke se sennyane. Bjale, lefase le na le meela ya lona ye mentši le meetse a go lapološa. Ge o nyorilwe gomme o e hwa, o hwetša se sebotse, seno sa go tonya go tšwa go woo, se tla—se tla go thuša go phela.

<sup>436</sup> Eupša lebelelang fao ye Tee ye e tšwago. Go tšwa Teroneng, fao ke mo e hwetšago methopo ya yona ya go fa Bophelo. E tla go tšwa ka fase ga Terone ya Modimo, moo Modimo a dulago.

<sup>437</sup> Ka moka ga lona, ka moka lefase le, lefase le mo re phelago bjale; yo mongwe le yo mongwe yo motee, e ka ba Mokriste goba mohetene, o na le ditempele. A le kile la nagana ka seo? Dikereke, ka moka ga tšona.

<sup>438</sup> Eupša le Letee le ga le na le ye e itšego. Beibele e rile, “Gomme fao go be go se tempele. Eupša Morena Modimo le Kwana ke Tempele ya lona.” Kwana ke Seetša. Kwana ke Tempele. Kwana ke Terone. Kwana ke Bophelo. Ke Yena Tempele yeo. Le a bona, ka moka ditempele tše di na le selo se ba se rapelago; eupša, ka Toropongkgolo ye, Yena ke selo. O na le batho ba Gagwe. Seetša sa Moya wa Gagwe se ediša Toropokgolo ya phiramiti.

<sup>439</sup> Bjale ka Petro le Johane, godimo ga ntlhora ya thaba. Seetša se ile sa pipetša ntlhora ya thaba, gomme Lentšu la bolela, la re, “Yo ke Morwa moratwa wa Ka.”

<sup>440</sup> Ka go Kutollo 21:3 le 4, “Tabarenekele ya Modimo e na le batho.” Modimo o tabareneketšwe ka mothong, ka go mo lopolla, ka ditirošwetšopele tše tharo tše. Bjale Modimo o ya go lopolla lefase gomme a tabarenekele ka lefaseng, le balatedi ba Gagwe ba lefase, ba A ba tlišetšego pele go tšwa lefaseng. Gomme ka sebe le wele, eupša . . . O ile a swanelwa ke go le tlogela le ye pele. Eupša bjale O rometše Jesu go lopolla lefase leo le welego, leo re lego karolo ya lona. “Kua ga go moriri wa gago wo motee wa hlogo ya gago o tla senyegago.” Jesu o boletše bjalo. O rile, “Ke tla le tsoša gape ka letšatši la mafelelo.” Le a bona? Ka baka la eng? Le karolo ya lefase.

<sup>441</sup> Lena elang hloko, ke bile le motlae wo monnyane ka mosadi wa ka a mpotša gore ke lahlegetšwe ke moriri wa ka. Ke mmoditšwe gore ke be ke se ka lahlegetšwe le ke o tee wa yona.

A re, “E kae?”

<sup>442</sup> Ka re, “Fao e bego e le gona pele ke e hwetša.” Kae kapa kae e bego e le gona, se se lego gona; kae kapa kae e lego, e ntetše. Le a bona? Yeo ke therešo. Ke tla ya go yona, letšatši le lengwe.

<sup>443</sup> Mmele wo wa go tšofala, o a šošobana le go wa, gomme o subelela ka magetleng, le go baba matolong, le go—le go ba le makgwakgwa mogolong. Seo ka moka se gabotse. Le

ka kgona go o boloka ka lewatlang, eupša Phalafala e tla ntsoša!...?...Eye, mohlomphegi. Re ya go fetoga, le letee la matšatši a. Ke nna karolo ya lefase le leo le lopolotšwego. Le mo lefaseng, eupša ga le selo sa *kosmose*. Le ka go tshephidišo ye e fapanego, tshepedišo ya balopolla.

444 Elang hloko, “Tabarenekele ya Modimo e tla ba le batho.” Elang hloko, “Dilo tša pele di fetile go tloga.” Se, selo se, se fetile go tloga. Seo se ra gore Legodimo le tlile fase go dula le motho. Le a bona? Legodimo le lefase di gokarane.

445 Feela tlwa ge Leeba le tlile godimo ga karolo ya lefase, e bego e le Jesu; O be a le lerole la lefase, Monna. Modimo, a tlile go tšwa go ye tee ye nnyane yela peu ya Bophelo, ka maatla a go hlola. Gomme Madi ale a bego a le ka go yela... Bophelo bjo bo bego bo le Mading ale bo rotogetše morago go Modimo, eupša Madi ale a rothetše godimo ga lefase, go le tleleima. [Ngwanešu Branham o kokota godimo ga phuluphithi makga a mmalwa—Mor.]

446 Ka baka la madi ao a go tlišwa go kgabola, go tšwa go sele ya peu go tšwa go Kaine, le a bona; bjale O tlile morago ka maatla a go hlola go no swana le ge A dirile Adama, a hlotše Adama, šo Adama wa Bobedi. Gomme ka sele yela ya go thubega kua, fao (sebe) Kaine a thubilego sele yela ya madi godimo ga moloki, le a bona, bjale Sele ye ya Madi... Ka baka la gore, o bolaile Abele, eupša Abele o belegwe ka thobalano.

447 Eupša yo Motee yo ga se a tswalwa ka thobalano. “E bile tlhola ya Modimo, mathomo a yona,” gomme A lopolotše lefase. Gomme ka moka khalisiamo, phothetše, peteroliamo, seetša sa khosimiki, tše o dirilwego go tšwa go tšona, o lopolotšwe. “Ga go moriri wo motee wo o tlogo go senywa. Gomme Ke tla o tsoša gape ka letšatši la mafelelo.”

448 Ka gona eng? Modimo o tlile fase go dula godimo ga lefase. Yo, A lego karolo ya lona, mmele wa Gagwe Mong. O o tsošeditše godimo bakeng sa tokafatšo ya rena, gomme re lokafatšwa ka go dumela seo le go amogela seo. Elang hloko diswantšho, Jesu o ba... Ka seswantšho, Jesu o ba monna; Modimo... goba o kgethetšwepele go tšea lefelo la gagwe, go re lopolla, go dira dilo tše ka moka gore di kgonege.

Elang hloko, ka ntle ga maboto a yona a mabotse, a Toropokgolo ye.

449 Bjale le hweditše “Toropokgolo”? Le a bona, ke Thaba ye kgethwa. [Ngwanešu Branham o swantšha godimo ga letlapantsho—Mor.] “Go ka se be selo sa go gobatša goba go senya ka go ka moka Thaba ye kgethwa ya Ka, go rialo Morena.” Toropokgolo ga se khutlotharo. Ke Thaba. Gomme bo—bopepetla ka bophara ka bogodimo, di a lekana, le a bona; dimaele tše makgolo a lesometlhano ka tsela *ye*, dimaele tše makgolo a lesometlhano ka tsela *yela*, dimaele tše makgolo a lesometlhano tsela ka moka go dikologa; le dimaele tše

makgolo a lesometlhanu bogodimo. Ka fao e no ba Thaba ye kgolo, bjalo ka phiramiti, gomme Toropokgolo godimo ga Thaba. Letago!

<sup>450</sup> Fao ke lena, šedio diparateisi tša Modimo, Seetša sa lefase, Mmušo wola wa go phethagala. E sego letšatši la bošupa; le letee la ka Gosafelego! Le a bona? E sego Miliniamo; Lefase le Leswa! Le a bona?

<sup>451</sup> Ge le eya go kgabola Miliniamo, le ya go kgabola tirotšwetšopele ya lona ya tlhwekišo, eupša go le bjalo le swanetše go tšhungwa. Le a bona? Ao, Madi a lopolotše batho, go laetša segopotšo se seo se . . . poreisi e lefilwe, mengwaga yela ye dikete. Eupša ka gona le swanetše go hlwekišwa ka Mollo; go no swana le ge le bile, dikemedi tša Gagwe tša Toropokgolo ye, kemedi.

<sup>452</sup> Ka fao ge o ehwa goba o phela, e dira phapano efe? Ge A etla lehono, goba A etla mengwaga ye lekgolo, goba mengwaga ye sekete, ke tla no khutša go fihla phetogo ya ka e etla.

<sup>453</sup> Ka fao, mokgalabje le mokgekolo, le se ke la nolega moko. [Ngwanešu Branham o swantšha godimo ga letlapantsho—Mor.] Ge o le kemedi godimo *mo*, ka kgopolong ye ya Modimo; *ye*, Modimo; ge o na le yona, ge o emetšwe *mo*, o ka se kgone . . . O Bokagosafelego. Gomme ge o tshetše go tloga go letšatši lela la bošupa, go ya ka go la seswai, o tsene ka go Bokagosafelego ka kolobetšo ya Moya wo Mokgethwa, o akareditšwe ka go *Bjo*. Bjale, ge o no tshephela godimo ga maikutlo, goba go tabogela godimo le fase, goba, “Ke dira *se*. Ke boloka letšatši la ka la bošupa. Ga ke je nama,” le dilo tša go swana le tšeo, tše di yago go senyega, le ge gole bjalo. Le a bona? Eupša *Bjo* ke bja ka Gosafelego. Le a bona? *Bjo* ke bja ka Gosafelego, Monyanya ka morago ga monyanya wa ditabarenekele. Le a bona?

<sup>454</sup> Monyanya wa ditabarenekele e be e le monyanya wa mafelelo, monyanya wa bošupa. Re a direla bjale ka fase ga monyanya wa ditabarenekele, lebaka la kereke ya bošupa.

<sup>455</sup> Ka Miliniamo, re tla ba ka fase ga monyanya wa ditabarenekele, gape, ka letšatšing la bošupa.

<sup>456</sup> Eupša, ka gona, ka morago ga letšatši la bošupa, re na le Pitšo Kgethwa, go ya morago ka Bokagosafelego. Bjang? Ka yo Motee wa ka Gosafelego yo a tlilego a re lopolla gomme a re tšeela morago, a re dira gore re lemoge gore re be re le karolo ya *Bjo*.

<sup>457</sup> Bjale o tseba bjang gore o karolo? Ka baka la gore, gore, Lentšu la iri, tshephišo ya letšatši. Ke eng? Pušetšo morago go letšatši la pele, pele. “Gomme o tla bušetša dipelo tša bana morago go botate,” go tliša pušetšo gape ya pentecost ya mmapaale, e sego maikutlo; gomme o tla bonagatša Seetša sa mantšibuwa, Morwa yo a swanago a laeditšwego ka Seetšeng sa mosong, bjalo ka ge se tshephišeditšwe letšatši. Amene le amene!

458 Re kae, bagwera, re kae? Re nno leta bjale go tšwela ka ntle ga tsela, gore Kutollo 11 e kgone go dirwa... go tsebja go Bajuda; yeo ke therešo, Tlhatlogo e a tla.

459 Hlokomelang, ka ntle ga dikgoro tša maboto, go alega go kgabaganya Lefase le Leswa, ditšhaba di tla dula ka khutšo ya ka Gosafelego. Bjale eng? Dikgoši tša go hlomphega di tla tliša letago la tšona ka go lona. Ga go sebe se se ka kgonago go ba fao. Ga go basadi ba go poma meriri ba tla tsenago Toropokgolo yeo. Ke tla le netefaletša seo. Ga go sa le tša go apara mafonokana, tša go kgoga sekerete di kitima ka bootswa, diotswa, goba baaketši, badirela diswantšho, eng kapa eng ba bego ba le sona, se ka se tsene Toropokgolo yela. Aowa, ka moka go tla fela. Sebe se tla be se ile. "Ga go selo se se senyago bokgethwa bja wona se tla tsenago fao." Seo ke se A se boletšego. "Ka moka di fetile go tloga, go ya ka gosafelego."

460 Lebelelang ka ntle ka mašemong a wona le tikologong ya dikgoro tša wona:

Bera e tla ba ye boleta, phiri e tla thapa;  
Gomme tau e tla robala fase le kwana;  
Gomme sebata go tšwa šokeng, se tla hlahlwa  
ke ngwana;  
Ke tla fetolwa go tšwa go sebopiwa se ke lego  
sona.

461 Le lehu le le šomago ka mmeleng wa ka wa go hwa, botšofadi bo budulago ka gare, ke tla fetolwa.

462 Le kwele koša? "Bera e tla ba boleta. Phiri e tla thapa." A ka se ke a tabogela godimo, le go lokiša go leka go bolaya. O tla sepele le wena go theoga ditsela.

Ke mang yo a yago go ba mojabohwa wa lona? Balopollwa. E tla ba bomang?

Elang hloko, ke kgona feela go ruta ka diswantšho bjale. Elang hloko, Ngwanešu Lee.

463 Ke mang yo a tšwetšego ntle ka go lefase le leswa le Noage moporofeta? Bao ba ilego ka gare ga areka le yena. Yeo ke therešo? Bao ke ba ba sepeletšego ka ntle ka go lona. Le a bona? Bao ba ba ilego ka gare le Noage, ka molaetša wa gagwe, e bile ba batee ba ba sepeletšego ka ntle godimo ga lefase le leswa ka morago ga kolobetšo ya lona ya meetse.

464 Yo motee yo a yago ka gare le Jesu bjale. O tsena bjang ka go Yena? Ka Moya wo motee; gomme Yena ke Lentšu. O tla go ba karolo ya Gagwe. Ke karolo efe ya Gagwe o lego yona? Lentšu le le phelago la iri ye, le lemogile. O tla sepelela ka ntle le Yena ka Miliniamong. Fao ke ge o sepelela ka ntle. Elang hloko, e sego moloko wo moswa. Go bjallola!

Le re, "Oo, Ngwanešu Branham!" Oo!

<sup>465</sup> Elang hloko, ge Modimo a kgonne go emišetša Eliya godimo gomme a mo tšeela godimo, mengwaga ye makgolo a masomepeditlhano a go feta, go mo bjalolla morago lefaseng gape, go ba moporofeta wa Bajuda, ke ga kaakang go fetiša A ka kgonago go dira Monyalwa!

<sup>466</sup> Ka morago ge Noage a tšwetše ka ntle ga areka, elang hloko se se boletšwego go Noage ka morago ga ge a tšwetše ka ntle ga meetsefula, go no swana le ka fao go bilego ka Adama pele. Ka morago ga ge a tšwetše ka ntle, godimo ga lefase le leswa; o rile, “Atang le tlale lefase,” ka morago ga meetsefula. Elang hloko, “go enywa kudu, go tlala lefase,” bjalo ka Adama mathomong.

Bjale le kgona go bona tlwa mo. Bjale theetšang sekgauswi.

<sup>467</sup> Adama o be a swanetše go “ata le go tlala lefase.” Yeo ke therešo? Noage o bile, ka morago ga le leswa, (lefase le be le fedišitšwe), o be a swanetše “go ata le go tlala lefase.” Le a e hwetša? Bjale ga le kgone go bona se “peu” ya serpente e lego sona? Ke eng se tladitšego lefase? Le a e hwetša? Ka moka gabotse. Le a bona ka fao Sathane a tlilego go Efa bjale. Ke ka baka leo lehu le bušitšego lefaseng go tloga nako yeo. Gomme magodimo, lefase, phoofolo, lefaufau, ka moka le rogilwe ke Modimo ka baka la yona. Yeo ke thogako, ka baka la gore Sathane o fihlile go yo pele.

<sup>468</sup> Jesu o tlile go le lopolla morago go Tate. Gore a dire se, O bile karolo ya lona; bjalo ka ge ke ile go se kgabola. Gomme go tšwa gona leroleng (karolo ye Jesu a bego a le yona, ka Boyena) le le lopolotšwego, ka Yena ka moka dikgopolo tša Modimo di lopolotšwe le lefase.

<sup>469</sup> O be a le Lentšu le le boletšwego. Rena ba re lopolotšwego re karolo ya Gagwe. Ka gona, ge le ka kgona go lemoga! Le a bona?

<sup>470</sup> Bafarasei ba tleleimile gore ba be ba le. Eupša, le bona seswantšho sa ka sa pele, ba be ba le seo ka bohlale feela. Ba be ba sa kgone go lemoga Lentšu ge Le be le dirwa go bonala thwi pele ga bona. Ba rile, “Monna yo ke moya wo mobe.”

<sup>471</sup> Bjale, lehono, re bitšwa baporofeta ba maaka. Re bitšwa selo se sengwe le se sengwe sa ditšhila se ka kgonago go bitšwa, ke batho ba bodumedi, le a bona, ke banna ba bagolo le ditalente. Le a bona, ba no se kwešiše. Le a bona?

<sup>472</sup> Kolobetšo ya meetse e be e se ya lekanela go le hlwekiša; le ge e le ya bona. Tlhwekišo, ya Madi, e le tlišitše morago, e le tleleimile. Eupša kolobetšo ya Mollo e le hlwekišitše; go swana le ka fao e dirile Monyalwa wa Gagwe. Bjalo ka tokafatšo, tlhwekišo, kolobetšo ya Moya wo Mokgethwa.

<sup>473</sup> Ga se a ke a tshepiša go tsoša leloko le leswa, bjalo ka ge ke boletše, eupša O tshepišitše go lopolla le le welego. Bona ba ba bego ba—ba kgethetšwepele, go ba bajabohwa ba lona bjalo ka ge A tshepišitše. Gomme Ke Modimo yo a sa fetogego; re tseba seo.



474 Elelwang, Modimo o tšere Eliya, ka morago ga tlhatlogo, gomme a mo fetolela, a mo bjalollela morago magareng ga batho, go tšea lefelo bjalo ka moporofeta magareng ga batho ba gagwe; kgauswi gabotse O tla dira seo. Gomme o mmolokile, a phela, mengwaga ye ye makgolo a masompedithano. O swanetše go tšwelela gape.

475 Elang hloko gape, O tsošitše Moshe go tšwa lehung. Lebitla la gagwe le kae? A yo mongwe a ka kgona go le hwetša? Balang Puku ya Jude. Le a bona? Sathane... Morongwamogolo a phegišana le morongwamogolo, Sathane, o rile, o se ke... "Morena o a go kgalema," ba phegišana ka mmele wa Moshe. Gomme mo Petro, Jakobo le Johane ba be ba eme fao ba mo lebeletše, godimo ga Thaba ya Phetogelo, thwi kua ka nageng moo Thaba e tlogo go tsošetšwa godimo go dula ka go yona. Le a bona?

Gomme O tllile go le lopolla.

476 Le a bona, fao go bile Kereke ye ya go hlatlošwa nako yeo, e emetšwe; go be go le bao ba robetšego, ba emetšwe. Kae? [Ngwanešu Branham o šupetša go letlapantsho, ka ditemana tše di latelago tše mmalwa—Mor.] Ka Toropongkgolo; godimo ntlhoreng ya thaba. Le a bona?

477 Fao go be go le Petro, Jakobo, le Johane, ba lebeletše; ba bararo, hlatse. Fao go be go le Eliya, Moshe, le Jesu; bjalo ka hlatse ya Legodimo. Le a bona?

478 Gomme fao go be go le Moshe, mohu, o be a tsošitšwe. Fao go be go le Eliya, tlhatlogo, o be a sa phela. Gomme mmogo ba be ba emetšwe godimo ga thaba ye ye kgethwa.

479 Gomme, Jesu, Molopolodi. Ge Modimo, godimo bokagodimo ga Gagwe ka mokgwa *wo*, o Mo apešitše ka morithi, a re, "Yo ke Morwa moratwa wa Ka."

480 Le a elelwa, Jesu o rile, e ka ba letšatši pele ga fao, O rile, "Ruri Ke re go lena, gore ba bangwe ba eme mo bjale, ba ka se ke ba bona lehu, go fihla ba bona Mmušo wa Modimo o hlomilwe ka maatla."

481 E be e le eng? Bahu ba ba tsošitšwego le bakgethwa ba ba hlatlošitšwego, mmogo, ba tšeelwa godimo mmogo go Mo gahlanetša ka moyeng. Le Modimo a Mo apešitše ka morithi, gomme Jesu a eme fao ka morithing wo, a re, "Yo ke Morwa moratwa wa Ka, Yo Ke kgahlwago ke yena," tshepedišo ya Mmušo wo Moswa. Oo, ngwanešu, kgaetšedi!

482 Lehu ga le go fetole. Lehu le fetola feela lefelo la gago la go dula. Le a bona?

483 Elelwang, Samuele, ge a be a hwile gomme a bolokilwe mengwaga ye mebedi, o be a le Parateising. Gomme moloi wa Endora a mmiletša godimo, gomme Saulo a mo lemoga; gomme a dira, le yena, a wa ka sefahlego sa gagwe. O be a se a fetoga,

le gatee. O be a sa le Samuele yo a swanago, ka morago ga ge a hwile mengwaga ye mebedi, gomme o be a sa le moporofeta. O rile, “Bosasa o tla wa ka ntweng, morwago le wena, gomme ka nako ye bosasa bošego o tla ba le nna.” Gomme seo e no ba se se diregilego.

<sup>484</sup> Le a bona? Gomme ge Moshe a bowa morago, le Eliya, bakeng sa Kutollo 11, ba tla be ba sa le baporofeta. Haleluya!

<sup>485</sup> Gomme godimo ka kua, ka Nageng, Toropokgolo moo Kwana e lego Seetša, ke tla go tseba, Ngwanešu McKinney. Ke tla le tseba, batho ba ka, mabjebhlokwa a ka go korone. Ge ba etla go tšwa Bohlabela le Bodikela, go tla Toropongkgolo; ge disekwere maele tše makgolo a lesometlhano, o tla be a dutše fale, gomme Toropokgolo e agilwe sekwerenne. Ge le dutše kua ka Thabeng ye kgethwa, moo Modimo a dulago godimo ga Thaba, gomme Jesu godimo ga Terone. Gomme phalafala ya gauta e a lla ge Josefa a tloga, go sepela go theoga go kgabola Parateisi, gomme bana ba Modimo ba wa godimo ka matolo a bona go Mo direla, ba tseba gore ba lopolotšwe. Le a bona? Amene! Haleluya!

Dinako dingwe ke gola go hlologela  
 Legodimo,  
 Gomme letago Kua ke tla le bogela;  
 E tla ba thabo e kaakang ge Mophološi wa ka  
 ke mmona,  
 Ka Toropongkgolo ye botse yela ya gauta!  
 Ke tlemetšwe Toropokgolo ye botse yela  
 Morena o lokišitše. . .  
 [Lefelo la go se be le selo godimo ga  
 theipi—Mor.]

<sup>486</sup> Jesaya o rile, ka go Jesaya 9:6, “Gomme khutšo ya Gagwe le go oketšega ga Gagwe fao go ka se be le mafelelo. Mmušo o tla ba godimo ga magetla a Gagwe; Leina la Gagwe le tla bitšwa Moeletši, Kgoši ya Khutšo, Modimo yo Maatla, Tate wa ka Gosafelego. Gomme mmušo o tla ba godimo ga magetla a Gagwe; gomme ka go oketšega ga Gagwe le khutšo ya Gagwe fao go ka se be le mafelo.” Le diphoofolo di fao. Oo, nna!

Bera e tla ba boleta, gomme phiri e tla  
 tapišwa;  
 Gomme tau e tla dula kgauswi le kwana,  
 Gomme sebata sa go tšwa lešokeng, se tla  
 hlahliwa ke ngwana;  
 Eupša kea go fetolwa.

<sup>487</sup> Ke tla fetolwa go tšwa go sebopiwa se ke lego sona, ge Letšatši leo le etla, ka gore ke ya Toropongkgolo yeo. Ke tlametšwe Toropokgolo ye botse yela! Ke ikwela Maatla a topollo ka go pelo ya ka yohle bjale.

488 Ge go se bjalo, gona ke lahletše bophelo bja ka kgole; ke rutile ba bangwe dilo tša bofora. Eupša ge ke lebelela fase gomme ke bona tshephišo yeo A e dirilego go letšatši le, gomme ke E bona e hlatselwa; gomme ke lebelela ka go phuthego ye ya sekwere maele tše makgolo a lesomethlano e dutšego mo, Mokgethiwa yo a biditšwego go tšwa go dikereke tša maina le meloko le dithutotumelo le dilo, a kgobokane mmogo; ge ke bona Lentšu le itlhatsela ka Bolona, ke tseba, ka godimo ga morithi wo motee wa go kamaka, mabjebohlokwa a korone ya ka a tla phadima go phala se sengwe le se sengwe lefaseng, ka Letšatši leo.

489 Fao go tla nako! Batho, ga se ra kgobokana mo ka lefeela. Re nno letela nako yeo. Go ga kudu llata, llata ga kudu, eupša Jesu o sa le kudu, kgauswi kudu. Gomme, Letago la Gagwe, le a makatša. “Leina la Gagwe le tla bitšwa Moeletši.” Toropokgolo yeo, le kgona go e bona? Fao ke mo Monyalwa le Monyadi ba tlogo go iketla, gomme ga go gape . . .

490 Bjale, ge o nagana gore go a makatša ge re otlela dimaele tše lekgolo go dula mo le go iphepa ka Lentšu la Gagwe, le e lego morithi feela, go tla ba eng ge re phela ka Toropongkgolo le Yena! Ge ke dula kgauswi moagišane le wena, gomme ge re eja mehlare yeo, gomme re tla sepela ka diterateng tšeo, ge re sepela godimo ga diterata tšeo tša gauta go ya mothopong, go nwa go tšwa mathopomong, re tla sepelela ka diparateising tša Modimo, le Barongwa ba akaletše lefaseng, ba opela dikoša, oo, a Letšatši le e tlogo go ba lona! Le swanela ka moka. Tsela e bonala e le makgwakgwa, nako ye nngwe e ba ye thata, eupša, oo, e tla ba ye nnyane kudu ge ke bona Yena, ye nnyane kudu. Maina a mabe le dilo tšeo ba di boletšego, tšeo e tla ba eng ge ke bona Yena ka go ye botse yela, ye botse Toropokgolo ya Modimo?

491 A re inamišeng dihlogo tša rena.

Ke tlametšwe Toropokgolo yela  
 Morena wa ka o e lokišeditše ba Gagwe  
 Mong;  
 Fao ka moka Balopollwa ba mabaka ka moka  
 Ba opela “Letago!” go dikologa Terone ye  
 Tšhweu.  
 Dinako tše dingwe ke hlologela Legodimo,  
 Le matago a lona ke tla a bonago Kua;  
 E tla ba thabo bjang ge Mophološi wa ka ke  
 mmona,  
 Ka Toropongkgolo yela ya gauta!

492 Sehlakahlakeng sa Patmose, Johane o e bone! [Ngwanešu Branham o lla ka thabo—Mor.]

493 Morategi Jesu, kholofelo ye, kholofelo ya ka ga se ya agiwa godimo ga selo ge e se, Morena. Yoo ke mme wa pelo ya ka; Toropokgolo yela, Kgoši ye kgolo. Modimo, o se ke wa tlogela yo motee mo a senyega, ka kgopelo. A nke re hlahlofe maphelo

a rena gape, lehono, Morena, re letetše go Tla ga Morena. Moo, ka moka Balopollwa, ntle ka kua ka go kholosiamo ye kgolo ka Roma, moo bona Bakriste ba go lewa ke ditau, lerole le tla thubegela pele letšatši le lengwe!

<sup>494</sup> Fao go ka se be le serapa sa mabitla ka thoko ga thaba ya Letago. Ga go mangina a mojako a tlogo go swareletša kgare ya poloko. Ga go mogokgo wo o tlogo go bonwa godimo ga yona. Aowa, aowa. Aowa ga go mobu wo o tlogo go kgobelwa godimo. Ga go madimo a a tlogo go le ratha. Go tla ba letago ka moka kua.

<sup>495</sup> Re thuše, Morena. Ge go na le yo motee mo...yo a bileditšwego Selalolong se sa Monyanya wa Kwana, mengwageng ye sekete ye ya pušo ya Miliniamo, gomme ka gona go tsena ka Toropongkgolo ka morago ga ge Hanimune e fedile. Miliniamo e no ba Hanimune. Ka gona O, Monyalwa, o tšea wa Gagwe. . .Monyadi o tšela Monyalwa wa Gagwe Gae. Ke wa Gagwe. Monyadi wa Gagwe; Monyalwa wa Gagwe. Oo, O ile go lokiša Ntlo, ge e sa le A beeletša.

<sup>496</sup> A nke re be therešo go Yena Yo e lego Lentšu, ka gore Yena ke Lentšu. Go sa kgathale ka fao ba bangwe ba lekago go re gwabela, go re tloša go tloga go Lona; Morena, nkgogele kgauswiuswi.

Ka gore dinako tše dingwe ke hlologela  
 Legodimo,  
 Le letago la lona ke tla le bona Kua;  
 E tla ba thabo bjang ge Mophološi wa ka ke  
 mmona,  
 Ka Toropongkgolo yela ya gauta!

<sup>497</sup> Legae la ka moso la Monyadi le Monyalwa! O tla morago. . . [Lefelo le le se nago selo godimo ga theipi—Mor.] . . . go ya Selallong sa Monyanya; e ya go ba matšatši a mararo le seripa. Ka gona go bowa gape, ka Miliniamong, hanimuning ya rena. Gomme ka gona O—O ya go tliša Toropokgolo ponagalong. Bjalo ka monyadi a tšela monyalwa go sa go makatša, ka fao monyalwa yo monnyane a emego fale ka go makala ge a bogetše legae la gagwe la ka moso! Gomme ka tumelo, lehono, Morena, re le bona ka kua. Le tla ba thwi mo godimo ga lefase le. O le tshephišitše.

<sup>498</sup> Kereke ya Gago e tla lopollwa ka go felela, le letee la matšatši a. Gomme ka gona lefase la Gago le tla lopollwa, ka moka diripana. Eupša sa pele O lopolotše batho ba Gago, mebele ya bona ye e dirilwego ka lefase.

<sup>499</sup> Re thuše, Modimo. Ge go le yo motee mo yo a nogo go se be tlwa le nnete ya yeo, Morena, a nke ba e amogele feela bjale.

<sup>500</sup> Ke a tseba e bile mo go telele le go fiša, eupša, batho, re ka se ke ra ema mo ka mehla. Nka se ke ka ba modiša wa lena ka mehla. A re e direng ya nnete.

“A fao go tsela, Ngwanešu Branham?”

<sup>501</sup> Eye, eba karolo ya Lentšu, karolo ya Lentšu la lehono. O ka se kgone go ba karolo ya Lentšu la letšatši la Moshe; karolo yeo e dirilwe, yeo e be e le maoto. Re Hlogong bjale. Yo ke Kriste. E sego nako ya matsogo, morago ka go Luther, aowa. Ye ke nako ya Hlogo. Kriste, Leswikahlogo, le tla go Mmele.

<sup>502</sup> Ge o no se ikwele tlwa gabotse ka yona, kae kapa kae o ka kgonago, a o ka emišetša seatla sa gago godimo feela gore ke kgone go bona. A yo mongwe le yo mongwe a swarele hlogo ya gawge fase. Modimo a le šegofatše.

<sup>503</sup> E re, “Nkgopole ka thapelong, Ngwanešu Branham. Ke nyaka go ba kua kudu! Ga—ga ke nyake go le foša, Ngwanešu Branham. Ke—ke a tšheka, ke dira se sengwe le se sengwe ke se kgonago, eupša nthapelele bjale, a o ka dira?” Modimo a go šegofatše.

<sup>504</sup> Ge o sa nagana ka lona bjale, e no rapela, e re, “Modimo . . .” Ke ka pelong ya gago mong. Le a bona, ge o e kwa selo se sengwe se kgwatha, se tšipa ka pelong ya gago, seo ke se e lego sona. Ke kgopolo yela e leka go ipolela ka boyona.

Ke tlemetšwe Toropongkgolo yela ye botse  
Morena wa ka o e lokišeditše ba Gagwe  
Mong;

Fao ka moka Balopollwa ba mabaka ka moka  
Ba tla opela “Letago!” go dikologa Terone ye  
Tšhweu.

Dinako tše dingwe ke hlologela Legodimo,  
Le matago a ke tla a bonago Kua;

E tla ba thabo bjang ge Mophološi wa ka ke  
mmona,

Ka Toropongkgolo yela ya gauta!

<sup>505</sup> Tate wa Legodimong, re tšee bjale, Morena. A nke Modiši yo Mogolo, Modiši yo Mogolo yo a Lopollago, Modiši yo Mogolo Yo a tlogetšego Letago, a tseba gore tše dingwe tša dikgopolo di lahlegile godimo ga yona melapo ye megolo ya sebe, moo diphiri le—le diphoofolo ka pela di tla metša nku ye ye nnyane yela; eupša O tlogetše mekgoba ya gauta, a tla tlase ka lefaseng gomme a dirwa yo motee wa rena, gore A kgone go bolela lerato la Modimo go rena. Fao O ba hweditše, ba bangwe ba bona ka dikerekeng tša maina, ba bangwe ba bona ka dintlong tša go tsebega gampe, ba bangwe ba bona diterateng, ba foufetše, ba bangwe ka magoreng le tseleng ya lephefo, eupša O lopolotše yo mongwe le yo mongwe yo Tate a Mmeetšego go mo lopolla.

<sup>506</sup> Gomme O re romile, gore re tla phela karolo ye ya Lentšu la lebaka la rena. Gomme re bona tsošološo ye kgolo ya Luther, ka lebakeng leo; le ya Wesley; le ya Pentecost. Bjale re lebeletše Leswikahlogo la Toropokgolo. O Modimo, re tseba lebaka

le tshephišo ye re e fetšwego letšatši le, ka fao Le le tlogo go bušetšwa gape. “Seetša sa mantšibuwa se tla buđuša kenywa ya gona. Gomme go tla tla go phethega gore go tla ba letšatši le le ka se kgonego go ba mosegare goba bošego, le ka kgona go bitšwa, eupša go tla ba Seetša ka nako ya mantšibuwa.”

<sup>507</sup> Morwa wa Modimo wa letago yo a swanago o iponagaditše ka Boyena ka nameng ya motho godimo mo lefaseng, o dira tshephišo go iphela tlwa ka boyona, a fofatša mahlo a Bafarasei le Basadutsei le Baherodian, le go ya pele.

<sup>508</sup> Gomme lehono e bušetša gape, Lentšu le bonagatšwa go no swana le ka fao Le bilego. Lentšu, le tseba sephiri sa pelo, feela tlwa ka tsela ye le bilego, bjalo ka ge Lengwalo le boletše, leo le ka se kgone go robja. Re thuše, Modimo, go le lemoga.

<sup>509</sup> Thuša ba bjale ba ba emišitšego diatla tša bona. A nke ba pantele go swinella gannyanenyane; ba itlhome ka bobona ka Ebangedi ya khutšo; ba apare tlhamo ya go tlala ya Modimo; ba gogele fase sekokoro; ba tšee kotse ya tumelo; ba matšhetše pele, go tloga lehono go ya pele. E fe, Morena.

<sup>510</sup> Nako ye nnyane feela, re tla bitšwa, ka gona Tlhatlogo e tla tla. Sehlopha se sennyane feela sa nthathane, bjalo ka Henoge, se tla tšeelwa godimo.

<sup>511</sup> Ka gona, “mašalela a peu ya mosadi, ao a bolokago melao ya Modimo,” Bajuda, “ba na le bopaki bja Jesu Kriste,” Bantle, ba tla tsongwa bjalo ka dimpša, “gomme ba tla neela bophelo bja bona bakeng sa bopaki bja bona.”

<sup>512</sup> Ka gona, mosong wo motee wo mogolo, go hlaba ga Miliniamo, ka gore—gore Hanimune e tla thoma.

<sup>513</sup> “Gomme ka gona bahu ba bangwe ga se ba ke ba phela go fihla mafelong a mengwaga ye sekete.” Ka gona, mafelelong a mengwaga ye sekete, fao e bile Kahlolo, go laetša gore Ham o be a le ka arekeng. Gomme Ham o sa le fale ka go mašalela. Ba batee ba ba Le kwelego gomme ba Le gana ba tla swanelwa ke go ahlolwa.

<sup>514</sup> Bjale, e fe, Morena, gore re se ke ra balwa magareng ga bona, eupša re tla ba ka go pitšo go ya Selallong sa Monyanya. Ka gore, re lemoga Jesu magareng ga rena lehono. Re ya ka gare le Yena; go tšwa lefaseng, go ya ka go Yena. A re sepeleleng pele ka Toropongkgolo yela, re tšwele ka ntle le Yena.

<sup>515</sup> Ke a tšofala, Morena. Ga ke sa na le dithero tše ntši go di rera. Eupša ka nnete ke tshephile Wena. Ke lebeletše Toropokgolo yela, go swana le ka fao tate wa ka Abraham a dirilego. Fao go na le Selo se sengwe ka go nna se a bolela gore e a tla. Ke leka mo gohle, Morena, go phatlalatsa Seetša le go ba bitša. A nke go hloke le yo motee wa ba, Morena. . .

<sup>516</sup> Ke mo go botse, nako ya go feta, O utolotše seo go nna. Go tšwa go sediko sa e ka ba dimaele tše makgolo a

lesometlhano, yo motee feela *mo* le *mola*, ba beilwe mmogo lehono, ba ba kgobokanego go lefelo letee le lennyane, ba letetše Toropokgolo yela go tšwelela. Re bolela gore re baeti le basetsebje. Re balahlwa. Bahetene, lefase, le a sega le go dira metlae; dikereke tša maina tša bodumedi di a nyefola; eupša ga re šuthišwe ke dilo tše bjalo. Re dire karolo ya Lentšu, Morena, go se šuthišwe. “Go tla tla go phethega ka matsatšing a mafelelo.” A nke e be rena, Morena, a nke re balwe magareng ga bona. Re e kgopela go la Jesu Leina. Amene.

<sup>517</sup> Le a le dumela? [Phuthego e re, “Amene.”] A re emišeng diatla tša rena ka mkgwa *wo*.

Ke tlametšwe Toropokgolo ye botse yela  
Morena wa ka o e lokišeditše ba Gagwe Mong;  
Fao ka moka Balopollwa ba mabaka ka moka  
Ba tla opela “Letago!” go dikologa Terone ye  
Tšhweu.

Dinako tše dingwe ke hlologela Legodimo,  
Le matago a ke tla a bona Kua;  
Oo, e tla ba thabo bjang ge Mophološi wa ka  
ke mmona,  
Ka Toropongkgolo ye botse yela ya gauta!

<sup>518</sup> Bjale, ge re le ba go dula ka Toropongkgolo yela mmogo, e no šišinya diatla le yo mongwe, e re, “Modimo a go šegofatše, moeti. Le tšwa kae? Louisiana, Georgia, Mississippi? Ke moeti, le nna. Ke lebeletše Toropokgolo yela.”

<sup>519</sup> Ke lebeletše Toropokgolo yela, Ngwanešu Neville, godimo kua. Re ya tsela godimo kua . . . ? . . . Ngwanešu Capps, ke lebeletše Toropokgolo yela, le bjale, bošegong bjo. [Ngwanešu Branham o thoma go hama *Ga Go Manyami*—Mor.]

Gomme matago a wona ke tla a bona Kua;  
E tla ba thabo bjang ge Mophološi wa ka ke  
mmona,

Ka Toropongkgolo ye botse yela ya gauta!

Oo, bera e tla ba boleta, gomme phiri e tla  
thapa;

Gomme tau e tla robala fase le kwana, oo, ya;  
Gomme sebata go tšwa . . . se tla hlahlwa ke  
ngwana;

Gomme ke tla fetolwa, ka fetolwa go tšwa go  
sebopiwa se ke lego sona, oo, ya.

Oo, fao go tla ba le khutšo ka molapong wa  
ka letšatši le lengwe;

Oo, fao go tla ba khutšo ka molapong wa ka.  
(Thwi! Ya!)

Fao go se sa ba mahloko, ga go sa le manyami,  
ga go sa le bothata bjo ke tla bo bonago;

Fao go tla ba khutšo ka molapong wa ka.



520 Kgoši ya rena ye e sa bonagalego, mosong wo, e tla dirwa go bonagala. Nka se ke ka lebelela Bill Dauch ka masomesenyane a mengwaga ka bokgale. Le ka se lebelele go nna bjalo ka masometlhano. Eupša ke tla be ke fetotšwe, Letšatši leo.

Gomme ge sebata go tšwa šokeng, se tla hlahlwa ke ngwana;  
Eupša ke tla fetolwa, ka fetolwa go tšwa go phoofolo ye ke lego yona.

521 A le ka se thabe? Meriri ye mesehla e tla be e ile; magetla a go kobama. Eupša botse, go se hwe, re tla ema ka go swaneng le Yena, go phadima go phala letšatši. Oo, semaka!

. . . ya ka, O Morena, ke a rapela;  
Fao go ka se be manyami, ga go sa le mahloko,  
ga go sa le bothata ke tla bo bonago;  
Gomme fao go tla ba le khutšo ka molapong wa ka.

522 Seo ke se re lego ka sona mo. Ke ba bakae ba lena ba nyakago maatla a leeto? Modimo re fe wona! Ke ba bakae ba lena ba babjago ka mmeleng wa gago, mašole a a gobaditšwego? Toseine, goba go feta. Le a dumela gore O mo, Kgoši ya go se bonagale? Dilo tše di bonwago; tše di sa bonagalego di dirwa go bonagala ka tše di bonagalago. O a swana maabane, lehono, le ka gosafelego, feela mmele wo o bonagalago. Bjale, ge wo e le Moya wa Gagwe wo o rerilego se ka nna, O tla dira mešomo ye A e dirilego ge A be a le mo. Oo, go makatša bjang!

Ke tlametšwe naga ya tshephišo,  
Ke tlametšwe naga ya tshephišo;  
Oo, ke mang a tlogo gomme a ya le nna?  
Ke tlametšwe naga ya tshephišo.

Ka moka yohle melala yela ya go phatlalala  
ya go oketšega  
Go phadima le letee Letšatši la ka Gosafelego;  
Fao Modimo Morwa o buša ka gosafelego,  
Gomme o šwallanya bošego go tloga.

Oo, ke tlametšwe naga ya tshephišo,  
Ke tlametšwe naga ya tshephišo;  
Oo, ke mang a tlogo gomme a ya le nna?  
Ke tlametšwe naga ya tshephišo.

523 Makgolotlhano ba sepelela ka nokeng ka kua, letšatši la mathomo Morongwa wa Morena a go tšwelela ka go bonagala, go hlatsela, go swana le ge A dirile godimo ga Thaba ya Sinai, yo ke kopanego le Yena. Ke ile ka sepelela ka nokeng, gomme makgolo a opela kopelo yela e swanago ya kolobetšo. Mo A tla, a theoga, yona ye e swanago Pilara ya Mollo ye le e bonago ka senepeng kua; ya theogela tlase, thwi tlase mo nokeng, gomme

ya re, “Bjalo ka ge Johane Mokolobetši a rometšwe go eta pele go tla ga Gagwe la mathomo, Molaetša wo o tla eta pele go Tla la bobedi.” Le a bona? Fao le gona, le a bona.

Oo, ke mang a tlogo gomme a ya le nna?  
Ke tlametšwe naga ya tshephišo.

<sup>524</sup> Pilara ya Mollo yeo e swanago e mo le rena. A le e lemogile? O dirile ba bangwe ba rena selo se setee, gomme ba bangwe se sengwe. Ge le ka dira, ntle le go kamaka mo gotee, dumelang gore O ka gare ga moago, ke a dumela gore O tla ikgonthiša Seyena go lena. A se tla le kgotsofatša? Ge ke sa fihle go yo mongwe le yo mongwe yo motee wa lena. . . E ya go iri ya bobedi, eupša ge le. . . Ke gannyane ka morago ga ya pele, ke ra gore. Ge le ka dumela, a re Mo dumelele a theogeletlase godimo ga rena! Tumelo ya rena e kae? Le a bona, le swanetše go dumela seo. Ge le sa se kamake, thorwana e tee, e ya go šoma.

<sup>525</sup> Ke—ke lemoga Bogona bjo Bokgethwa bja Gobeng ga Kriste, Yo a lego Lentšu. Gomme Beibele e rile, “Lentšu ke. . . le le tletšego maatla go feta tšhoša ya magale-mabedi, gomme Le ripa go fihla mokong wa lerapong, gomme le hlola megopolo yeo—yeo e lego ka pelong, le a utolla sepheri sa pelo.”

<sup>526</sup> Lebelelang. Ka baka la eng, ke be ke sa tsebe dilo tšeo, mengwaga ya go feta. Gomme ge ke e boletše, ke sa e tsebe, lebelelang se A se dirilego. O rile, “Bjale o tla tšea batho ka seatla sa bona, gomme, o se ke wa nagana selo, e no bolela se kgopolo e go botšago. E re ke sekutu, eng kapa eng e lego sona.” Ka gona a re, “E tla tla go phethega gore ga wa swanela go dira seo.” Le a bona? Le a bona? “Le tla hlola sona selo se se lego ka go bona.” Re bile le ka moka mehuta ya dikekišo, re tseba seo, gabotse go fora Bakgethiwa ge go kgonega. Hlokomelang ka fao ka moka selo se yago le Lentšu, ka gona le tla tseba ge eba ke nnete goba aowa. Eupša, go le bjalo, Jesu o dula e le yo a swanago maabane, lehono, le ka gosafelego.

<sup>527</sup> Ke ba bakae ka mo ba ba babjago, gomme ba tseba gore ga ke le tsebe? Emišetša seatla godimo, e re, “Ke—ke a tseba gore ga o ntsebe.” Oo, e no ba, ke a thanka, mo gohle. Selo se nnoši le swanetšego go se dira e no ba go le dumela.

Dumela feela, dumela feela,  
Ka moka dilo di a kgonega, dumela feela;  
Dumela feela, dumela feela,  
Ka moka dilo di a kgonega, dumela feela.

<sup>528</sup> Jesu o rile, “Bjalo ka ge go bile ka matšatšing a Sodoma, go tla ba bjalo ge Morwa wa motho a tla utollwa godimo ga lefase ka letšatšing la mafelelo. Ge Morwa wa motho a tla utollwa, goba, a ikutolla ka Boyena ka letšatšing la mafelelo.” Bjale, e sego matšatši a pele, matšatši a gare; letšatši la mafelelo, le a

bona, O tla utolla. Gomme bjale re ka matšatšing a mafelelo. Sodoma e dutše feela tlwa, se sengwe le se sengwe, batseta, go no swana.

529 Go diregile eng go—go mašalela a mannyane a bileditšwego ntle le sehlopha sa Abraham? Fao go bile yo Motee a tla magareng ga bona, ka nameng ya motho; a emetšwe ka nameng ya motho, a ja le bona, a nwa le bona, dijo tše di swanago tšeo ba di jago, se sengwe le se sengwe. O eme magareng ga bona, a bolela Molaetša. Ka gona A re, “Ke ya go dira selo se segolo se.”

530 Gomme Abraham a tšwela pele a ithuta, “A ke yona? Ke be ke lebeletše Toropokgolo. A ke Kgoši?”

531 Gomme A re, “Ka baka la eng Sarah a kamakile se?” Ka tenteng, ka morago ga Gagwe.

532 Abraham a re, “Morena Modimo, Elohim!” Ka baka la gore, O ile a lekola megopolo ya Sarah.

533 Jesu o rile e tla boeletša gape ge A tla utollwa ka letšatšing la mafelelo, Leswikahlogo le etla ka Mmeleng. Go lopolla . . . Bao ke balopollwa, a etla go tšea ba Gagwe Mong. O mo le rena.

534 Bjale, fao go feela diatla tše e ka bago toseine, goba go feta, di ilego godimo. Ke a dumela gore Modimo a ka kgona go fodiša yo mongwe le yo motee wa lena. Thwi. Ke a dumela le bona. Ga ke dumele gore motho ka nnete a ka kgona go dula ka lefelong la go swana le le ntle le . . . ka mohuteng wo wa nako, le seemo se, ntle le go tseba, le go lemoga selo se sengwe.

535 Ke nyaka gore le rapele. Ke nyaka gore le hwetše se e lego phošo ka lena, ka gare—gare—gare ga pelo ya gago, le a bona, gomme ka gona le thome go rapela, le re, “Morena Jesu, utolla se. Ke—ke bolela go Wena se se fošagetšego ka nna. Gomme bjale O romela Moya wa Gago wo Mokgethwa go Ngwanešu Branham, go phethagatša se a se boletšego go ba Therešo, ka Molaetšeng wo a o boletšego lehono ka Wena, ke a tseba e tla ba Therešo. Bjale, e utolle go nna, Morena. Bolela go nna.”

536 Bjale e phatlaletše, go swana le mo le tikologong. Ka fao e no rapela, gomme e no dumela ka pelo ya gago ka moka, gore Modimo o tla e fa.

537 Bjale ke nyaka gore le lebelele go nna, gomme le rapele. Bjalo ka ge Petro le Johane ba rile, “Lebella go rena.” O be a nyaka selo se sengwe, gomme o no ba kgauswi le go e amogela. Gomme o nyaka selo se sengwe, gomme ke a dumela o no ba kgauswi le go se amogela. O rile, “Lebelela go rena.”

538 O rile, “Silibera le gauta, ga ke natšo; eupša se ke nago le sona, ke tla go fa.”

539 Bjale, phodišo, ga ke na le ye e itšego. Yeo ka moka e ka go Kriste. Eupša se ke nago le sona, mpho ya Modimo, ke a

go fa, tumelo go Mo dumela. Bjale, Leineng la Jesu Kriste, yo mongwe le yo mongwe yo motee wa lena fodišwang. E dumeleng. Le a bona? “Ge o ka kgona go dumela!”

<sup>540</sup> Mohomagadi yo a dutšego fao, a ntebeletše. O be a lla, metsotso e se mekae ya go feta, a rapela. O na le bothata bja lehwa bjo bo mo tshwenyago. Ga ke go tsebe. O mosetsebje go nna. Yeo ke therešo, a go se yona. [Kgaetšedi o re, “Yeo ke therešo.”—Mor.] Ga o tšwe mo. O tšwa Chicago. Mdi. Alexander. Ge yeo e le therešo, šišinya seatla sa gago. Bjale eya morago Chicago gomme o be gabotse.

<sup>541</sup> A o kgwathile eng? Selo se se swanago seo mosadi wa tšhologo ya madi a se kgwathilego, morumo wa kobo ya Gagwe, e sego ya ka.

<sup>542</sup> Mohomagadi yo monnyane šo o dutše thwi fase magareng ga lešaba, ge nka kgona go mo dira gore a nkwešiše. Wena yo o emišitšego hlogo ya gago ka thoko. Ga ke go tsebe. O mosetsebje go nna, eupša o tlaišega ka bothata bja teng. Monna wa gago o dutše kgauswi le wena. O na le selo sa go fošagala ka tsebe ya gagwe. Leina la gago ke Czap. Le basetsebje go nna. Ga le tšwe mo. Le tšwa Michigan. Yeo ke therešo, šišinyang diatla tša lena. Eyang morago Michigan, le lokile. Tumelo ya lena e le dire le felele. “Ge le ka kgona go dumela, dilo ka moka di a kgonega.”

<sup>543</sup> Mohomagadi yo monnyane fale le bothata bja mogolo, o dutše thwi morago mo mafelelong, go tšwa Georgia, o apere bošweu. Eya morago, tlase Georgia, o lokile. Jesu Kriste o go dira o loke. A o a e dumela?

<sup>544</sup> Mohomagadi yo a dutšego mo, a ntebeletšego, thwi mafelelong a setulo. O na le bothata bja disaenase. O tla e dumela, Modimo o tla mo fodiša. Mdi. Brown, dumela ka pelo ya gago ka moka, Jesu Kriste o tla go dira . . . O mosetsebje go nna, eupša O a go tseba. Uh-huh. O a e dumela? Emišetša seatla sa gago godimo. Yeo ke therešo.

<sup>545</sup> O robetše ka mo koloyaneng. Mmotše a lebelele godimo mo. O be a tlaišega, a tšwela pele. Ge ke be ke kgona go mo fodiša, ke be ke tla e dira, mohlomphegi. Ga ke kgone go fodiša. Ga a tšwe mo; o tšwa tsela telele. O tšwa Missouri. Mathata a gago ke a ka gare. Eupša ge o ka dumela ka pelo ya gago ka moka, gomme wa se ke wa kamaka, Jesu Kriste a ka kgona go go fodiša; gomme o ka kgona go ya morago Missouri, o lokile, gomme wa fa bopaki bja gago. O a e dumela? Gona e amogele, gomme o tšee koloyana ya gago o ye gae. Jesu Kriste o go dira gore o loke.

<sup>546</sup> Le a dumela? Bjoo ke boitsebišo bja Bogona bja Kgoši ya ka Gosafelego. O a bo dumela bjale, ka pelo ya gago ka moka? Bjale, ka nnete O dirile ntikodiko, thwi go dikologa go kgabola moago wo. A o bo dumela ka pelo ya gago ka moka? A o a dumela gore o ka Bogoneng bja Gagwe?

547 Bjale, a o a dumela le go amogela gore o yo motee wa kemedi ya Mmušo wo? Emiša seatla sa gago. Jesu o rile, “Maswao a a tla latela bona ba ba dumelago. Ge ba bea diatla tša bona godimo ga balwetši, ba tla fola.” Re yo motee yo mongwe; o karolo ya ka, ke karolo ya gago; ka moka re karolo ya Kriste. Bjale, mmogo, a re beeng diatla tša rena mongwe go yo mongwe.

548 Thwi mo, mosadi godimo go koloyana o emeletše, o sepela go dikologa, o ya gae a lokile. Amene.

549 Le, yo mongwe le yo mongwe yo motee wa lena, fodišitšwe, ge le e dumela. Bjale beang diatla tša lena godimo ga yo motee go yo mongwe, gomme ke lena karolo ye ya Kriste. Rapelela motho yo o nago le diatla tša gago godimo ga gagwe, feela ka tsela ye o nyakago go dira.

550 Morena Jesu, re a lemoga gore O mo. Ke Wena Kgoši ya rena; O itsebiša ka Bowena magareng ga rena. Re leboga Wena ka Bogona bjo. Gomme, Morena, O rile, “Ge o re go thaba ye, ‘Šutha,’ o se ke wa e kamaka; dumela gore seo o se boletšego se tla tla go phethega, o ka kgona go ba le sona, o ka kgona go ba le se o se boletšego.”

551 Ka gona, ka go obamela taelo ye, ka go obamela Lentšu la Modimo le le sa kgonego go feila, rena bjalo ka kemedi ya Gago go tšwa go ya disekwere maele tše makgolo a lesometlhano, bjalo ka Toropokgolo, re re go Sathane, diabololo yo a fentšwego, “Bofelo bja gago ke go tšhungwa. Re baemedi ba go tšwa Toropongkgolo yeo e lego sekwerenne, Toropokgolo moo Kwana e lego Seetša. Re kgopolo ye e tšweleditšwego ya Modimo Ramaatlakamoka, bao Jesu Kriste a re lopolotšego ka mogau wa Gagwe.”

552 Sathane, tšwela ka ntle, gomme tlogela motho yo mongwe le yo mongwe yo a babjago a lego ka mo, Leineng la Jesu Kriste. Diatla tše kgethwa tšeo di lopolotšwego, ka baka la gore ba dumela Lentšu gomme ke dikgopolo tša mogopolo wa Modimo, bjale tšona diatla di godimo ga mongwe go yo mongwe. O ka se kgone go ba swara botelele bjo bo itšego. Tšwela ka ntle, Leineng la Jesu Kriste!

553 Bjale, Leineng la Morena Jesu, bjale, O mo. Lentšu la Gagwe le re O mo. Bogona bja gago le tumelo ya gago di a bolela, gore, o yo motee wa kemedi. Le kelo ye nngwe le ye nngwe ya thutafase ye re ka kgonago go e laetša, ke yona. A le a lemoga gore le barwa le barwedi ba ba lopolotšwego ba Modimo? A le a lemoga gore *le* ke Legae la lena? *Le* ke mo le yago.

554 Ke ka baka leo le tlogo mo, ke ka baka leo le tlogo go Kriste, le iphepa ka Lentšu la Gagwe. Gomme ge le kgona go ba le nako ye bjalo ka ye, mo, feela ka dikgopolo tša Gagwe

tše di hlagišitšwego, e tla ba eng ge re etla ka Bogoneng bja Gagwe? Oo, e tla ba mo go makatšago! Yo mongwe le yo mongwe yo motee wa lena o na le tokelo ya go fodiša balwetši, go bea diatla godimo ga balwetši. Yo mongwe le yo motee wa lena o na le tokelo ya go kolobetša.

555 Ge yo mongwe a le mo yo a sego a ke a kolobetšwa Leineng la Jesu Kriste, mogobe o bulegile.

556 Yeo ke tsela e nnoši o yago go e dira, uh-huh, yeo ke therešo, ke go obamela Lentšu le lengwe le le lengwe. Elelwang, karolo ye tee ye nnyane ya Lentšu, mathomong, e hlotše sebe se sengwe le se sengwe lefaseng. Jesu o rile, “Mang kapa mang a ka tšeago Lentšu le letee go tšwa go Le, goba a oketša lentšu le letee go Lona, a ka se ye ka gare.” Leina la gagwe le tlogile Pukung, ka pela ge a se dira.

557 Gomme fao ga go lefelo ka Beibeleng fao yo mongwe a kilego a kolobetšwa, ka Kerekeng, ka mokgwa wo mongwe ge e se Leineng la Jesu Kriste. Ge o se wa ke wa kolobetšwa ka tsela yeo, bokaone o e dire.

558 “Oo,” o re, “ga e dire phapano ye e itšego.” E dirile go Efa.

559 Sathane o rile, “Oo, ka nnete, Modimo, o a tseba Modimo...” Eupša, O dirile. O boletše bjalo.

560 O file Petro dinotlelo go ya Mmušong, gomme se sa go tlangwa ka Pentecost se tlemilwe go ya ka gosafelego. Ke ka lebaka leo Monyalwa a tlilego go bonwapele gape, nako ya bobedi; fao go swanetše go ba Kereke e biletšwa ka ntle ga letšatši la morago, go swana le ka fao go bilego ka letšatšing la pele, feela tlwa. Mohlare o tla go tšwa medung ya wona, godimo go ya go Mohlare Monyalwa, go swana le ka fao o dirilego nakong yeo; mošomo wa bokgabane wa Modimo gape, bjalo ka ge ke boletše Malamorena a mabedi a go feta, go tšaelwa go ya Toropongkgolo.

Modimo a le šegofatše. “Bjale ke a dumela.”

561 Sathane o fentšwe. O a tseba. O lefaseng, o ya bjalo ka tau ye e rorago. Ga se botelele go fihla ge a, oo, o fedile. O tseba nako ya gagwe. O ya bjalo ka tau ye e rorago.

562 Eupša, elelwang, Kgoši ya Khutšo e eme kgauswi; yo Mogolo yo Mokgethwa yo Motee. Mohlami wa bonna, Mohlami Yo a mpopilego se ke lego sona, Yo a go agilego se o lego sona, o mo. Ge Mohlami, Yo a tsebago go bea moago mmogo, lefelong la wona la maleba, yo a tsebago bokaonekaone go feta Mohlami? Gomme O mo go kgonthiša, Seyena, O mo.

563 Bjale e theilwe godimo ga tumelo ya gago. Dumela, dumela feela! Uh-huh.

Ke tlemetšwe Toropokgolo ye botse yela  
 Morena wa ka o e lokišeditše ba Gagwe Mong;  
 Fao ka moka Balopollwa ba mabaka ka moka  
 Ba tla opela “Letago!” go dikologa Terone ye  
 Tšhweu.

Dinako tše dingwe ke hlologela Legodimo (ge  
 bjo ka moka bo fedile),

Le letago ke tla le bona Kua;

E tla ba thabo bjang ge Mophološi wa ka ke  
 tla mmona,

Ka Toropongkgolo ye botse yela ya gauta!

<sup>564</sup> Elelwang, ka kerekeng, bošegong bjo, ba tla be ba e fa  
 selallo. Ge o le mo ka toropongkgolo, bjale, o nyaka go tla, re  
 tla rata go ba le wena. Ke segopotšo sa se re yago go se ja, le  
 letee la matšatši a, le Yena.

<sup>565</sup> Ke a le rata. Ga ke tsebe gore nka le hlagiša bjang. Ke  
 nagana gore le letswai la lefase. Gomme ke kwa boitshwaro  
 bja lena magareng ga lefase, ka gona seo se mpha boitshepho  
 bjo bo oketšegilego ka go lena.

<sup>566</sup> Eupša, naganang, sehlopha se sennyane e tla ba, sa  
 go ratega ka fao re lego, se tla thubja, le lengwe le letee la  
 matšatši a. Re tla lora ka ye. Eupša ge yo motee wa rena a  
 direga go feta go tloga pele re kopana gape, re tla . . .

Ke tla kopana le lena mosong, thoko ga noka  
 ya go phadima,

Ge ka moka mahloko a šuthile go tloga;

Ke tla be ke eme mojako, ge dikgoro di  
 bulega ka bophara,

Go tswalelweng ga la bophelo le letelele, la go  
 lapiša letšatši.

Ke tla kopana le lena mosong, thoko ga noka  
 ya go phadima,

Ke timetše bogareng.

. . .-mong kgauswi le noka, le, tlhatlogo, go  
 tsebana ga kgale go mpshafatšwa;

Ke tla le bona nako yeo, le a tseba.

Le tla ntseba mosong, ka myemyelo ye ke e  
 aparago,

Ke tla kopana le lena mosong, ka  
 Toropongkgolo, yeo e agilwego sekwerenne.

<sup>567</sup> Le a e rata? “Go fihla re kopana!” Bjale a re emeng. *Tšea  
 Leina La Jesu Le Wena*, re feng tšhune.

<sup>568</sup> Le a Mo rata? [Phuthego e re, “Amene.”—Mor.] A Yena  
 ga a makatše? [“Amene.”] A le a dumela gore le ke Therešo?  
 [“Amene.”] A le lebantše ka tsela yeo, ka mogau wa Modimo?  
 [“Amene.”] Go fihla re fihla kua:



Tšea Leina la Jesu le wena,  
 Bjalo ka kotse molabeng mongwe le mongwe;  
 Gomme ge meleko e kgobokana go go  
 dikologa,  
 E no hema Leina le lekgethwa leo ka thapelo.

Ke ka moka re ka se dirago, go fihla re le bona gape. Ka moka gabotse.

Tšea Leina la Jesu le wena,  
 Ngwana wa bohloko le . . .

[Yo mongwe o re, “Bošegong bjo?”—Mor.] Aowa.

Le tla go fa thabo le khomotšo,  
 Le tšee gohle mo o yago.

Leina le bohlokwa, O le bose bjang!  
 Kholofelo ya lefase le thabo ya Legodimo;  
 Leina le bohlokwa, O le bose bjang!  
 Kholofelo ya lefase le thabo ya Legodimo.

<sup>569</sup> Bjale, ke ile ka swanelwa ke go tshela godimo Molaetša wa ka. Letšatši le lengwe, Morena ge a rata, ke tla tla morago gomme ka tšea “mekgoba” ye, gomme ka o topa, le a bona, mo re ka kgonago go ba le nako ye ntši. Le be le goelela ka go se dule botelele go lekanela. Re nayo, lehono. Go a fiša. Eupša, bjale, Modimo a le šegofatše. Ke rata moopelo wola.

<sup>570</sup> Moagišane mo, o rile, bošego bjo bongwe ge ba tima sepikara sa ka ntle, a re, “Ke ipshinne ka Molaetša kudu, eupša ke ka baka la eng le tima moopelo wo mobotse wola, le a bona, ka ntle?” Ka fao, moagišane, ge o theeditše ka gare mosong wo, ke nagana gore re na le baagišane ba bakaonekaone bao ba lego gona ka Jeffersonville. Re emiša dikoloi tša rena pele ga dintlo tša bona le se sengwe le se sengwe gape; ga ba re selo ka yona; re no ya pele. Ka fao, re a ba leboga bjale.

<sup>571</sup> O, Yena ke wa go makatša bjang! Modimo a be le lena bjale.

. . . Leina, O le bose bjang!  
 Kholofelo ya lefase le thabo ya Legodimo.  
 Go fihla re kopana . . .

<sup>572</sup> A re inamišeng hlogo tša rena. Modiša o tla re phatlalatša, dinakwana di se kae feela. Modimo a be le lena!

. . .re kopana maotong a Jesu, (ka  
 Toroponggolo, Teroneng),  
 Go fihla re kopana! go fihla re kopana!  
 Modimo a be le lena go fihla re kopana.



*LEGAE LA KA MOSO LA MONYADI WA*  
*LEGODIMO LE MONYALWA WA LEFASE* NST64-0802  
(The Future Home Of The Heavenly Bridegroom And The Earthly Bride)

Molaetša wo ka Ngwanešu William Marrion Branham, mathomong o abilwe ka Seisimane ka Sontaga mosong, Agostose 2, 1964, ka Branham Tabarenekele ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)